

गुजरात पुरातत्त्वमन्दिर ग्रन्थावली

# प्राकृत कथासंग्रह

( प्रथम भाग—मृग पाठ )

स पादक—

मुनि जिनविजय

( आचार्य, गुजरात पुरातत्त्व मन्दिर )



गुजरात पुरातत्त्व मन्दिर

अ म दा बा ढ



विष्णु सवत् १९७८

प्रथमावृत्ति, प्रति १०००। \* \* \* \* \* रिपत १२ आना



---

प्रकाशक—

रसिकलाल छोटालाल परीख  
मंत्री, गु० पुरातत्त्व मन्दिर,  
अमदाबाद.



मुद्रक—

केशव रावजी गोंधळेकर,  
'जगद्वितेच्छु' प्रेस, १०७, शनवार पेठ, पुणे.

---

# પ્રાસ્તાવિક નોંધ



ગુજરાત વિદ્યાપીઠ દ્વારા પ્રસ્થાપિત આર્યવિદ્યામન્દિરના અમ્યામ ક્રમમા સંસ્કૃત સાથે પાલી અને પ્રાકૃત માપાના મામાન્ય અમ્યામને પળ આવડ્યકીય મ્યાન આપવામા આવેલું હોવાથી, ં મન્દિરના વિદ્યા થિયોને પ્રથમ વાર્ષિક અયયનમા પ્રાકૃત માપાનો માધારણ પરિચય કરાવવામાટે આ ‘ પ્રાકૃત કથામંગ્રહ ’ તૈયાર કરવામા આવ્યો છે.

અહિં પ્રાકૃત માપાથી તે માપા મમજવાની છે, જેને માપા-શાસ્ત્રિયો ‘ મહારાષ્ટ્રી પ્રાકૃત ’ કહે છે, અને જેમા મોટે માગે જનધર્મ નું પ્રાચીન સાહિત્ય પ્રથિત થઈલું હોદે, જેનું મંપૂર્ણ ન્યાકરુણ ગુજરા તના પ્રસિદ્ધ જૈન વિદ્વાન્ આચાર્ય શ્રીહિમચન્દ્રે પોતાના મિદ્ધહેમશબ્દા-નુશામન નામના ન્યાકરુણ ગ્રન્થના અષ્ટમ અધ્યાયના પ્રાગ્મમ આપેલું છે.

આ સંગ્રહમા આવેલી કથાઓ મૂલ ઉત્તરાયયન નામક જૈનમૂત્રની દેવેન્દ્રગણી ઉર્ફ નેમિચંદ્ર મૂરિકુત ટીકામા આવેલી છે. ં ટીકાકાર વિદ્વાન્ વિરુમની ૧૨ મી શતાબ્દિમા થઈ ગયા છે. તેમણે ં ટીકાની રચના ગુજરાતની ગૌરવશાલી ગજવાની અળાહિન્દુર પાટણમા કરેલી છે.

આ કથાઓમાની ‘ લી કથા જર્મનીના વિદ્વાન ડૉ. ફ્રિઁ Lane Jainistische Bearbeitung der Sagar-Sage નામના નિવગ્નમા આપેલી છે, અને વાર્ષીની કથાઓ તેન દેશના પ્રમિદ્ધ પણિટ ડૉ. હર્મન જેકોર્બિઁ મામ પ્રાકૃત માપાના અમ્યામ માટે ન તૈયાર કરેલ Ausgewählte Erzählungen in Mahanastre : Zur Einführung in Das Studium Des Prakrit ં નામના પુસ્તકમા રૂપાવેલી છે.

—મુનિ જિનવિજય

## अनुक्रमणिका



१. सगरसुअ-कहाणयं	..	....	पृ.	१
२. उदायण	.	...	..	८
३. सणकुमार	.	....	.	१७
४. वम्भदत्त	.	....	....	२९.
५. मूलदेव	.	....	..	५६
६. मंडिय		....	..	७०
७. अगडदत्त		..	.	७२



॥ णमो त्थु णं समणस्स भगवओ महावीरस्स ॥

## प्राकृत कथासंग्रह



सगरसुअ-कहाणयम ।

अत्थि अओज्झा नयरी । तीए इक्खागकुटुम्भवो नियसत्तु  
राया । तस्स च सहोयरो सुमित्तविजओ जुवराया विजयानसमई-  
ओ य ताण भारियाओ । विनयाए चोदसमहासुमिणसूइओ पुत्तो  
उववन्नो अजिओत्ति नाम बीयतित्थयरो । नसमतीए वि बीयचक्र-  
5 वट्ठी सगरो उववन्नो । पत्ता ते जोल्लणं परिणाविया उत्तमनारिन्द  
दुहियाओ । कालेण य जियसत्तुरण्णा ठविओ नियरज्जे अनियमुमारो,  
सगरो जुवरज्जे । अप्पणा य ससहोयरेण दिक्खा गहिया । अजिय  
राया वि तित्थपवत्तणसमए ठविउण रज्जे सगरं निक्खन्तो । सगरो  
वि 'उपन्नचोदसरयणो साहियउररण्डभारहो पाळेइ रज्ज । जाया  
10 य तम्म सूरणा वीराणा पुत्ताणं सट्ठी सहम्सा । तेसिं जेट्ठो  
जणहुकुमारो । अजया तोसिओ जणहुकुमारेण कहवि सगरो ।  
भणिओ तेण 'जणहुकुमार, वरसु वरं।' तेण भणियं  
'ताय, आत्थि मम अभिलासो, जइ तुवेमहिं अणुत्ताओ चोदसरयण-  
समेओ भाइबन्धुसंजुओ वसुमदं परिब्भमामि ।' पाटिक्क राइणा । सव्व-  
5 बलेण य पसत्थमुहुत्ते निगओ सव्वसहोयरसमेओ । परिब्भमन्तो य अणेगे  
जणवए पेच्छन्तो गामनगरोगरसारिगिरिसरगणणाइं पत्तो अट्ठावय-  
गिरिं । हेट्ठा सिपिरं निवेसिउण अरुट्ठो उव्वरिं । दिट्ठं भरहनरिन्द-  
कारिय माणिरयणइममयं चउवीसजिणपटिमाहिट्ठियं धुमसयस-  
गय जिणाययण । वन्दिउण य जिणिन्दे पुच्छिओ मन्ती 'वेणेयं

- सुकयकम्मुणा अइसयरमणीय कारिय जिणभवण ? ' काहिओ तेण  
 भरहवइयरो । त सोऊण भाणिय जण्हुकुमारेण 'निखवेह अन्नं अट्टा-  
 वयसरिस सेल, जेण तत्थ चेइयहरं कारवेमो ' । निउत्तपुरिसेहि य  
 समन्तओ निखविऊण साहियं जहा 'नत्थि देव एरिसो अन्नो गिरी ' ।  
 5 तेण भाणिय 'जइ एव ता करेमो एयम्सेव रक्ख, जओ होहिन्नि  
 कालेण लुद्धा सदा य नरा । आहिणवफारावणाओ य  
 पुव्वकयपरिपालण वर ' । तओ सव्वे वि सगरपुत्ता  
 दण्डरयण गिण्हित्ता समन्तओ महीहरस्स पासेमु ते लग्गा खणिउ,  
 त च दण्डरयण सहस्स जोयणाण भिन्दिऊण पत्त नागभवणेमु ।  
 10 भिन्नाइ ताइ । त च अच्चब्भुय पेच्छन्ता भीया नागकुमारा सरण  
 मगमाणा गया जलणपभनागरायस्स समीव । साहिओ वइयरो, सो  
 वि सभन्तो उट्ठिओ ओहिणा आभोएत्ता आसुरत्तो समागओ सगर  
 'सुयसगात्त, भाणिय च ' भो भो, किं तुव्वमेहि दण्डरयणेण महि  
 भिन्दिऊण कओ भवणाभिन्दणेण उवदव्वो नायलोयस्स ? ता अप्पय  
 15 हाय तुव्वमेहिं कयमेय, जओ

अप्पवहाए नूणं होइ वलं उत्तण,ण भुयणम्मि ।

नियपक्खवलेणं चिय पडइ पयङ्गो पईवम्मि ॥,

- तओ तस्स उवसामणानिमित्त भाणिय जण्हुणा भो ' नागराय, करेसु  
 पसाय, उवसहरसु सरम्भ, रत्तमु अम्ह अवराह एय । न अम्हेहि  
 20 तुम्होवद्वानिमित्तमेय कय, अट्टावयचेइयरक्खट्टा परिहा क्या एसत्ति ।  
 न पुणो एव काहामो ' । उवसन्तकोवो गओ सट्ठाण जलणपभो ।  
 तम्मि य गए भाणिय जण्हुकुमारेण 'एसा परिहा दुट्ठद्धा न सोहए  
 जलविरहिया, ता पूरेमो नीरेण ' ति । तओ दण्डरयणेण गद्ध भिन्दि  
 उण आणिय जल । भरिया परिहा । पत्त त नागभवणेमु जलं ।  
 25 जलप्पवाहमतत्त नायनाइणीजण पलायन्त पोच्छिय पउत्तोवहिरो  
 वाणलपलित्तमणो आसुरत्तो जलणप्पभो भाणिउ पयत्तो 'अहो महा-  
 पावाण जइ तेसिं अणुत्तप्पाए खमि भो एद्धसिं अवराहो मए, तो  
 तेहिं अहिययर उवदव काउ आदत्त अम्ह । अहवा दण्ठेण चव

नीयाणमुवममो, न सामेण । ता दसेमि सपद् अविणयफल' ति ।  
पेसिया तत्थ हणणत्थ नयनविमा महाफणिणो । तक्कण चिय  
नीहरिउण तेहिं जलन्तनयनेहिं पलोइया समाणा भासरासिभूया सन्वे  
वि सगरसुया ।

- 5 त पेच्छिय जाओ हाहारवगाब्भिणो महाकन्दो सिविरे । विमुक्क  
केमाओ भग्गवय्याओ तोन्यहारय्याओ हा देव, देव त्ति पलव  
न्तीओ लोएन्ति महीए अवरोहजुवईओ एव विट्ठवमाण सठविय  
सेन्न मन्तिणा जहा ईइमो चेव असारो ससारो, अणिवरिणज्जो  
दिवपारेणामो । किं एत्थ बहुणा विग्गणेण । कज्जे मणो दिज्जइ,  
10 न सोयणिज्जा कुमारा, नओ बहुतित्थवन्णेण, इमम्सजिणाल्लयस्स  
रक्काकरणेण बहुजणोवयारेण च उवज्जियसुहक्कम्मा । तेण दिज्जउ  
तुरियमेव पयाणय, गच्छमो महारायसमीव । अणुमच्चिय च  
मन्तिपयण, सवेहि वि दिन्नपयाणय । उमेण पत्ता नियपुरमासन्न  
सामन्ता, सवेहिय मन्तिय तत्थ 'कहमि रायस्स कहिउ पारीयड,  
15 ज कुमारा सवे एद्धए पेच्छताण चेव अम्ह दट्ठा वय च  
अक्खय्येहा समागया । न्ज्जाकरमेय, ता पविसामो सवे चेव  
जन्तमल्ल' ।

- एव तेमि मन्तन्ताण समागओ एगो दिओ, मणिय च तेण  
'विभेवमाउलीहूया, मुय्ह विमाय, जओ न ससारे किंय सुहम  
20 मुह वा भच्चब्भुयमत्थि, भाणिय च

कालम्मि अणाईए जीवाणं विविद्धम्मयसंगाण ।

तं नत्थि सविट्ठाणं ससारे ज न भवड ॥

- अह सोहेमि राणो इमवय्यर । पच्चिद त तेहिं । तओ सो  
अणाह अण्य भेतूण 'हा मुणे मुट्ठो त्ति कट्ठुण बाहरन्तो  
25 गओ शरुत्तार । निमओ गण्णा तम्म विग्गणमट्ठो । बाहराविओ ।  
वेण मुट्ठो सि ति एच्छिओ वुत्तन्त । तेण अणिय देव, एमण्हो  
चेव मे मुओ । अहिणा ट्ठो य म्मो जाओ निवेट्ठो । ता राउण

करुणं जीवावहे इमं । एयम्मि अवसरे पत्ता तत्थ मन्तिसामन्ता,  
 पणमिऊण उवविट्ठा अत्थाणे । नरिन्देण य आणत्तो वेज्जो 'कुणसु  
 निव्विसमेयं, । वेज्जेण मुणियनरिन्दसुयमरणेण भणियं 'जम्मि गोत्ते  
 5 तीए इमं' । ममिया दिएण भूर्इ जाव, सहस्ससो घरे, नायाइं बन्धु-  
 मरणाइं । साहियं 'देव, नत्थि विज्जोवदित्थो भूर्इए लम्भो' । राइणा  
 भणियं 'जइ एवं, ता किं नियपुत्तं सोएसि ? सव्वतिहुयणसाहारण-  
 मिम मरण, भणियं च

किं अत्थि कोइ भुवणम्मि जस्स जायन्ति नेव पावाइं ।

10 नियकम्मपरिणईए जम्मणमरणाइ संसारं?

ता माहण, मा रुयसु, मुञ्च सोयं, कज्ज चिन्तेसु, कुणसु अप्पहियं,  
 जाव न तुमं पि एवं कवल्लिज्जसि मच्चुसीहेणं' । विप्पेण भणियं  
 'जाणामि अहमेयं, परं पुत्तमन्तरेण संपइ चेव मे कलक्खओ होइ ।  
 दुहियाणाहवच्छलो अप्पडिहयपयावो सयलपयापालणनिरओ देवो,

15 ता देसु पुत्तजीवावणेण माणुसभिक्षं' । रत्ता भणियं 'मइ, असक्कप-  
 ण्हियारं विहिविलसियं । भणियं च

सीयन्ति सव्वसत्थाइं एत्थ, न कमन्ति मन्ततन्ताइं ।

अडिठ्ठपहरणम्मि य विहिम्मि किं पोरुसं कुणउ ? ॥

ता परिचयसु सोगं, करेसु परलोगहियं । मुक्खो चेव करेइ हिए

20 नट्टे, मए वा सोगं' । विप्पेण भणियं 'महाराय, जइ सच्चमेयं, न  
 कायन्वो एत्थ जाणएण सोगो, ता तुमं पि मा करेज्जमु सोगं ।  
 असंभावणिज्जं तुम्ह सोयकारणं जायं' । तओ संमन्तेण रत्ता पुच्छियं  
 'भो विप्प केरिस सोयकारणं ?' विप्पेण भणियं 'देव, सट्ठि पि तुह  
 मुयसत्तम्मा कालगया, । सोऊण इमं राया विज्जप्पहारहओन्व

25 नट्टेयेयणो सिंहासणाओ मुच्छाविहल्लुले निवडिओ घराणिमिडे ।  
 मुच्छासणाणे सोगाउरियमणो मुक्कण्ठं रोपिऊण पण्ये  
 काउ .आदत्तो 'हा पुत्ता, हा हिययदइया, हा बन्धुवट्ठहा, हा  
 गुमहाया, हा विगीया, हा मयग्गुणनिहिणो, कत्थ



मं अणाहं मोत्तण तुब्भे गया ? देह मे तुम्म विरहदुट्ठस्स दंसणं ।  
हा निग्गिण पावविहि, एक्कपणं चेव सन्वे ते बांलणं सहरन्तेण किं  
तए अप्पणं पूरियं ? हा निट्ठुरहियय, किं न फुट्ठासि असज्जासुयम

रणदुक्खसंतुत्तं, पि किं न वच्चासि सयवण्डं । एवं च विल्वमाणो  
5 भणिओ तेणं विप्पेण 'महाराय, संपइ चेव ममोवइसासि संसारा-  
सारयं, ता किं अप्पा गच्छसि सोयपरवसत्तं ? अहवा

परवसणम्मि सुद्वेणं संसारानिच्चयं कइइ लोओ ।

नियवन्धुजणविणासे सव्वस्स इव चलइ धीरत्तं ॥

दुसहं च एगवन्धुस्स वि मरणं, किं पुण सट्ठीए पुत्तसहस्साणं ।

10 तहा वि

सप्पुरिसाच्चिय वसणं सइन्ति गुरुयं पि ताइसेकरसा ॥ ४

धराणिच्चिय सइइ जए वज्जनिवायं, न उण तन्तू ॥

अओ अवलम्बेसु धीरयं । अलमेत्थ विलविणं, जओ,

सोयन्ताणं पि नो ताणं, कम्मवन्धो उ केवल्लो ।

15 तो पण्डिया न सोयन्ति जाणन्ता भवरुक्खयं ॥

एवमाइवयणविन्नासेण संठविओ राया विप्पेण । भणिया य तेण  
मन्तिसामन्ता 'साहेह जहा वत्तं राइणो' । साहियं च तेहिं पगलन्त-  
वाहनलेहिं । समागया पहाणपउरा, धीराविओ सन्वेहि वि राया ।  
कयमुच्चियकरणिज्जं ।

20 एत्थन्तरे पत्ता अट्ठावयासन्नवासिणो जणा । पणयमिरा विन्नवेन्ति  
जहा 'देव, जो तुम्ह मुएहिं अट्ठावयरववणत्था आणिओ गद्धजल-  
प्पवाहो, सो परिहं भरिउण आसन्नगामनगरे उवद्वन्तो पसरइ ।  
ता तं निवारेल देवो, नत्थि अन्नस्स तन्निवारणसत्ती' । राइणा  
भणिओ भगीरही नियपउत्तो 'वच्छ, दण्ढरयणेण नागरायं अनुज-

25 विय नेसु उयहिम्मि गद्धं' । सो वि गओ अट्ठावयं । अट्टमभत्तेणा-  
राहिओ नागराया आगओ कयभीसणमुयद्दहाग्गेउरो । भणइ  
'किं संपादेमि ?' भगीरहिणा भणियं पणामपुन्वयं 'तुम्ह पसाएण

नेमि गङ्गं समुदे, उवद्दवो महन्तो लोयस्स ' । नायराएण भणियं  
 ' विगयभओ क्केसु समीहियं, निवारिस्सामि अह भरहणिवासिणो  
 नागे' ति भणिउण गओ नागराया । भगीरहिणा वि कया नागाणं  
 बलिकुसुमाईहिं पूया । तप्पाभियं च नागवलिं कुणइ लोओ । राय-  
 5 सुओ वि गङ्गमागरिसन्तो, दण्डरयणेण भज्जन्तो बहवे थलसेलवणे  
 जणावाहाए पत्तो पुव्वसमुद्धं । जत्थावयारिया गेणहन्ती अणेगाइं  
 नइसहस्साइं गङ्गा, पुणो वि विहिया तत्थ वली नागाणं । जत्थ  
 य सागरे मिलिया गङ्गा, तत्थ गङ्गसायरतित्थं जायं । अज्ज  
 वि तं लोए विक्खाय । गङ्गा वि जण्डुणा आणीयत्ति तेण जण्हवी  
 10 जाया, भगीरहिणा विणीयत्ति तेण भागीरहिति । सो वि नागेहिं  
 मिलिउण पूओ गओ अओज्झं । पूओ राइणा तुट्ठेण, ठविओ  
 नियरजे । अप्पाणो य निक्खन्तो अनियजिणसगासे, सिद्धो य ।

अन्नया पुच्छिओ भगीरहिराइणा अइसयनाणी ' भगवं, किं कारणं  
 जण्डुपमुहा ते सट्ठिं पि कुमारसहस्सा सममरणा संजया' ' भगवया  
 15 मणिय 'महाराय, एगया महन्तो सद्धो चेइयवन्दणत्थं सम्मेयपव्वए  
 पट्ठिओ, पत्तो य अरण्णं उलह्ठिउण अन्तिमगामं । तन्निवामिणा  
 सव्वजणण अणारिएणं अच्चन्तमुवद्दविओ दुव्वयणनिन्दणेण वत्थन्-  
 घणाहरणच्छिन्दणेण य । तप्पच्चयं च बद्धममुह महन्तं कम्मम-  
 20 णेण कुम्भयारेण एगेण पयइमद्दएणं ' मा उवद्दवेह इमं तित्थजत्तागं  
 जणं । इयरजणस्स निरवराहस्स परिज्जेस्सणं महापावहेउ, किं पुण  
 एरिसधम्मियजणस्स । ता जइ सागयपट्ठिवत्ति, इमम्म न सक्केह  
 काऊं, ता उवद्दव पि ताव रक्खेह ' ति भणिउण निवारिओ सो  
 गामजणो, गओ य सद्धो । अन्नम्मि य दिणे तन्निवासिणा एगेण  
 नरेण रायसन्निवेसे चोरिया कया । तन्निमित्तेण रायनिउत्तेहि पुरिसे-  
 25 हिं दाराइं पिहेउण सो गामो पणीविओ । तया य सो कुम्भयारो  
 मयणेहि निमन्तिओ गाममन्न गओ जाभि । दट्ठ य तत्थ सट्ठिजण-  
 सहम्मा. उवत्ता पराट्ठीए अन्तिमगामे माट्ठाहत्ताए ते सन्ने,

- कोद्वियत्ति जाओ लोए भणन्ति । कहिं चि तत्थागओ करी,  
तच्चलणेण मदिया ते । तओ नाणाविहासु दुक्खपउरासु कुजोणिसु  
परिभमिऊण-मुइरं, अणन्तरं भवे किंपि कऊण तहाविहं सुहकम्मं,  
उववत्ता सगरमुयत्ताए सट्ठि. पि सहम्सा, तक्कम्मसेसवसेण य पत्ता  
5 इमं मरणवसणं । सो वि कुम्भयारो नियआउवत्तए मरिउण जाओ  
एगम्मि सान्निवेमे धणसमिद्धो वणिओ।तयणन्तरं कयसुकयकम्मो संजाओ  
मरिउण नरवई । सुहाणुवन्वमुहकम्मोदएण पडिवन्नो मुणिधम्मं,  
काऊण य कालं गओ सुरलोयं । तत्तो चुओ जण्हुसुओ जाओ सि  
तुमं 'ति । इमं च भगीरही सोऊण संवेगमुक्कओ भयवन्तं वन्दिऊण  
10 सभवणं गओ ।
-

## उदायण



तेण कालेण तेण समएण सिन्धु सोवीरेसु जणवएसु वीयभण  
नाम नगरे होत्था, उदायणे नाम राया, पभावई देवी । तीसे  
जेठे पुत्ते अभिई नाम जुव राया होत्था, नियए भाइणेजे-  
केसी नाम होत्था । से ण उदायणे राया सिन्धु सोवीर पामो

5 कुत्ताण सोलसण्ह जणवयाण वीयभय पामोक्खाण तिण्ह तेव  
झाण नयरसयाण महसेण—पामोक्खाण दसण्ह रायाण बद्ध-  
मउट्ठण विट्ठण सेय—चामर—वायवीयणाण अन्नेसि च राईसर-  
तलवर—पभिईण आहेवच्च कुणमाणे विहरइ । एव च ताव एय ।

इओ य, तेण कालेण तेण समएण चम्पाए नयरीए कुमारनन्दी  
10 नाम सुवण्णकारो इत्थि-लोले परिवसइ । सो जत्थ सुखुव टारिय  
पासइ सुणेइ वा, तत्थ पच्च सया सुवण्णम्स टाउण त परिणेइ ।  
एव च तेण पच्च सया पिण्डिया । ताहे सो ईसालुओ एक  
खम्भ पासाय करेत्ता ताहिं सम लइ । तम्स य मित्तो नाइलो  
नाम समणोवासओ । अज्जया य पच्चसेल-दीव वत्थट्ठाओ वाणम

15 न्तीरीओ सुरवइ निओएण नन्दीसर वर दीव जत्ताए पत्थियाओ ।  
ताण च विज्जुमाली नाम पच्चसेला हिवई, सो चुओ । ताओ  
चिन्तान्ति 'वं पि वुग्गाहेमो, जो अम्ह भत्ता भवइ ' । नवर वच्च  
न्तीहिं चम्पाए कुमारनन्दी पच्च-गहिला सय परिवारो उवटलन्तो  
दिट्ठो । ताहिं चिन्तिय 'एस इत्थी-लोले, एय वुग्गाहेमो ' । ताहे

20 सो भणइ 'काओ तुम्हे ' ताओ भणन्ति 'अम्हे हासा पहासा भिहा  
णाओ देय्याओ । सो मुच्छिओ ताओ पेच्छइ । ताओ भणन्ति  
'जइ अम्हेहिं ण्ण, तो पच्चसेग दीव एज्जाहि त्ति भणिउण ण्ण  
इउण गय्याओ । सो तामु मुच्छिओ राउले सुवण्ण द्दउण पट  
हम नीणेइ ' कुमारनन्दि जो पच्चसेल नइ तम्स धण-कोटिं सो

देइ' । थेरेण पटहओ वारिओ । वहणंकारियं पच्छायणस्स भारियं ।  
 थेरो तं दज्जं पुत्ताण दाडण कुमारान्दिणा सह जाणवत्तेण पत्थिओ ।  
 जाहे दूरं समुदे गओ, ताहे थेरेणं भण्णइ ' किंचि पेच्छसि ! ' सो  
 मणइ ' किं पि कालयं दीसइ ' । थेरो मणइ ' एस वडो, समुदकूले  
 5 पञ्चय-पाए जाओ; एयस्स हेट्ठेणं एयं वहणं जाहिइ, तो सुमं  
 अमूदो वडे विल्लोच्चासि; ताहे पच्चसेलाओ भारुण्ड-पक्खी  
 एहिन्ति । तेसिं जुयलस्स तिण्णि पाया । तओ तेसु सुत्तेसु  
 मज्झिहे पाए सुल्लओ होज्जासि पढेनं अप्पा बन्धिओ । तो ते  
 पच्चसेलयं नेहिन्ति । अह तं वडं न विल्लोच्चासि, तो एयं वहणं  
 10 वल्लयामुहे पविसिहिइ; तत्थ विणस्सिहिसि । एवं सो विल्लो  
 नीओ पक्खीहिं । तहि ताहिं वाणमन्तरीहिं दिट्ठो । रिद्धी य  
 से दाइया । सो मणाहिओ नीओ ताहिं भणिओ ' न एएण सरिरेण  
 भुज्जामो किंचि ; जलणपवेसाइ करेहि । जहा पच्चसेला-हिर्वई  
 होज्जामि-त्ति, तो किह जामि ? ' ताहे करयल्लपुडेण नीओ स  
 15 उज्जाणे छट्ठिओ । ताहे लोगो आगन्तूण पुच्छइ ' किं तुमे तत्थ  
 अच्छेरयं दिट्ठं ? ' सो मणइ

८ दिद्वं सुयमणु-भूयं जे वित्तं पच्चसेलए दीवे ।  
 इसपच्छि चण्डवयणे हा हासे हा पहासे-त्ति ॥  
 आदत्तं च तेण तयभिसन्धिणा जलणासेवणं । वारिओ य मित्तेण  
 20 ' मो मित्तं, न जुत्तं तुह काउरिस-जणो-चियमेयं चेद्धियं ' । ता महाणुभाव  
 दुल्लहं माणुस-जम्मं मा हारसु तुच्छ-भोय-सुह-हेवं ।  
 वेरुलिय-मणी-मोत्थेण कोइ किं किणइ कायमाणं ॥  
 अन्नं च । नई वि तुयं भोगत्थी, तहा वि सद्धम्माणुट्ठाणं चेव करेसु ! जओ  
 25 धणओ धणात्थिपाणं कामत्थीणं च सव्व-कामकरो ।  
 सग्गा-पवग्ग-संगम-हेऊ निण-देसिओ धम्मो ॥  
 एवमाइ अणुसासणेण वारिज्जन्तो वि मित्तेण इद्धिणी-भरणेण  
 मओ पच्चसेला-हिर्वई जाओ ।

सइदस्स वि निव्वेओ जाओ: भोगाण कज्जे किलिस्संदे-त्ति  
 १ प्रा. क. मं.

- अन्हे जाणन्ता कीस अच्छामो-त्ति पव्वइओ । कालं वाउण  
 अच्छुए उववन्नो । ओहिणा तं पेच्छइ । अऊया नन्दीसर-वर-  
 नत्ताए पलायन्तस्स पव्वहओ गरुए ओल्लइओ । ताहे दाएन्तो  
 5 नन्दिसरं गओ । सट्ठो आगओ, तं पेच्छइ । सो तत्स तेयं  
 असहमाणो पलायइ । सो तेयं साहरित्ता भणइ 'भो ममं जाणासि ?'  
 सो भणइ 'को सक्काईए देवे न याणइ ?' ताहे तं सावग-रुवं  
 दंसेइ । जाणाबिओ य । ताहे 'संवेग-मावन्नो भणइ 'संदिरुह विमि-  
 यार्णि करेमो' । भणइ 'वद्धमाण-सामिस्स पडिमं करेहि ! तओ ते  
 10 सम्मत्त-वीयं होहि-त्ति' । भणियं चः—

जो कारवेइ पडिमं जिणाण जिय-राग-दोस-मोहणं । ८।

सो पावइ अन्न-भवे सुइ-जणणं घम्मवर-रयणं ॥

अन्नं च

दारिदं दोढगं कुजाइ-वु सरार-कुमइ-कुगईओ ।

- 15 अवमाण-रोय-सोया न होन्ति जिण विम्बकारीणं ॥  
 ताहे महाहिमवन्ताओ गोसीस-चन्दण-दारुं घेत्तूण, तत्थ पडिमं  
 निव्वत्तेउण कट्ठ-संपुडे छुहइ । पव्वहणं च पासइ समुद-मग्गे  
 उप्पाएण छम्मासे भमन्तं । ताहे अणेण तं उप्पायं उदसामियं ।  
 संजत्तियाण सा खोटी रिक्ता । भणिया य 'देवाहिदेव-स एत्थ  
 20 पडिमा चिट्ठइ । ता तत्स नामेण दिहाडेयव्वा खोटी' । एवं-ति  
 पडिवाज्जिय गया वणिजा । उत्तिप्पा समुदं, पत्ता वीयमयं ।  
 तत्थ उदायणो राया तावस-भत्तो । दंसिया खोटी । तत्स  
 साहियं मुर-वयणं । मिरिओ ससरवस-माहणाइपभूओ छोगो ।  
 रुइ-गोविन्दाइ-नामेण वाहिति फरसं । तहा हि । वेई भणन्ति  
 25 'बम्भो चेव देवा-हिदेवो, जओ सो चउग्गुहो सत्त्व-ज्य-सिद्धि-  
 कारओ वेयाणं च पणेया' । अत्ते 'विट्ठू पहाणो-त्ति भणन्ति, जओ  
 सो चेव सज्ज-गओ छोगो-यवइ-कारए य दाणवे दिणासेइ;  
 संहार-काळे य उयर-गयं मयं धारेइ' । अपरे 'पेसरो उत्तम-

देवो-त्ति । भणन्ति, जओ सो चेव सिद्धि संहार-कारओ अनोणि-  
संभवो; तस्स चेव भागावम्म-विण्हू' एवमाइ-विगप्पणेहिं वाहिज्ज-  
माणो उप्फेडइ परमू । एत्यन्तरे आगया तत्थ उदायणस्स रत्तो  
महादेवी चेहगराय-धूया समणो-वासिया पमावई । एईए काऊण

५ पूयं भाणियं

गयराग-ओम-मोहो सव्वन्नु अट्ठ-पाडिहेर-सुओ ।

देवा-न्दिेव-रुवो अरिहा मे दंसणं देउ ॥

वाहविओ परमू । पढन्तस्स विचायस्स विहडिया खोडी । जाव  
दिट्ठा सव्वङ्ग-पडिपुण्णा अमिलान-मल्ल-दामा-लंकिया वद्धमाण-सामि-  
१० पडिमा । अईव आणन्दिया पमावई । जाया निण-धम्म-पमावणा ।  
पडियं च तीए

सव्वन्नु सोम-दंसण अपुणब्भव भवियजण-मणाणन्द ।

जय-चिन्तामाणं जय गुरु जय जय जिण वीर अकलंक ।

अन्तेउरे य चेदय घरं कारियं । पमावई प्हाया ति-संसं पूएइ ।

१५ अन्नया देवी नच्चइ राया विणं वाएइ । सो देवीए सीसं न पेच्छइ ।  
अधिई से जाया । वीणा-वायणयं हत्थाओ भट्ठं । देवी रुद्धा भणइ  
' किं दुडुं नच्चियं ? निब्बन्हे से सिद्धं' । सा भणइ ' किं जीविण ?  
निक्कंठको मम सुचिरं सावय-धम्मो पालिओ' ।

अन्नया चेडि प्हाया भणइ ' पोत्ताई आणेहि !' तीए रत्तगाणि

२० आणियाणि । रुद्धाए अद्दाएण आहया ' निण-घरं पविसन्तीए रत्तगाणि  
देसित्ति' । मया चेडी । ताहे चित्तेइ मए वयं खण्डियं; तं किं जीवि-  
एणं-ति । रायाणं पुच्छइ ' भत्तं पच्चक्खामि' । निब्बन्हे ' नइ परं  
बोहेसि' पडिस्सुयं । भत्तपच्चत्ताणेण मया देवी देव-ओगं गया ।

निण-पडियं देवदत्ता दास-चेडी सुग्गना मुम्मसइ । देवो उदा-

२५ यगं बोहेइ; न संबुज्जाई । सो तावम-भत्तो । ताहे देवो तावस-रुवं  
वरेइ । अभिय-जलाणि गहाय आगओ । रत्ता आसाइयाणि ।  
पुच्छिओ कर्हि एयाणि फलाणि ? भणइ ' नगर-अदूर-सामन्ते आसमो ।  
नहिं तेग ममं गओ । मीमायारेहिं तावमेहिं हन्तुं पारदो ।

नासन्तो वण-सण्डे साहवो पेच्छइ, तेसिं सरणमुबल्लीणो । मा भा-  
यसु-त्ति समासासिओ । तेहिं नियत्ता ते तावसा । अणुसासिओ  
साहहिं

धम्मो चेवेत्थ सत्ताणं सरणं भव-सायरे ।

५ देवं धम्मं गुरुं चेव धम्मत्थी य परिक्खए ॥

दस-अट्ठ-दोस-रहिओ देवो, धम्मो उ निउण-दय-साहिओ ।

सुगुरु य बभ्वयारी आरम्भ-परिगहो-वरओ ॥

एवमाइ-उवएसेणपडिबुद्धो पडिबन्तो निणधम्मं । देवो अत्ताणं  
दरिसेइ । धम्मे य धिरी-काऊण गओ सुरो । जाव अत्थाणीए चेव  
10 अत्ताणं पेच्छइ । एवं सट्ठो जाओ ।

इओ य गन्धाराओ सावओ सव्वाओ निणजम्माइ-भूमीओ व-  
न्दित्ता वेयट्ठे कणग-पडिमाओ सुणेत्ता उववासेण ठिओ 'जइ वा मओ  
दिट्ठाओ वा' । देवयाए दंसियाओ । तुट्ठा य सव्वकामियाण गुलियाण

देइ सयं । तओ नियत्तो सुणेइ वीयभए नगरे निण-पडिमं गोसीस  
15 चन्दण-मइयं । तव्वन्दओ एइ वन्दइ । तत्थ पडिल्लमो देवदत्ताए  
पडियरिओ । तुट्ठेण य से ताओ गुलियाओ दिन्नाओ ।

सोय पव्वइओ ।

अन्नया गुलियमेगं खाइ 'मे कणगेण सरित्तो वण्णो होउ-त्ति ।

तओ नाय परम-रूवा धन्त-कणग-सरित्त-वण्णा जाया; सुवण्ण-  
20 गुलिय-त्ति तीए नामं जायं । पुणो सा चिन्तेइ भोगे मुञ्जामि; एस

राया ताव मम पिप्पा, अन्ने य गोहा । ताहे पज्जोयं रोएइ । तं  
माणसी-काउं गुलियं खाइ । तस्स देवयाए कहियं 'एरिस रूववइ-  
त्ति' । तेण सुवण्णगुलियाए दूओ पेसिओ । तीए भाणियं 'पेच्छामि  
ताव व्रमं' । सो नल्लगिरिणा रत्ति आगओ दिट्ठो तीए अभिरइओ ।

25 सा मणइ 'नइ पडिमं नेसि, तो नामि । ताहे पडिमा नत्थि तट्ठाण  
ठावण-नोग-त्ति रत्ति वसित्ठण पडिगओ; अन्नं निण-पडिम-रूवं  
काऊण आगओ । तत्थ ठाणे ठवित्ता नियन्तसामिं सुवण्णगुलियं



- च गहाय उज्जेणि गओ । तत्थ नलगिरिणा मुत्त-पुरीसाणि मुक्काणि ।  
 तेण गन्धेण हत्थी उम्मत्ता तं च दिसिं गन्धो एइ; जाव पलोइयं,  
 नलगिरिस्स पयं दिट्ठं । किं-निमित्तं आगओ-त्ति । जाव चेडी न दीसइ ।  
 राया भणइ 'चेडी नीया नाम, पडिमं पलोएह ! नवरमच्छइ निवेइयं ।'  
 5 तओ राया अच्चण-वेलाए आगओ पेज्जइ पडिमा-पुप्फाणि मिलाणाणि ।  
 तओ निवण्णन्तेण नायं पडिरूवगं-ति, हरिया पडिमा तओ तेण पज्जोयस्स  
 दूओ विसज्जओ न मम चेडीए कज्जं, पडिमं विसज्जेह ! 'सो न देइ ।  
 ताहे पहाविओ जेठु-मासे दसहिं, राईहिं समं । उत्तरन्ताण य मरुं खन्ध-  
 वारो तिसाए मरिउमारद्धो । रन्नो निवेइयं । तओ तक्खणेण पमा-  
 10 वई चिन्तिया आगया । तीए तिणिण पुक्खराणि कयाणि अग्गिमस्स  
 पच्छिमस्स मज्झिमस्स य । ताहे आसत्थो गओ उज्जेणि । भणिओ  
 रत्ता 'किं लोएण मारिएण ! तुज्झ य मज्झ य जुज्झं भवउ, आसेहिं  
 रह-हीत्यपाएहिं वा, जेण रुच्चइ तव' । पज्जोओ भणइ 'रहेहिं  
 जुज्झामो' । ताहे नलगिरिणा पडिकप्पिएणागओ, राया राहेण ।  
 15 तओ रन्ना भणिओ 'असच्चसन्धो सि, तहा वि ते नत्थि मोक्खो ।  
 तओ णेण रहो मण्डलीए दिन्नो । हत्थी वेगेण पच्छओ लग्गो ।  
 सो य करी जं जं पायं उक्खिबइ, तत्थ उदायणो सरे छुभइ, जाव  
 हत्थी पडिओ । ओयरन्तो बद्धो पज्जोओ । निढाले य से अंको  
 कओ 'दासी-पइ-त्ति' । उदायणराया य पच्छा नियय-नयरं पहा-  
 20 विओ । पडिमा नेच्छइ । अन्तरावासेण उ रुद्धो ठिओ । ताहे  
 ॐ खन्दय भएण दस वि रायाणो धूली-पायारे करेत्ता ठिया । जं  
 च राया जेमैइ, तं च पज्जोयस्स वि दिज्जइ । नवरं पज्जो-  
 सवणाए सूएण पुच्छिओ 'किं अज्ज जेमैसि ?' ।  
 सो चिन्तेइ 'मारिज्जामि' । ताहे पुच्छइ 'किं अज्ज पुच्छिज्जामि ?'  
 25 सो भणइ 'अज्ज पज्जोसवणा, राया उववासिओ' । सो भणइ  
 'अहं पि उववासिओ, मम वि मायावित्ताणि  
 संजयाणि; न-याणिहं मया, जहा अज्ज पज्जोसवणं ति । रन्ना  
 काहियं 'जाणामि, जहा सो धुत्तो; किं पुण मम एयमि बद्धेए

पज्जोसवणा चेव न सुज्झइ । ताहे मुक्को खामिओ य । पट्ठो य सोवण्णो ताणवप्पराण छायणनिमित्तं बद्धो । सो य से विसओ दिन्नो तप्पभिई पट्टबद्धया रायाणो जाया, पुब्बं मउडबद्धो आसि । विस्ते वासा-रस्ते गओ राया । तत्थ जो वणियवग्गो आगओ, सो 5 तहिं चेव ठिओ । ताहे तं दसपुरं जायं ।

तए णं से उदायणे राया अन्नया कयाइ पोसह-सालाए पोसहिए एगे अंबीए पक्खियं पोसहं सम्मं पडिजागरमाणे विहरइ । तओ तस्स पुव्वरत्तावरत्त-काल-समयंसि जागरियं करेमाणस्स एयाख्वे अज्झ-  
 10 स्थिए समुप्पाज्जित्था 'धन्ना णं ते गाम-नगरा, जत्थ णं समणे वीरे विहरइ, धम्मं कहेइ; धन्ना णं ते राईसर-पभिईओ, जे समणस्स महावीरस्स अन्तिए केवलि-पन्नत्तं धम्मं निसामेन्ति, एवं पञ्चाणुब्बयं सत्त-सिक्खावइयं सावग-धम्मं दुवालस-विहं पडिवज्जन्ति' एवं मुण्डा भवित्ता आगाराओ अणगारियं पव्वयान्ति । तं जइ णं समणे भगवं महावीरे पुव्वाणुपुब्बि दूइज्जमाणे  
 15 इहेव वीयभए आगच्छेज्जा, ता णं अहमवि भगवओ अन्तिए मुण्डे भवित्ता जाव पव्वएज्जा । तए णं भगवं उदायणस्स एयाख्वं अज्झ-  
 स्थियं जाणित्ता चम्पाओ पडिनिक्खमित्ता, जेणेव वीयभए नयरे, जेणेव मियवणे उज्जाणे, तेणेव विहरइ । तओ परिसा निमाया उदायणे य । तए णं उदायणे महावीरस्स अन्तिए  
 20 धम्मं सोच्चा हट्ठ-तुट्ठे एवं वयासी 'जं नवरं जेट्ठ-पुत्तं रज्जे अहिंसिच्चामि, तओ णं तुब्भं, अन्तिए पव्वयामि' । सामी भणइ 'अहासुहं, मा पडिबन्धे करेहि ! तओ णं उदायणे आभिओगियं हत्थि-रयणं दुरुहित्ता सए गिहे आगए । तओ उदायणस्स एयाख्वे अज्झास्थिए जाए, जइ णं अभिइं कुमारं रज्जे ठवित्ता पव्वयामि, तो  
 25 अभिई रज्जे य रट्ठे य जाव जणवए य माणुत्तएसु य काम-भोगेसु मुच्छिए अणाइयं अणवयगं संसार-कन्तारं अणुपरियट्ठिस्सइ । तं सेयं खलु मे नियगं भाइणेज्जं केसिं कुमारं रज्जे ठवित्ता पव्वइत्तए ।

- ‘एवं संपेहेत्ता सोमणे तिहि-करण-मुहुत्ते कोडुम्बिय-पुरिसे य सदा-  
वेत्ता एवं वयासि ‘ खिप्पामेव केसिस्स कुमारस्स राया-भिसेयं उव-  
ट्ठेह ! ’तूहो महिड्डीए अभिसित्ते केसी कुमारे राया जाए नाव’  
पसासेमाणे विहरइ । तओ उदायणे राया केसिं रायं आपुच्छइ  
‘ अहण्णं, देवाणुप्पिया, संसार-भुउव्विमो पव्वयामि’ । तओ केसी  
5 राया कोडुम्बियपुरिसे सदावेत्ता एवं वयासी; खिप्पामेव उदा-  
यणस्स रत्तो महत्थं महरिहं निक्खमणा-भिसेयं उवट्ठवेह ! तओ  
महया-विभूर्इए अभिसित्ते सिवियारूढे भगवओ समीवे गन्तूण पव्व-  
इए जाव बहूणि चउत्थ-छट्ठम-दसम-दुवालस-मासइदमासा-ईणि  
तवोकन्माणि कुव्वमाणे विहरइ ।
- 10 अन्नया य तस्स अन्तपन्ताहारस्स वाही जाओ । सो वेज्जेहिं  
भाणिओ ‘दहिणा भुञ्जानहि’ सो किर भट्टारओ वइयाए अच्छिओ ।  
अन्नया वीयभयं गओ । तत्थ तस्स भागिणेज्जो केसी राया तेणं  
चेव रज्जे ठाविओ । केसी कुमारो अमचेहिं भाणिओ ‘एस परीसह-  
पराइओ रज्जं मगाइ’ । सो भणइ ‘देमि’ । ते भणन्ति ‘न एस राय-  
15 धम्मो । वुमाहोन्ति चिरेण; पडिसुयं । किं कज्जउ ? विसं से दि-  
ज्जउ; एगाए पमुवालीए घरे पउत्तं दहिणा सह देज्जानहि-त्ति ।  
सा य दिन्ना, देवयाए अवहरियं, भाणिओ य ‘महरिस्ति, तुज्ज विसं  
दिन्नं, परिहराहिं दहिं !’ सो परिहरइ । रोगो वाड्डिउया-रद्धो । एणो  
य गाहिओ । एणो वि देवयाए अवहरियं । तइयं वारं दिन्नं, तं पि  
20 अवहरियं । सा तस्स पच्छओ य हिण्डिया । अन्नया पमत्ताए देव-  
ब्बाए दिन्नं । एणो वि भुज्जन्तो देवयाए निवारिओ ।
- तओ से उदायणे अणगारे बहूणि वासाणि सामण्ण-परियामं  
पाउणित्ता सट्ठी मत्ताइं अणसणाए छेत्ता, जस्सट्ठाए कीरइ नमा-  
भावे मुण्ड-भावे, तमट्ठं पत्ते जाव दुक्ख-पहणि-त्ति ।
- 25 तस्स य सेज्जाययो कुम्भगारो । तम्मि कालगए देवयाए पंसु-वारिसं  
पाटियं । सो य अणवराहि-त्ति काउं सिणवल्लीए कुम्भकार-वेक्खो

नाम पट्टणं तस्स नामेण कयं । तत्थ सो अवहरिऊण ठविओ ।  
वीयभयं च सव्वं पंसुणा पेहियं । अज्ज वि पंसुओ अच्छइ ।

- तए णं अभिई-कुमारस्स पुव्वरत्ता-वरत्त-काल-समयंसि एवमज्झ-  
त्थिए जाए 'अहं उदायणस्स जेठु-पुत्ते पभावईए अत्तए; मं रज्जे अ-  
ट्ठावेत्ता केसिं रज्जे ठावेत्ता पव्वइए । इमेणं माणुसेणं दुक्खेणं अभिभूए  
समाणे वीयभयाओ निमाच्छित्ता चम्पाए कोणियं उवसंपज्जित्ताणं  
5 विउल-भोग-समन्नागए यावि होत्था । से णं अभिई कुमारे समणो-  
वासए अभिगय-जीवा-जीवे उदायणेणं रत्ता समणुबद्धं-वेर यावि  
होत्था । तओ अभिई कुमारे बहूइं वासाइं समणो-वासग-परियागं  
पाउणित्ता अद्धमासियाए संलेहणाए तीसं भत्ताइं छेएत्ता तस्स ठाण-  
स्सा णालोइय-पडिक्कन्ते कालं किच्चा असुरकुमारत्ताए उववन्नो ।  
10 एगं पलिओवमं ठिई तस्स; महाविदेहे सिद्धिहि-त्ति ।
-

## ३. सणकुमार



- अत्थि इहेव भारहे वासे कुरुनंगले जणवए हत्थिणाउरं नयरं ।  
तत्थ कुरु-वंसे आससेणो राया, सहदेवी भारिया, चोदसमहासु-  
मिण-सूओ चउत्थ-चक्कवट्ठी सणकुमारो नाम । सो सह पंसुकी-  
लिएण सूर-कालिन्दी-तणएण महिन्दसीहेण सह गहिय-कळा-  
5 कळावो जोन्वणमणुप्पत्तो । अन्नया वसन्तमासे रायउत्त-नागरय-  
सहिओ गओ कीलणत्थमुज्जाणं । कीलिउण य तत्थ विसिद्ध-  
कीलाहिं आस-परिवाहणत्थं आरूढा तुरंगमेषु रायकुमारा । सण-  
कुमारो वि जलहिकळोलाभिहाणं तुरंगमारूढो । मुक्का समकाल-  
मासा । तओ विवररिय-सिक्खत्तणओ पंचमधाराए लग्गो कुमार-  
10 तुरंगमो अहंसणी-हूओ खण-मेत्तेण । लग्गो विन्नाय-वुत्तन्तो राया  
सपरियणो मग्गो । एत्थन्तरंमि लग्गो चण्ड-मारुओ । तेण मग्गो  
तुरय-पय मग्गो । महिन्द-सीहेण विन्नत्तो राया 'नियत्तउ महाराओ;  
अहं कुमार-सुद्धिं लहिउण वलिस्सं' । नियत्तो राया । महिन्द-  
सीहो वि लग्गो अणुमग्गेण कुमारस्स । पविट्ठो मीसणं महाडइं ।  
15 हिण्डन्तस्स अइगयं वरिसमेगं । एगदिवसंमि गओ येवं भूमि-  
भागं । ताव निमुओ सारस-रवो, अग्वाइओ अरविन्द-परिमलो,  
पयट्ठो तय-भिमुहं, दित्थं च सर-वरं, निमुओ महुरो गीय-वेणुरवो ।  
हरिसुप्फुल्ल-लोयणो जाव गच्छइ, ताव पेच्छइ तरुणी-यण-मज्झ-  
संठियं सणकुमारं । विम्हिय-माणसो चिन्तेइ 'किं मण-विब्बमो एस,  
02 किं वा सच्चं चेव एस सणकुमारो ?' वियप्पन्तो जाव चिट्ठइ, ताव  
पदियं बन्दिणा

जय आससेण-नहयल-मयंक कुरु-भवन लग्गणे स्वम्भ ।

जय तिहुयण-नाह सणकुमार जय लद्धमाहप्प ॥

तओ सणकुमारो-त्ति कय-निच्छओ महिन्द-सीहो । पमोयाऊ-

- रिय-माणसो य अपुप्प-रसन्तर-मणुहवन्तो गओ सणकुमार-दंसण-  
 पंहं । दूराओ चेव सणकुमारेण परियाणिऊण अब्भुट्ठिओ । पाय-  
 वडणुट्ठिओ य उवऊढो गाढं । दुवे वि पमोयाऊरिय-माणसा उवावड्ढा  
 दिन्नासणेसु । विज्जाहर-लोगो य उवसन्त-गेयाइ-कलयलो पासेसु  
 5 अल्लीणो । तयणन्तरं च फुसिऊण आणन्दजलभरियं नयणजुयलं भाणियं  
 सणकुमारेण 'वयंस, कहं तुममेगागी एत्थ भांसणा-रण्णे आगओ,  
 कहं च एत्थ-हिट्ठो वियाणिओ हं, किं वा करेइ मम विरहे  
 महाराओ अम्भा य? कहियं जहा-वत्तं माहिन्द-सीहेण । तओ मज्जा-  
 विओ वर-विलासिणीहिं माहिन्द-सीहो । कयमुचिय-करणिज्जं' ।  
 10 भोयणा-वसाणे य पुट्ठो णेण सणकुमारो, जहा 'कुमार, तुरंगमेण  
 अवहरिओ तुमं तया कहिं गओ, कहिं ठिओ, कत्तो वा एरिसी  
 रिद्धी?' सणकुमारेण चिन्तियं: न जुत्तं निय-चरिय-कहणं निय-  
 मुहेण सप्पुरिसाणं, ता कहावेमि परमुहेण । तओ भाणिया कत्ता-  
 सय-मज्झ-गया परिणीया खयरिन्द-धूया निय-दइया वडलमई 'पिए,  
 15 नीसेसं मह वइयरं विज्जाए आभोएऊण साहेसु माहिन्दसीहस्स;  
 मम पुण निदाए धुम्मन्ति लोयणाइं-'ति मणिऊणुववन्तो रइहरे ।  
 वडलमई वि साहिउमादत्ता कुमार-चरियं ।

- तत्थ तया तुम्ह नियन्ताण चेव अस्सेणावहरिओ कुमारो  
 पवेसिओ तेण घोराए अडविए । बीय-दियहे वि तहेव वचन्तस्स  
 20 आसस्स जाओ मज्झण्हसमओ । खुर्हा-पिवासाउलेण य आसेण  
 निह्छालिया जीहा, उद्धट्ठिओ चेव सासाऊरिय-गलो, यक्को, उत्त-  
 रिओ कुमारो । छोडिया पट्टाढा, ऊसारियं पल्लणं, जाव धुम्मिऊण  
 निवाडिओ आसो, मुक्को अकज्ज-कारि-त्ति कलिऊणं पंच-पाणेहिं ।  
 तं बुक्केसणं च मोत्तूण गओ कुमारो, उदयणोसण-परायणो य  
 25 हिण्डिउमादत्तो । न कहिं पि आसाइयमुदयं । तओ दीहद्धाणयाए  
 म्मुकुमारयाए य मज्झण्ह-कालज्जणओ य दव-दट्ठुयाए य रणस्स  
 अईव हल्लोहली-हूओ । दूर-देसंमि दट्ठुण सत्तच्छयं पहाविओ

- तयभिमुह, पत्तो य तस्स छायाए उवविट्ठो, पडिओ लोयणे  
भजिऊण घरणीए । एत्थन्तरमि य तप्पुण्णाणुभावेण तन्निवासिणा  
जक्खेण आणेऊण सिसिर सीयल जल सित्तो सन्वगेसु आसासिओ ।  
लद्धचेयणेण य पीय साल्लि । पुच्छिओ तेण सो 'को तुम, कत्तो  
5 वा एयमाणिय साल्लि'ति । तेण भाणिय 'अह जक्खो एत्थ निवासी,  
साल्लि च माणस सरवराओ तुह निमित्तमाणिय' । तओ कुमारेण  
भाणिय 'एस मह सतावो पर माणससर-मज्जेण जइ अवगच्छइ'  
त्त । त साऊण भाणय 'अह सपादेमि भवओ मणोरह'ति भाणिऊण  
काऊण करयल सपुडे नीओ माणससर, माज्जिओ विहिणा । तत्थ  
10 य वसणावडिय ति काऊण कुट्टेण वेयडु वासिणा असियक्ख  
जक्खेण सह जुज्झ सवुत्त । तेण य पदम गुरु-सकरोह निब्भरो  
मोडिय तरुवरो पवणो मुक्को । तओ नहयल बहुल धूलीए अन्वा  
रिय । तओ विमुक्कट्टहासा जालिय-जलण पिंगल-केसा महुणिन्त  
जाला-कराल-पिसाया मुक्का । जाहे तेहिं न भाओ, तओ मुक्क  
15 नयण जाला फुलिंगेहिं नागपासेहिं बद्धो । तओ जुण्ण रज्जु इव  
तेण ते तोडिया-दडु-कर घाएहिं लग्गो । तओ मुट्ठि पहारेण  
खण्डाखण्डि कओ । पुणो वि रक्खसेण गुरु-मच्छरेण घणलोह  
जडिय-मोमारेण हओ वच्छन्त्यले कुमारो । तेणावि महाकाय  
चन्दण तरु उम्मूलिऊण अत्थोडिओ उडु वट्टन्तो उरुएसु, छिन्न  
20 दूमो-व्व पडिओ भूमीए । तओ रक्खसेण दूर-मुक्खिविऊण गिरि  
वरो कुमारस्सो वरिं मुक्को । तेण ददपीडियगो जाओ निच्चेयणो  
कुमारो । लद्ध सज्जो य तेण सम बाहु-जुद्धेण लग्गो । कुमारेण  
कर-मोमाराहओ सयसकरो व्व कओ । अमरो त्ति काउ न मओ,  
विरस माराडिऊण नट्ट । कोउग-दसणत्थ-मागएहिं देव विज्जा  
25 हरेहिं पुप्फ बुट्ठी 'मुक्का अहो जिओ जक्खो कुमारेण'ति ।  
तओ जिणिऊण रक्खस पच्छिम दिसाए गए सुरे उव्वलिओ  
सरवराओ अज्जउत्तो, गओ थेव भूमि माग । दिट्ठाओ तत्थ नन्दण

- वणस्स मज्झ-गयाओ मणोरमाओ अट्ट दिसा कुमारीओ-व्व दिव्वाओ  
माणुवेग विज्जाहर धूयाओ । पलोइओ ताहिं ससिणादिए दिट्ठीए  
सो । तेण वि चिन्तिय काओ पुण इमाओ त्ति पुच्छामि  
उवसप्पिऊणं । गओ तासिं समीव । पुच्छिय महुर घाणीए एक
- 5 कन्नग मुहिसिऊण, 'काओ तुब्भे, किं निमित्त इम सुण्णमरणमाल  
किय तुब्भेहिं ।' ताहिं भाणिय 'इओ नाइटूरमि पियसगमाभिहाणा  
अन्ह पुरी अत्थि । ता तुम पि तत्थेव ताव वीत्तमसु' त्ति भणिऊण  
किंकर दरिसिय मगो पयट्ठाविओ अज्जउत्तो । अत्थमिओ य रवी,  
पत्तो य नयरिं, नेयाविओ य ताहिं कचुइणा राय भवण, दिट्ठो य
- 10 राइणा अब्भुट्ठिओ य । कयमुचिय करणिज्ज । भणिओ य भाणुवेग  
राइणा, 'जहा महा भाग, मह इमाओ अट्ट कन्नगाओ, एयासिं च  
तुम पुव्व चेव अच्चिमालिणा मुणिणा वरो आइट्ठो, जहा जो असि  
यक्ख जक्ख जिणित्तइ, सो एयासिं भत्त त्ति । ता परिणेषु इमीओ !  
अज्जउत्तेणा वि तह त्ति पडिवज्जिऊण सव्वमणुट्ठिय । तओ पउत्तो
- 15 वीवाहो, बद्ध कवण, सुत्तो य रइ भवणमि ताहिं सद्धिं पल्लके ।  
जाव निदा विरममि भूमीए अप्पाण पेच्छइ, चिन्तिय च तेण किमे  
यमिति । पेच्छइ य करे कवण त्ति । तओ अविस्सण्णमणो गन्तु  
पयट्ठो । दिट्ठ च रण्णमज्झमि गिरि वर सिहरे मणिमय-खम्भपइट्ठिय  
दिव्वं भवण । तेण 'चिन्तिय' इय पि इन्दियालप्पाय भविस्सइ' त्ति ।
- 20 गओ य तयासत्थे इत्थिए करुण सरेण रुयन्तीए सइ निसामेइ ।  
पविट्ठो य मवण गय भओ, दिट्ठा य सत्तम भूमियाए दिव्व-कन्नगा  
करुणेण सरेण रुयन्ती भणन्ती य 'कुरु-कुल नहयल मयलज्छण सण  
कुमार अन्न जम्ममि वि मह तुम चेव नाहो होज्जसु' त्ति भणन्ती  
पुणो पुणो रोविउमारद्धा । तओ दिन्नासणेण निय नामासक्खिएण
- 25 पुच्छिया अज्जउत्तेण 'किं तुम तस्स सणकुमारस्स होसि, जेण तए  
एयस्स सरण पडिवन्न' । तीए भाणिय 'सो भत्ता भणोरह मेत्तेण त्ति,  
जेणा ह साकेय पुर नरिन्देण सुरहेण चन्दजसा जणणीए इट्ठा धूय  
त्ति काऊण धूया नीय तडीय चित्तफल रूव विमोहिया तस्स पुव्व



उंदय-दाणेण दिन्ना. न य वित्तो विवाहो-त्ति । ताव य अहमेगेण  
 विज्जाहरकुमारेण कुट्टिम-तळाओ इहमाणिया । गओ य सो इमंमि  
 विज्जा-विउरुत्विए धवलहेर मं मोत्तूण कहं पि । जाव एवं जंपइ  
 सा कळगा, ताव य तेण असणिवेग-सुय-विज्ज-वेगेण विज्जाहराह-  
 मेण आगन्तूण उक्खित्तो गयण-मंडलं अज्जउत्तो । तो सा हाहा-  
 5 रवं कुणमाणीं मुच्छा-पराहीणा निवडिया घरणीवट्ठे । ताव य मुट्ठि-  
 प्पहारेण वावाइळण तं दुट्ठ-विज्जाहरं समागओ अक्खय-सरारीो तीसे  
 समीवमज्जउत्तो । समासासिया ( साहिओ निय वुत्तन्तो तेण )  
 विवाहिया य । सा य सुणन्दामिहाणा इत्थी-रयणं भविस्सइ । थेव  
 वेलाए य समागया वज्जवेग-भगिणी संआवली नाम, वावाइयं च  
 10 दट्ठण भाउयं कोवमुवगया । पुणो वि सुमारियं नेमित्तिय वयणं,  
 नहा भाइ-वहगस्स भज्जा होही, अज्जउत्तं विवाहत्यमुवड्डिया ।  
 सा वि तस्सा पुमईए तहेव वीवाहिया ।

एत्यन्तरे समागया अज्जउत्त-समीवं दुवे विज्जाहरा । पणामपु-  
 त्तयं मणियं तेहिं देव, असणिवेगो विज्जाहर-बलेण जाणिय-पुत्त-  
 15 मरण-वुत्तन्तो तुम्हो वरिं समागच्छइ । अओ चन्दवेग-भाणुगेहिं  
 पेसिया अम्हे हरिचन्द-चन्दसेणा-भिहाणा निय-निय पुत्ता; रहो  
 सन्नाहो य पेसिओ; अम्ह पियरो वि तुम्ह चलण-सेवा निमित्त  
 पएसं पत्ता चेव । तयणन्तरं च समागया चन्दवेग-भाणुवेगा अज्ज-  
 उत्त-सहेज्ज निमित्तं । संआवलीए दिन्ना पन्नत्ती विज्जा । तओ  
 20 अज्जउत्तो चन्दवेग-भाणुवेगा य निय-विज्जाहर-बल-समेया असणि-  
 वेग-बलेण समं जुज्जुज्जिउ पयत्ता । तओ भग्गसु दोसु वि बलेसु  
 अज्जउत्तस्स असणिवेगेण समं महा-जुज्जे समावडिए तेण मुक्कं  
 महोरगत्यं; तं च कुमारेण गरुल सत्येण विणिहयं । पुणो मुक्कं जेण  
 अमेयत्तं, तं पि कुमारेण वारणत्येण पटिहयं । पुणो वि मुक्कं  
 25 वायव्वं, तं पि सेहत्थेण पडिपोट्टियं । तओ गहिय-गण्डीवो  
 नाराए मुचन्तो पहादिओ सो । कुमारेण निज्जीवं कयं तस्स चावं ।

- पुणो कडिय-मण्डलगो उट्टिओ, कुमारेण तस्स करो छिन्नो ।  
 तओ बाहु जुझ इच्छन्तो आगओ, कुमारेण वि चक्केण म्रुद्धाविगल  
 सरीर कय । तओ तक्खणमेवा सणिवेग विज्जाहर रायलच्छी सयल  
 विज्जाहर समेया सणकुमार सफन्ता । तओ हन्तूण असणिवेग  
 धुव्वन्तो चन्दवेग पमुहेहिं नभाओ रहेण विज्जाहर सहिओ ओय  
 5 रिओ पासाय वडिसए, दिट्ठो य तत्थ हरिसियाहिं सुणन्दा सप्ताव  
 लीहिं, वुत्तो य ताहिं 'अज्जउत्त, सायग' ति । तओ लद्ध-जया गया  
 वेयड्ढ अणेग विज्जाहर विज्जाहरी-लोग परिगया भगल-तूर रवाऊ  
 रिज्जमाण दियन्ता, पविट्ठा नियय मन्दिरेसु । कओ य सणकुमा  
 रस्स सयल विज्जहर राया भिसेओ । तओ सुह मुहेण अच्छन्ति ।  
 10 अन्नया य चन्दवेगेण विन्नत्तो चक्की, जहा 'देव' मज्झ मुणिणा  
 अज्जिमालिणा सिट्ठ, जहा तुह एय कन्नासय, भाणुवेगस्स अट्ठ  
 कन्नाओ चक्की परिणेही, सो य सणकुमार नामा चउत्थो चक्क  
 वट्ठी जिणेहिं समाइट्ठो, सो य इओ मास मेत्तेण एही माणस सर  
 थर ति । तत्थ मज्जणुत्तिण वसणावडिय ति नाउण असि यक्खो  
 15 नाम जक्खो पुव्व भव वेरी दच्छिही । कह सो पुव्व भव-वेरी भणइ ।

- अत्थि कचणपुर नाम नयर । तत्थ विक्रमजसो नाम राया,  
 तस्स पच्च अन्तेउर सयाइ । तत्थ नागदत्तो नाम सत्थवाहो । तस्स  
 रूवजोव्वण-लायणण सोहग्ग गुणेहिं सुर सुन्दरीण वि अज्झाहिया  
 विण्हुसिरी नाम भज्जा । सा विक्रमजसेण कहिंचि दिट्ठा । मयणाउ  
 20 रेण अन्तेउरे वूढा । तओ नागदत्तो तन्निओए 'हा पिए चन्दा  
 णणे, कत्य गया 'देहि मे दसण' ति । एव विलवन्तो डिम्भ परि  
 गओ उम्भत्तीभूओ काल गमेइ । तओ य सो विक्रमजसो राया  
 अवहत्थिय रज्ज-कज्जो अगणिय जणा ववाओ अवमन्निय वर तरुणि  
 पच सयावरोहो तीए विण्हुसिरीए सम अच्छन्त रइ पसत्तो काल  
 25 गमेइ । अन्नया ताहिं अन्तेउरियाहिं रत्ता परिभूयाहिं ईसा परव्व

- साहिं कम्मण-जोगेण विणिवाइया विण्हुसिरी । तओ राया तीए  
मरणेण अच्चन्त-सोगाउरो अंसु-जल-मरिय-नयणो, जहा नागदत्तो  
तहा उम्मत्ती-मूओ । विण्हुसिरी-कलेवरं न दाहिउं देइ । तओ-  
मन्तीहिं मन्तिऊण रायाणं वंचिय रण्णे कलेवरं नेऊण छड्डियं ।  
राया तमपच्छेन्तो परिहरिय-पाण-भोयणो ठिओ तिणिण दिणे ।  
5 मन्तीहिं: अदिट्ठे तंमि मरइ-त्ति कलिऊण नीओ रण्णं । दिट्ठं च तं राइणा  
गलन्न-पूइ-निवहं सुलुसुलेन्त किमि-जालं वायसायड्डिय नयण-जुयलं  
स्वग-चण्ड-पुण्ड-खाण्डियं दुरभि-गन्धं । तं पेच्छिय कलेवरं राया  
तवस्वणेण सज्झस-परत्वसो अप्पाणं निन्दिउमाइत्तो, 'कहं जस्स  
कए, रे जीव, कुलं सीलं जाई जसो लज्जा य परिच्चिता, तत्थ  
10 एरिसी अवत्था जाया ! तओ वेरमा-ममा-वडिओ रज्जं रट्ठं पुर-  
मन्तेउरं च सयण-वग्गाइ परिचइय तिणमिव सुव्वयायरिय-समीवे  
निकस्सन्तो । तओ चउत्थ-छट्ठमाइ-विचित्त-तवोकम्मेहिं अप्पाणं  
माविय संलेहणा-पुल्लं गओ सर्गकुमार-कप्पं । आउ-क्खए रयणपुरे  
सेट्ठिसुओ जिणधम्मो नाम जाओ । सो य जिण-वयण-भाविय-मई  
15 सम्मत्तमूलं दुवालस-विहं सावग-धम्मं पालेन्तो जिणिन्द-पूया-रओ  
कालं गमेइ । इओ य सो नागदत्तो पिया-विरह-दुक्खिओ नट्टु-  
चित्तो गुरु-अट्ट-ज्झाण-परिखविय-सरीरो मरिउं बहु-तिरिय-  
जोणीसु ममिऊण सीहउरे नयरे अमिसम्मो नाम बम्मण-सुओ  
जाओ । कालेण य तिढाण्डिय-वयं धेतुं दोमास-खमणाइ-तवो-रओ  
20 रयणपुरं आगओ । तत्थ हरिवाहणो नाम राया भगवय-भत्तो ।  
सो तेण तत्थागओ नाओ, जहा: एत्थ कोविमहा-तवस्सी आगओ ।  
पारणय-दिणे राइणा निमन्तिओ धरमागओ । एत्थन्तरे जिण  
धम्मो सावगो तत्थ देव-जोगेण आगओ । तं दट्ठुं पुल्ल-जाय-जन्व-  
वेरेण मुणिणा रोसारुण-लोयणेण राया भणिओ 'जइ ममं मुज्जा-  
25 वेसि, तो इमस्स सेट्ठिस्स पिट्ठीए उण्ह-पायसं पत्तीए मुज्जावेहे ।

- रत्ना मणिओ 'अन्न-पुरिस पिट्टीए भुञ्जावेमि' । तओ मुणिणा वि  
जम्मन्तर जणिय-वेराणुबन्धेण वुत्तो राया 'नअन्नहा जेमेमि' । तओ  
रत्ना अणुरागेण पडिवत्तं । सेट्ठी वि पुट्ठि-ट्ठिय-पत्तिदाहं 'दक्कय कम्म-  
फलमेवमुवट्ठिय-ति मज्जमाणो सम्मं सहइ' । तओ भुत्ते ससोणिय-  
5 ण्हारुमस-वसा-पट्ठीओ उक्खया पत्ती । तओ घर गओ सम्म णिऊण  
सयण-वमा खामेऊण य चेइय पूय काऊण धेत्तूण समण दिक्ख  
निग्गओ नयराओ, गओ गिरि-सिहरे । तत्थ अणसण काऊण  
पुव्व दिस-मद्धमास काउस्समणेण ठिओ, एव सेसासु वि दिसासु  
अद्धमास अद्ध-मासं । तओ पिट्ठीए गिद्ध-काय सिवाईहिं खज्जन्तो  
10 पीड सम्म सहिय नमोक्कारपरो मरिउ सोहम्म-कप्पे इन्दो  
जाओ । भगवो वि तस्सेव वाहण एरावणो जाओ । तेण आभिओ-  
गिय कम्मुणा तओ एरावणो चुओ, नर-तिरिएसु हिण्डिय असि  
यक्खो जक्खो जाओ । सक्को वि तओ चुओ हत्थिणाउरे नयो  
सणकुमार चक्की जाओ । एय च वेर-कारण ति ।  
15 तं मुणिणा एव सिट्ठे भए तुह अन्तरवासनिमित्त भाणुवेग  
विसज्जिय पियसगम पुरि निवेस-पुव्व तुम अट्ठ भाणुवेग-क्कन्नाओ  
विवाहाविओ मुक्को य कारणेण तत्थेव 'कज्ज समत्तीए सेव करेहामो'  
त्ति । खमेज्जह अवराह, जं मुक्को वणमि । ता विन्नवेमि 'मन्नह मे  
क्कन्ना सयस्स पाणिग्ग-हण-ति, ताओ वि तुम्हट्ठ वट्ठओ पेच्छन्तु  
20 सामिणो मुह कमल' ति । एव होउ-त्ति मन्निए समागयाओ ताओ ।  
महया विभूईए विवाहियमज्जउत्तेण कन्ना सयं । दसुत्तरेण देवी सएण  
सहिओ भुञ्जए भोए । एव वच्चइ काले । अज्ज पुण अज्जउत्तेण  
एव समाणत्त, जहा 'गन्तव्वमज्ज, जत्थ जक्खेण सह जुज्जियं, त  
सर-ति । तओ एत्थागयाण मज्ज तुम्हेहिं सह पेच्छणयावसरे  
25 दंसण जाय ति ।

एत्थंतरमि उट्ठिओ सुह पसुत्तो रइहराओ सणकुमारो । गया  
य महया वडयरेण वेयट्ठु । विन्नत्तो य अवसर लहिऊण महिन्द-

- सीहेण जहा 'कुमार, दुक्खेण तुह जणणि-जणया कालं गमेन्ति;  
ता तदंसणेणं करिउ पसाओ अम्हारिस्स जणस्सत्ति विन्नत्तान्त-  
रमेव गया महया-मय-णिट्ठिय-नाणाविह-विम.ण-हय-मयाइ-  
वाहणारूढ-विचित्त-वेसाहरण-भूसिय-विज्जाहर-वन्द-सम्मट्ठेणं
- 5 हत्थिणाउरं-ति । आणान्दिया जणणि-जणया नायर-जणो  
य । तओ महया विभूईए रत्ता आससेणेण सणकुमारं पयइ सम्-  
मोण रज्जमि अहिसिन्धिउण महिन्दसीहं सेणावइं निउब्बिय  
घम्म-तित्थयर-तित्थे तहाविहाणं थेराणं अन्तिए पव्वज्जा-विहाणेणं  
सकज्जमणुट्ठियं ति । सणकुमारो वि परिवद्दमाण-कोस-वल्ल-सारो
- 10 विक्रन्तो रज्जमणुपालेइ । उप्पत्ताणि य चक्र-पमुहाणि चोइस्स वि  
रयणाणि नव निहीओ य, कया य तेस्सि पूया । तयणन्तरं चक्र  
रयण-दंसिय-मम्मी मागह-वर-दाम-पमास-सिन्धु-खण्ड-प्पवायाइ  
कमेण भरहं उयविय वास-सहस्सेणागओ गयपुरं । दिट्ठो ओहिए  
सक्केण 'पुब्बिं सुहम्मवइ मह सरिसो आसि'-त्ति । बन्धु-मेहेण आणत्तो
- 15 वेसमणो 'करेह सणकुमारस्स रज्जाभिसेहं, इमं च हारं वणमालं-छत्तं  
मउढं चामर-जुयं, कुण्डल-जुयं, दुस-जुयं, सीहासणं, पाउया-जुयं  
पाय-पीढं च पाहुढं ढोएज्जह । वत्तवं च तए जहा 'महाराय, सक्को  
तुम्हं वत्तं पुच्छइ ।' वेसमणो वि 'एवं होउ'-त्ति पाहुढं सक्क-विइण्णं  
वेत्तुण गओ गयपुरं । रम्भा-तिलोत्तमाओ य पेसियाओ सक्केण
- 20 अभिसेय-महसव-करणत्थं समाप्पियं पाहुढं । विन्नत्तो वेसमणेण  
चक्की 'तुम्हाभिसेय-निमित्तमन्हे सक्केण पेसिया, ता तं अणु मज्जह  
तुम्हे । एवं-ति पडिवत्ते चक्किणा विउब्बियं जोयण-पमाणं मणि-  
पीढं । तस्सोवरि रयण-मय-मभिसेय-मण्डवं तम्मज्जे मणि-पीडिया  
तीए उवरि सीहासणं । तत्थ निवेसिय खीरोय-जलेण रयण-कणय-
- 25 कलसावज्जिएणं जय-जय-सइ-सम्मिस्स-गीय-रव-मुहलं अहिसित्तो-  
सुरेहि; पणच्चियाओ रम्भा तिलोत्तमाओ । मन्वालंकार-विभूसियं  
करेत्ता पवेसिउण महा-विच्छट्ठेण गयउरं, गओ सुरलोयं वणयाइ-  
सुरयणो । चक्की वि भोए भुज्जन्तो गमेइ कालं ।

- अन्नया य सोहम्म-सभाए सिंहासणमत्थयत्थो सोहम्मिन्दो  
 सोयामाणि नाडय पेच्छन्तो अच्छइ । एयम्मि अन्तरे एगो ईसाण-  
 कप्पाओ सगमाभिहाणो देवो सोहम्मिन्द पासे आगओ । तस्स य  
 देह प्पभाए सभा ठिय सव्व देवाणं तेओ नडो; आइच्चोदए चन्द-  
 5 गहा इव निप्पभा जाया सुरा । गए य तमि सुरेहि विम्हिएहि  
 सोहम्मिन्दो पुच्छिओ, जहा 'वेण कारणेणं, सामि, इमस्स संगम  
 देवस्स बारसाइच्चोदयाहिओ तेओ'-त्ति । इन्देण भणियं 'इमेण पुव्व-  
 भवे आयम्बिल वद्धमाणो नाम तवो कओ 'त्ति । तओ देवेहि इन्दो  
 पुणो वि पुच्छिओ, जहा 'अन्नो वि कोइ एरिस्स तेय-रूव-संपन्नो किं  
 10 अत्थि' त्ति । इन्देण भणियं, जहा 'हत्थिणाउरे कुरुवंसे अत्थि सण-  
 कुमारो नाम चक्खवट्ठी जस्स तेओ रूवं च देवाणं पि अहियम्-इति ।'  
 तओ विजय जयन्त-देवाअसइहन्ता बेम्भण रूवेण गया तओ पडिहारेण  
 मुक्कदारा पविट्ठा राय-समीवं । दिट्ठो य तेहि राया गन्ध तेल-  
 अब्भगण किच्च कुणन्तो । विम्हिया सक्क-वण्णिय-रूव सिरीओ  
 15 अहिययर रूवाइ सपय दट्ठुं । पुच्छिया य रत्ता 'किमेत्थमागया ?'  
 ते मणन्ति जहा 'तुम्ह रूव तिहुयणे वि वण्णिज्जइ तहंसण-कोउगेणं  
 ति' । पुणो वि रत्ता अइ रूव-गव्विएण वुत्ता 'भो भो विप्पा ' किं  
 मज्झ रूव तुम्हेहि दिट्ठं! थेव काल पडिक्खह जाव अत्थाण उव-  
 विसामि ।' एवं ति जपिय निगया दिया । चक्की वि लहु मज्जिऊण  
 20 मण्डण विहूसण सिंगार च काऊण उवविट्ठो सिंहासणे ।  
 वाहरिया दिया । ते सरीर दट्ठण विसण्णा । मणियं च  
 तेहिं 'अहो मणुयाण रूव लावण्ण-जोव्वणाणि खण दिट्ठ नट्ठाणि ।  
 तं सोऊण भणिय चक्किणा 'भो किमेव तुम्हे वि सोयपरा मम सरीर'  
 निन्दह ?' तेहिं भणिय 'महाराय, देवाणं रूव जोव्वण तेया पदम-  
 25 समयाओ जाव छम्मासाउग सेस ताव अवट्ठिया भवन्ति, तओ  
 हीयन्ति, मणुयाण पुणो ते य वड्डमाणो भवन्ति जाव जीविय-  
 मज्झो, तओ परेण हीयन्ति, तुम्ह पुण रूव जोव्वण-सिरीए अच्छे

- रय दीसइ, नओ सपइ चेव सा खल-मेत्तिव नहा खणेण ।  
रत्ना भाणिय 'कह तुम्हे जाणह ?' तेहिं परमत्थो सक पससाइओ  
सिद्धो । विम्हिण्ण य केऊर भूसिय बाहु जुयल पलोयन्तेण विच्छाय  
दिट्ठ, वच्छत्थल पि हार विभूसिय विवण्णमुवलक्खिय । त च पोच्छि-
- 5 ऊण चिन्तिय 'अहो अणिचया ससारस्स, असारया सररीरस्स,  
एत्तियमेत्तेण वि कालेण रूव-जोव्वण तेया पणट्ठा, ता अनुत्तो  
भवे पडिबन्धो, अन्नाण सररीर-मोहो, मुखत्तण रूव जोव्वणा  
मिमाणो, उम्माओ भोगासेवण, गहो चेव परिग्गहो । ता उज्झिऊण  
मेय करेमि पर लेय हिय ति चिन्तिऊणमभिसित्तो रज्जे पुत्तो ।
- 10 अणुहरियं धीर तुमे चरियं निययस्स पुव्व पुरितस्स ।  
भरह महा-नरवड्ढो तिहुयण विक्खाय कित्तिस्स ॥  
इच्चाइ उव्वूहिऊण गया देवा । चर्की वि तक्खणमेव तण  
व पडिल्लमा उज्झिय सव्व परिग्गह रायायरिय समीवे पव्वइओ ।  
इत्थी रयण पमुहाणि सव्व रयणाणि सेसर मणीओ आभिओइय सुरा
- 15 महा नरिन्दा निहीओ सव्वहा, किं बहुणा, समत्थ खन्धावार वासिणो  
वि जणा छम्मासे जाव मग्गाणुलगा, भरिया न सीहावलोइण्णा  
वि तेण सच्चविय ति । तओ छट्ठ-भत्तेण भिक्खा निमित्त गोयर  
पविट्ठस्स पढममेव चाणा-कूर छलिया तक्केण दिन्न । त भोत्तूण पुणो  
वि छट्ठोववासो कओ । तक्काल पभिई तेणेव दोसेण, कच्छू, जरो
- 20 स्तासो, सासो, भत्तच्छन्दो, अक्खि-दुख, पोट्टुदुख, एयाओ सत्त  
वाहीओ दारुणाओ सम्म वास सए सत्त आहियासिय उग्ग तवेत्तत्त तवे  
घोर तवे करे माणस्स आमोसाहि-खेलोसाहि विप्पोसाहि जल्लोसाहि सव्वो  
सहि पभिईओ लद्धीओ उप्पन्नाओ । तओ वि सररीर पडियार न  
करेई । पुणो वि सक्केण पससिओ 'अहो सणकुमारस्स मुणि णो
- 25 धीरया ! वाहि-कयत्थिओ वि न करेइ तप्पडियार' तमसइहन्ता  
ते चेव देवा सवर वेज्ज रूवेणागया । भाणिय च 'भयव, तुह वाहि,  
पसम करेमो । भयव तुण्हिक्को अच्छइ' । जाहे पुणो पुणो भणन्ति  
ताहे मुणिणा भणिय 'तुम्हे किं सररीर-वाहिं । फेडेह, उयाहु वम्म

- वाहिं' : तेहिं भाणिय 'सरीर वाहिं । तओ भयवया निट्ठहणेण  
 घसिऊण वणय वण्णा क्या अगुली दसिया, भाणिय च 'अहं सय  
 मेवइयर वाहिं फेडेमि, तुम्हे जइ ससार फेडण समत्था, तो फेडेह'  
 दो वि देवा विन्हिय मणा 'तुम्हे चेव ससार-वाही फेडणे परम वेज्ज'  
 5 ति पससिऊण सब सन्तिय वइयरमावेइऊण देव रूवेण पणमिऊण  
 गया सट्ठाण । भयव च कुमारत्त मण्डलियत्त च पन्नास पन्नास  
 वास सहस्साइ, 'वास लक्ख च चक्कवट्ठित्त, वास लक्ख च सामण्णमणु  
 पालेऊण गओ सम्मय सेल सिहर । तत्थ सिलायले आलोयणा  
 विहाणेण मासिएण भत्तेण कालगओ । सणकुमारे कप्पे उववन्नो,  
 10 तओ चुओ महाविदेह वासे सिद्धिहाहि ति ।
-



## वम्भदत्त

—\*—

- सोमे नयरे चण्डवडिमयम्स रत्तो पुत्तो मुणिचन्दो नाम आसि ।  
 सौ य निन्विण्ण-काम-भोगो सागरचन्द्रम्म अन्तिए पन्वइओ । अन्नया  
 उमां पव्वज्जं करेन्तो, गुह्यहिं समं विहरन्तो, देसन्तरं पयट्ठो,  
 भिक्खवट्ठा गामं पविट्ठो, सत्येण मुक्को, पच्छा अडवीए पव्वट्ठो ।  
 5 तं पि तण्हा-रुहा-किल्लन्तं पेच्छन्ति चत्तारि गोवाल-दारगा । तं पडि-  
 यरिय तओ तद्देसणाए पडिबुद्धा पन्वज्जं पडिवज्जिया । दो दुगच्छं  
 काउण देवल्लोगं गया । तओ दसपुरे नगरे सण्डिहल्लस माहणम्म  
 जसमर्द-दासीए दो वि पुत्ता जमलगा तेणेव वम्भणेण जाया । अति-  
 कन्त-बाल-भावा जोव्वणं पत्ता । अन्नया रेत-रक्खणट्ठा अडविंगया ।  
 10 तत्थ वडपायवम्स हेट्ठा पमुत्ता वडकोट्टाराओ निम्गन्तूण दक्को मुय-  
 द्दमेण एगो दारगो । बीओ वि सप्पोवळम्म निमित्तं भमन्तो तेणेवा-  
 हिणा दट्ठो । तओ अरुय-पडियारा दो वि मया सन्ता कालिउर नगे  
 मिगीए जमलत्तेण जाया । पुन्व पीइ-संवन्वाओ आसन्नं चरन्ता वाहेण  
 एगेण चेव सरेण दो वि विणिवाइया । तओ मया गङ्गातीरे दो  
 15 वि हंसा एगाए हंसीए गव्वंमि उववन्ना, जाया, कालव्वमेण अड-  
 कन्त-बाल-भावा । अन्नया तहेव समं भमन्ता एगेण मच्छन्नयेण  
 एगाए पासियाए द्राप्ति गेण्हिउण खन्धुरि वालिउण विणिवाइया ।  
 तओ वाणारसीए नयरीए महाण्ण-ममिद्धम्म भूयदिन्नाभिहाणम्म  
 पाणाहिबइणो पुत्तत्ताए उववन्ना । तहेव अर्दव पीइ-मंनुत्ता चित्त-  
 20 संभूयनामाणो य भायरो जाया ।

इओ य तंमि विसए वाणारसीए सट्ठो नाम राया, नमुईनामो य से  
 मन्ती । अन्नया वह वि तहाविहे खूणे जाए जण पच्छन्नं वहट्ठयाए  
 तम्म भूयदिन्नो पाणाहिबई आणत्तो राइणा । तेण वि पच्छन्नो  
 विहिओ भाणिओ य 'रक्खामि अहं तुमं, जइ भूमिहर-डिओ मम

- पुत्ते पादेसि ' । जीवियत्थिणा पडिवन्न तेण । तहा करेन्तस्स अइ  
 कन्तो वोइ कालो । अन्नया भूयद्विणेण विन्नाय, जहा ' मम पत्ती  
 एएण सह अच्छइ । मारेउमादत्तो चित्तसभूएहिं ' उवयारि त्ति  
 काऊण नासाविओ । पच्छा हत्थिणाउरे नयरे सणकुमारस्स चक्कव  
 5 द्विणो मन्ती जाओ । इओ य तेहि वि चित्त सभूय मायङ्ग दारएहिं  
 रूव जोव्वण-लायण नट्ट गीयाइ-कला पगरिस पत्तेहिं विसरय वेण  
 वाणा सणाह गन्धव्व गायन्तेहिं सयलो वाणारसी जणो न्य हियओ  
 कओ । अन्नया मयण महसवे जाण पवन्नामु नाणाविहामु न्नेगच  
 चरीमु नच्चन्तेमु तरुण तरुणी गणेषु चित्त सभूयाइ पाणाण पि चच्चरी  
 10 निम्माया । तओ तेसि साइसय गीय नट्ट च सोऊण पसूण वि चित्त  
 हर सव्वो वि नयरी लोगो विसेसओ तरुणी जणो ताण समीव  
 गओ । तओ पउर चाउव्वेज्ज लोएण ईसालुयाए रायाण विन्नविय,  
 जहा ' देव, एएहिं सव्वो वि लोगो विट्ठालिओ 'त्ति । निवारिओ  
 ताण नयरी पवेसो । गओ को वि कालो । अन्नया वोमुई महसवमि  
 15 लोलिन्दियत्तणओ कोउहल परा विस्तारिऊण राय सासण अग  
 णिऊण निय भूमि पविट्ठा नयरिं । तओ पेच्छणय पेच्छमाणाण अइ  
 रसओ कोल्हुयरसिअ सोउ भञ्जेऊण वयण निम्माय गेय । तओ  
 वत्थावगुण्ठियमुहा गाइउ पवत्ता एगमि देसे । तओ त समाय  
 णिऊण सुइ सुह ताण गेय समन्तओ परियरिया सन्व-लोगेण,  
 20 भणिय च ' केण एय किन्नराणुत्तारिणा महुरगेण अमयरसेणेव  
 सवणाण सोक्खमुप्पाइय ' तओ कट्ठिऊण उत्तरिज्जाइ पलोइय मुह  
 जाव ते चेव एए मायङ्ग कुमारे त्ति, तओ ' हण हण ' त्ति भण  
 न्तेहिं पाय प्पहार चवेडाईहिं हम्ममाणा निम्माया नयरीओ, पत्ता  
 बाहिरुज्जाण । तओ विसण्णा दुम्भणा चिन्तिउ पवत्ता ' धिरत्थु  
 25 अम्हाण रूव जोव्वण कला कोसलाइ गुण कलावस्स, जेण मायङ्ग  
 जाइ रल्ल-मेत्तेण सव्वो सो दूसिओ, लोग परिभूयत्त जाय ' त्ति  
 गुरु वेरम्मा गया । अरुहिऊण बन्धवाण मरण कय निच्छया पयट्ठा

- टाक्खिण दिमामुहं । तओ दूर-त्तेमन्तर-गण्हिं दिट्ठो एगो गिरिवरो ।  
तमारहन्तेहिं एगंमि मिलायले विक्खिडु-तव-मोसियद्धो मुहज्जाणो-  
वगओ वग्यारिय पाणी काउस्ममेण आयावेमाणो दिट्ठो एगो महामुणी ।  
त पेच्छिय जाय हरिसा गया तम्म ममीवं । तओ मत्ति-बहुमाण-  
5 पुब्बयं वन्दिओ भयवं । तेण वि आण-ममत्तीए धम्म-लाम पुब्बय  
' कुओ भवन्तो समागय'ति संभासिया । तेहि वि पुब्ब-वुत्तन्त-  
वहणा-पुब्बं साहिओ निययाहिप्पाओ, जहा ' एत्थ गिरिवरे,  
पडणं करेमो ' । तओ महारिमिणा भाणिय ' न जुत्तं तुम्हारिसाण  
अणेग सत्थाववोहावदाय-बुद्धाणिं पागय-जण चेद्धिय ति । करेह  
10 मारीरमाणमाणेय-दुक्ख-वीय-भूय-कम्म-वण-दहण-सहं निणिन्द-  
पणीयं साहु 'ग्गं'ति । तओ महा-वाहि पाँटिएहिं व आउरेहिं मुवे-  
जुम्म व निम्मद्धियं पडिच्छियं तम्म वयण, भाणिय च ' देह, भयवं,  
अम्ह निय-वयं ! तेण वि जोमात्ति कल्लिउण दिन्ना ताण दिक्खा ।  
काल-क्केण य जाया गीयत्था । तओ छट्ठुम-दमम-धुवालमद्धमास-  
15 मामाइएहिं विचित्त-तवोरुम्मेहिं अप्पाणं मावेमाणा गामाणुगामं दिह-  
ग्गन्ता कालन्तरेण पत्ता हत्थिणाउरं । टिया बाहिरुज्जाणे । अन्नया  
माम-भवमण पारणए मंभूओ माहू पविट्ठो नगर । गेहाणुगेहं इरिया-  
ममिओ भवन्तो रायमन्नावडिओ दिट्ठो नमुइ-मन्तिणा, पच्चामिन्ना-  
ओ, जहा ' एमो मायङ्गदाग्गओ ग्गो अज्जेमिं च जाणावेमइ'-ति  
20 अप्पमएण निय पुरिमे पट्ठाविउण जट्ठि-मुट्ठि-लउट पहारेहिं कयत्थिय  
निद्धाढाविओ । तओ तम्म निरवगहम्म हम्मन्तम्म कोव-करालि-  
यम्म तेओ-त्तेमा तोमं दहण निमित्त मुहाओ निम्माया । तओ कमि-  
णउभ पट्ठेहिं व धूम निवहेहिं ममन्ता अन्नयागिय नयरं । तओ  
भय-कोउहलेहिं आगया नागरया वन्दिउं, मपग्गिणा पमाइउं  
25 पयत्ता । मणकुमार चक्कवट्ठी वि तप्पमायगन्थ आगओ । पण-  
मिउण कयज्जालिउटेण भाणियं तेण ' भयव. गमेह अम्हारिमे-  
हि मन्दभगेहिं अणेज्जेहिं अवग्ग नि, महर तव-त्तेय, केहेह पमायं  
जीवियप्पयाणेणं ! भुत्थो न एवं कग्गिम्मामो 'ति । जाहे न परीयइ,  
जो

ताहे चित्तासाहू जण वाय सुणिय बहुल धूम-छाइय च गयण दट्टण तस्स  
 समीवमागओ । भणिओ तेण ' भो सभूय, उवसमसु कोवाणल ।  
 उवसम पहाणा चेव महरिसओ भवन्ति, अवरद्धे वि न कोवस्सा  
 वगास देन्ति, जओ दुरन्तो सव्वाणत्थहेऊ चरणिन्धण-दवाणलो  
 5 कोहो । भणिय च

जह वणदवो वणं<sup>५</sup>दवस्स जलिओ<sup>५</sup> खणेण निद्वहइ ।  
 एवं कसाय-परिणओ जीवो तवसज्जमं दहइ ॥

अत्र च

कोहो पीइं पगासेइ कोहो दुग्गइ-वट्ठणो ।

10 परितावकरो कोहो अप्पाणस्स परस्स य ॥  
 मासुववासु करइ, विचित्तु वणवासु निसेवइ,  
 पढइ नाणु ज्ञाणेण निच्चु अप्पाण भावइ ।  
 धारइ दुधुरु वम्भचेरु, भिवखासणु भुज्जइ  
 जसु रोसु, तसु सयलु एउ निप्फलु संपज्जइ ॥

15 एवमाइ उवसमप्पहाणेहिं जिणिन्द वयणजलोहेहिं विज्झाविओ कोह  
 गी । गओ वेरमा । तओ नियत्तो तप्पएसाओ । गया य तमुज्जाण ।  
 चिन्तिय च णेहिं कय सरेहणा अम्हे, ता एण्हि जुचमणसण  
 काउ'ति । ठिया अणसणे । तओ सणकुमारेण नायामच्च वुत्त  
 नेण कोवमुक्काएण दद्ध रज्जु बद्धो नेयाविओ सो ताण समीव ।  
 20 तेहि वि अणुकम्पाए मोयाविओ नमुई । सणकुमारो वि तेसिं वन्द  
 णत्थ सन्तेउरो गओ तमुज्जाण । वन्दिया ते भात्ति-बहुमाण पुव्व  
 अन्तेउर सहिएण । तओ इत्थी रयण सुणन्दाए पाएसु पढन्तीए  
 साइसय अलग फासमणु भवन्तेण काउमारद्ध नियाण सभूएण ।  
 तओ चित्तमुणिणा चिन्तिय ' अहो दुज्जयत्त मोहस्स ! अहो दुइ  
 25 न्तया इन्दियाण ! अहो उम्माहयत्त विसर्म्मण ! जेणेस सुचारियत  
 वि वो वि सुत्तिइय जिणिन्द वयणो वि जुवई-वालगा फासेण वि एरिस  
 मज्झवसइ' । तओ पडिबोहिउ कामेण भणिओ सो ' भो उवरमसु

एयाओ अमुमज्जममाणाओ । जओ अमारा परिणाम-द्वारुणा  
संसार-परिव्रमण-हेऊ काम-भोगा; निमेविज्जन्ता वि करेन्ति अहि-  
यगुम्मादयं, दुहरूना य ते परमत्यओ; मुहाभिमाणो तेमु मोह-  
विलसियमेव । भाणियं न—

5 जह कच्छुल्लो कच्छुं कण्डूयमाणो दुहं मुणइ सोखं ।  
मोहाउरा मणुस्सा तह कामदुहं सुहं वेन्ति ॥

किं च ' भोग-निवन्धनं माणुम्मयं सरीरं केवलासुइ-रूवं चैव  
सत्त्वं, अओ न किंनि तंमि राग-कारणं । जओ भाणियं—

सुख-सोणिय-संभूयं अमुइ-रस-वट्ठियं ।

10 तय-रत्त-मंम-मेयट्ठि-मिज्ज-सुख-विणिम्मियं ॥१॥

नवेण रस-सोएहिं गळन्तममुइ-रसं ।

अमेज्ज-कोत्यलो देहं छवि-भेत्तमणोहरं ॥ २ ॥

आदयं रट्ठिस्मेव वगाए अद्ध-आदयं ।

कुटवो पित्त-मिम्भाणं सुहस्म य तदद्धयं ॥३॥

15 सिरा-मयाइ सत्तेव नव ष्ठारु-मया भवे ।

न मरीरंमि एयंमि सुइत्तं किं पि विज्जए ॥४॥

मणुन्नममणं पाणं ग्यादमं साइमं वरं ।

सरीर-संगमावन्नं मज्जं पि अमुइ भवे ॥५॥

वरं वत्थं वरं पुष्पं वरं गन्ध-विलेवणे ।

20 विणस्सए सरीरंणं वरं मयणमामणं ॥ ६ ॥

उट्ठी दन्तेमु दुग्गन्ता मुटे वि अमुइ रगो ।

विन्लीणो नामिगाए वि मिम्भो बहद निच्चसां ॥७॥

अट्ठीमु इमियाइं नि कण्णेमु अमुभो मल्लो ।

सरेइ रोम-वृत्तेहिं मेभो दुरभि-गन्धभो ॥८॥

25 एयास्सि सरीरंमि मज्ज-रोगाण भागेर ।

मुनिज्जियागमो होउं मा मुज्ज मुणि पुंगव ॥९॥

एवमाइ अणुसासिओ वि न पडिबुद्धो एसो । मोहस्स उक्क  
डयाए कय च नियाणय सभूइणा ' जइ इमस्स तवस्स अत्थि  
फल, तो जम्मन्तरे चक्कवट्ठी होज्जाह ' ति । सच्चविय इम  
तेण, जहा—

- 5 अइविसमो मोहतर्ह अणाइ-भव भावणा-वियय-मूलो ।  
दुक्ख इम्मूलिज्जइ अच्चन्त अप्पमत्तेहिं ॥

तओ मरिउ सोहम्मे कप्पे दो वि देवा जाया । तत्तो चित्त जीवो  
चुओ पुरिमताले इव्व पुत्तो जाओ । सभूय-जीवो तओ चुओ सन्तो  
( कम्पिल्लपुरे बम्भो नाम राया, तस्स चुल्णी नाम देवी ) तीए  
10 उदरे चोइस-महा मुणिण सूइओ उप्पन्नो जाओ य कमेण । कय च  
से नाम बम्भदत्तो ति । वड्डिओ देहोक्कएणं कल-कलावेण य ।  
तस्स य बम्भराइणो उत्तम वस सभूया महारायाणो चत्तारि मित्ता  
आसि । त जहा—

- कासि विसयाहिर्वई कडओ गयउर वई कणेरदत्तो ।  
15 कोमल-विसयाहिर्वई दीहो चम्पाहिर्वई पुप्फचूलो ति ॥  
ते अच्चन्त नेहेण परोप्पर विरहमणिच्छन्ता समुइया चेव वच्छरमे  
क्केक परिवाडीए विविह-कीला विसेसेहिं सरज्जेसु चिट्ठन्ति । अन्नया  
ते समुइया चेव बम्भ समीवमागया । चिट्ठन्ताण य ताण मरण पज्ज  
वसाणयाए जीव-लोयस्स बम्भस्स मन्त तन्तोसहाईणमसज्जो उप्पन्नो  
20 सिर रोगो । तओ तेण बाहाराविया कडगाइणो मित्ता, ताण उच्छेद्धे  
मुक्को बम्भइत्तो, वुत्ता य ते, जहा—'तुव्वेहिं एस रज्ज कोरेयव्वो'  
एव रज्जचिन्तं काऊण कालगओ । कय से वयसेहिं  
पेय किच्चाइय । तओ वट्ठगईहिं भाणिय ' जाव एस  
कुमारो रज्ज धुरा-वहण-जोगो होइ, ताव अम्हेहिं एय रज्ज  
25 'आलेघम्प' ति मन्तेज्जण सच्च सम्मएण वहिं ठक्किज्जण गया स रज्जेसु  
सेसा । गएसु य तेषु सो दीहो परिवालेइ सयल सामगिय रज्ज,  
पलोएइ भण्डार, पविसइ अन्तेउर, मन्तइ सम चुल्णीए, तओ

- दुन्निवारयाए इन्दियाणं, अगाणिऊण वाम्भमित्तत्तणं, अवमज्जिऊण  
वयणीययं, संपल्लगो समं चुलणीए । एवं पवट्टुमाण-विसय-सुह-रसाणं  
गच्छन्ति दिणा । तओ वम्भराइणो वीय-हियय-भूएण धणु-नामेण  
मन्तिणा अवितहं मुणियं, चिन्तियं चणेण, जहा 'जो एवंविहं पि  
5 अकज्जमायरइ, सो किं वम्भदत्त-कुमारस्स उदयं इच्छइ'ति  
चिन्तिऊण वरधणु-नाम कुमारो एगन्ते भाणिओ, जहा 'पुत्त,  
एयस्स माया दुच्चारिणी जाया; ता एयस्स रहसि जाणावेहि एयं  
वइयंर कुमारस्स' ति । तहा कयं तेण । तओ कुमारो माउदुच-  
रियं असहमाणो तीए जाणावणा-निमित्तं काय-कोइल-संगहणं  
10 घेतूण अन्तेउर-मज्जे गन्तुं भणइ 'अन्नो वि जो एवं करिस्सइ,  
तस्सा हं निगहं काहामि'ति भणइ । अन्न दियहे भइ-करिणीए  
सह संकिण्ण-मयं घेतूण तहेवागओ । तओ दोहेण एयं मुणिय  
भणिया चुलणी 'अहं कागो, तुमं कोइल ति' । तीए संलत्तं  
'बालो कुमारो, जं वा तं वा उल्लवइ' । तओ तेण वुत्तं 'न एमं  
15 अज्जहा; ता मारिज्जउ कुमारो रइ-विग्र-करो; ममंमि साहीणे ब्रुह  
अन्ने सुया भविस्सन्ति'ति । तओ रइ-नेह-परव्वसाए एरिमं पि  
मणसा वि अचिन्तणीयं पडिसुयं इमीए । जओ—

महिला आलं कुलहरं महिला लोयंमि दुच्चरियं खेत्तं ।

महिला दुग्गइ-दारं महिला जोणी अणत्थाणं ॥

- 20 मारइ पिय-भत्तारं हणइ सुयं तह पणासए अत्यं ।

नियगेहं पि पलीवइ नारी रागाउरा पात्रा ॥

- मणियं च तीए 'जइ कहवि तेण उवाएण मारिज्जइ, जहा  
जणाववाओ रक्खिज्जइ' । तेण वुत्तं 'एवमिमं कज्जं, कुमारस्स  
विवाहं करेमो; तस्सापमीए सह अणेग-राम्भ-पदट्टियं गूढ-निगम-  
25 पवेसं करेमो जउहरं । तत्थ विवाहाणन्तरं सुह-पमुत्तस्स अमि-  
दाणेण अन्नक्खियं कज्जं करिस्सामो'ति मन्तिऊण एगस्स  
राइणो धूया वरिया, पारद्धा य विवाह-निमित्तं मयन्ना-

- इओ य धणु-मन्तिणा बम्भदत्त-कज्जावहिण्ण विन्नत्तो दीहराया,  
 जहा 'एस मम पुत्तो वरधणू कुमारो रज्ज-धुरा-चिन्तण-समत्थो  
 वट्ठइ; अहं पुण परलोग-हियं करेमि'त्ति । तओ तेण कइयवेण  
 भणिओ 'अलं अन्नत्थ पउत्थेणं ! इहट्ठिओ चेव दाणाइणा धम्मं  
 5 करेहि 'त्ति । इमं च पडिवज्जिऊण धणुणा गंगा-तीरे महई पवा  
 कारिया । तत्थ पन्थिय-परिव्वायगाईण पक्कमं अन्नपाणं दिज्जिउं  
 पवत्तं । दाण-माणोवगार-गहिण्हिं य पच्चइय-पुरिसेहिं दुगाउय-  
 पमाणा सुरंगा खणाविया, जाव जउहरं पत्तं ति । इओ य सा बहु  
 विविह-नेवच्छ-परियण-परिगया पुर-वरं संपत्ता, पवेसिया । महा-  
 10 विभूर्इए जाव वित्तं पाणिगहणं । तयणन्तरं विसज्जिऊण जण-  
 समूहे पवेसिओ कुमारो सह बहूए जउहरं । तओ तत्थ बहू-  
 सहिज्जस्स आसणोवविट्ठ-वरधणु-सहियस्स विसाज्जिय-सेस-परियणस्स  
 गयं जामिणी-जाम-दुगं ।

- तओ समन्ता पलीवियं वास-भवनं उच्छलिओ हाहा-रवो । तओ  
 15 'किं कायन्नं' ति मूढ-माणसेण पुच्छिओ वरधणू 'किं एयं' ति । तेण  
 भणियं, जहा 'सा राय-धूया लेह-पेसणेण विणिवारिया; एसा काइ  
 अन्ना; इमाए पडिवन्धो न कायन्नो ति । एत्थ जउहरे पण्हि-प्पहारं  
 देसु, जेण निगच्छामो' । तेण तहा कयं । तओ भेत्तूण तं सुर-  
 झाए निगन्तूण दुवार-देसे गया । इओ य धणुमन्तिणा पुव्वमेव  
 20 दो पच्चइय-पुरिसा सुरझा-दुवारे तुरङ्गमारूढा धरिया । ते वरधणुस्स  
 संकेय-मैलिय-आसेसु य तेकुमारे आरोविय गया । कुमारो विय पयट्ठा  
 गन्तुं, गया य पन्नास-जोयण-मेतं भूमिभागं । दिहरद्धाण्णखेण्णं निवडिया  
 तुरङ्गा । पाएसु चेव गन्तुं पयट्ठा, पत्ता य कोट्ठाभिहाण-गामं ।  
 तओ कुमारेण वरधणू भणिओ, जहा 'छुहा वाहति, दट्ठं परिसन्तो  
 25 म्हि' । तं तत्थ सण्ठवेऊण पविट्ठो गामं; मुण्डयं घेत्तूणागओ ।  
 मुण्डावियं कुमारस्स सीसं, परिहाविओ कसायवत्थो । चउरद्दुल-  
 पमाण-पट्टबन्धेण सीरेवच्छालीङ्गेय-छाइयं वच्छत्थले । वरधणुणा



वि कओ वत्थ-परावत्तो । पविट्ठा गामव्भन्तरं । ताव य एक्क-दिय-  
वर मन्दिराओ निगन्तूण दास-वेडेण भाणिया ते 'एह, भुज्जह'त्ति ।  
तओ गया तत्थ रायाणुरूव पडिवत्ति जुत्तं भुज्जाविया ते ।

तदवसाणे य एक्का पवर-मोहिला बन्धुमइमुद्दिस्स कुमार-उत्तमज्जे  
5 अक्खए पक्खिवइ । भणइ य ' एस इमाए कन्नगाए वरो 'त्ति ।  
एयमायाणिउण भाणियं वरधणुणा ' किमेयस्स मुक्ख-  
बडुयस्स कए अप्पाणं खेएह ? ' तओ घरसामिएण भाणियं  
'सामि, सुव्वड ! पुव्वं नेमित्तिएण साहियं अम्हं, जहा—इमाए  
बालियाए जो पट्टच्छाडय वच्छो समित्तो भुब्भिही भोयणं, स होही  
10 भत्तारो 'त्ति । एवमाइ भाणिओ तंमि दियहे काराविओ पाणिग्गहणं  
कुमारोत्ति । बीय-दिणे भाणिओ कुमारो वरधणुणा 'दूरं गन्तव्वं'त्ति ।  
तओ बन्धुमईए सव्भावं कहिय निगया । गच्छन्ता पत्ता दूरगा-  
मन्तरं । तत्थ सालिलत्थी वरधणू पविट्ठो । लहुमागन्तूण भणइ जहा  
' दीहराइणा वम्भदत्तस्स सव्वओ पन्था बन्धाविय त्ति जण-वाओ  
15 एत्थ मए सुओ । ता कुमार, नस्सामो ! ' तओ  
पयट्ठा उम्भगेणं । पत्ता महाडइं । तओ कुमारं वडस्स  
हेट्ठा ठविउं तिसाभिभूयं गओ वरधणू जलट्ठा । ताव य दिगा-  
वसाणे दिट्ठो वरधणू जम-भडेहिं व दीह-निउत्त नेरोहिं हम्ममाणो  
दूर-देसमागओ । कुमारस्स सत्ता क्या । पलाणो वम्भदत्तो, पडिओ  
20 य दुग्गम-कन्तारं ।

तओ तण्हा-नुहा-परिस्सम किलन्तो अट्ठमिउण महाडइं तइय-  
दिणे पेच्छइ तावसमेक्कं । दंसण-मेत्तेणेव जाया तम्स जीवियासा ।  
पुच्छिओ य सो ' भयव, वत्थ तुम्हाणमासमो ? ' तेण वि कहिउं  
नीओ कुल्लवइ-समीवं, पणमिओ कुल्लवई । भाणिओ य तेण ' वच्छ,  
25 कहिं ते आगमणं ? बहुपचवायमरण्णं ' । तओ तेण सन्वं जहावत्थि-  
यमवितहं साहियं । तओ सो भाणिओ कुल्लवइणा ' जहाहं तुह  
जणयस्स चुट्ठनाओ त्ति; ता नियं चेवासमपयं तुम्ह; जहासुहं  
चिट्ठह'त्ति । मुणिउण तम्स चित्ताहिप्पायं अच्छिउं पयत्तो । ताव

य समागओ जलय-कालो । तत्थ सो अज्जएण सयलाओ धणुवे-  
 याइयाओ महत्थ-विज्जाओ गुणाविओ । अन्नया सरय-समयंमि फल-  
 कन्द-मूल-कुसुम-सामिहेय-निमित्तं अरण्ण-परिसरे गच्छन्तेसु तावस-  
 कुमारेसु सो वि कोउहलेण निरुब्भन्तो वि कुलवड्ढणा गओ  
 5 रण्णं । तत्थ सरस-फल-कुसुम-सामिद्धाई पलोयन्तेण दिट्ठो तेण महा-  
 करी । कओ य तेण गल-गज्जिय-रवो । तओ अणुमगेण चलिओ करी  
 तथाभिमुहं । तओ तेण तम्स पुरओ वेण्टली-काऊण पक्खित्तमुत्तरीयं ।  
 तेणा वि तक्खणं चेव सोण्डाए गहिय खित्तं गयणे । जाव कोहन्धो  
 जाओ, ताव तेण छलिऊण दक्खत्तणओ गहियं । तओ तेण नाणा-  
 10 विह-कीलाए परिस्समं नेऊण मुक्को करी ।

तओ पयट्ठो गन्तुं पडिपहेणं मूढ-पुच्चावर-दिसा-भागो । इओ तओ  
 परिभमन्तो पेच्छइ गिरी-नई-तट-सन्निविट्ठं पुराण-पडिय-भवण-खण्ड-  
 भित्ति-मेत्तोवलत्तियं जिण्ण-पुर-वरं । तदंसणंमि य जाय-कोऊ-  
 हलो दिसि दिसि निहित्त-दिट्ठी पलोएन्तो पेच्छइ पास-परिमुक्क-से-  
 15 डय-स्वग्गेमकं वियड-वंस-कुडङ्गं । तं च दट्ठणं कोउगेण खेहं वाहियं  
 तंमि वंस-कुडङ्गे तं सगं । एक-पहारेण निमडिया वंस-कुडङ्गी ।  
 वंसन्तरालद्वियं च निमडियं रुण्डमेगं दर-फुरन्त-उट्ट-उट्टं मणोहरा-  
 यारं सिर-कमलं । दट्ठण तेण तं ससंभन्तेण ' हा ! धिरत्थु मे वव-  
 सियस्स' ति निन्दियं अत्तणो वाहु-वलं । तओ पच्छायाव-परद्धेण  
 20 पलोएन्तेण दिट्ठं वद्धं उद्ध-चलणं धूम-पाण-छालसं कवन्धं । सम-  
 हियं से अधिई जाया । पुणो वि पलोएन्तेण दिट्ठं पवरमुज्जाणं,  
 तत्थ य समन्तओ असोग-वर-पायम-परिनिगत्तं सत्त-भूमियं पासाय-  
 भवणं । दट्ठण य तं अवल्लगो कमेण मत्त-भूमिगाए दिट्ठा य तत्थ  
 वियसिय-कुवलय-दलच्छी विज्जाहर-मुन्दरि च्च परिगलिय-विज्जा एणा  
 25 पवर-महिला । पुच्छिया य सा तेण ' सुन्दरि, का सि तुमं ?' तओ  
 सा समज्जसमेव जंपिउं पयत्ता, जहा ' महाभाग, महन्तो मईओ  
 यइयो; ना तुमं पेव साहमु को तुमं, कहिं या पयट्ठो !' तओ

- सोऊण तीसे कोइलालाव-महुरं वयण-विन्नासं समावज्जिय-माणसेण अवितहं भाणियं तेण ' सुन्दरि, अहं पञ्चालाहिवद्दणो बम्भराइणो पुत्तो बम्भदत्तो नाम । ' तओ तच्चयण-सवणाणन्तरमेव आणन्द-वाह-परिपुण्ण-नयणा सहसच्चिय अब्भुट्ठिया, हरिस-फुल्ल-नयणा
- 5 पडिया तस्स चलणेमु, रोविउं पयत्ता । तओ कारुण-गहिय-हिय-एणं तेणुत्तामियं वयणं ' मा रुवमु ' ति भणन्तेण सेंडाविया पुच्छिया य ' सुन्दरि, कासि तुमं ' ति । नओ फुत्तिय नयणा भाणिउं पयत्ता ' कुमार, अहं तुह माउल्लगस्म पुप्फचूल-राइणो धूया तुन्ह चेव विइण्णा । विवाह-दियहं पडिच्छमाणी निय-वरुज्जाण-दीहिया-पुल्लिणे कीलन्ती
- 10 दुट्ठ-विज्जाहरेण इहाणीया । जाव य बन्नु-विरहम्मि-संपलित्ता चिडामि अहं, ताव तुमं आचिन्तिय-हिरण्ण-बुट्ठि-समो सहमच्चिय आगओ । ता जाया मे जीवियासा, जं तुमं दिट्ठो मि ' ति । तओ तेण बुत्ता ' कहिं पुण सो मह सत्तू, जेण से परिकवेमि बल-विसेसं ? ' तीए भाणियं ' सामि, दिन्ना मे तेण पदिय-सिद्धा संकरी नाम विज्जा,
- 15 भाणियं च-तुह सा सुमारिय मेत्ता सहि-दामाइ-परिवारा होउं आएसं काही, पच्चणीयं तुज्जन्नियमेन्ती निवारही, साहिम्सइ य मम चेद्वियं तुह पुच्छिया सन्ती । सुमारिया य सा मए, ता साहेमि । नट्टमत्तो नामेस विज्जाहरो, जेणाणीयाहं । न य सो मह पुण्णाहियाए तेयं सहिउं मक्कइत्ति मं मोत्तुं विज्जा-निम्भियंमि मिय-रत्त-पढाया-भूसिए
- 20 पासाए, पेसिउं च मह वड्यर-जाणावणत्तं निय-भणिणीणमन्तिए जाणावणिं नाम विज्जं, सयं गओ वंम-कुट्ठं, विज्जं साहिय निगओ य मं परिणेहि ति । अज्जं च किर मे विज्जा-मिद्धि भविम्मइ । ' तओ एयं सोऊण बम्भदत्तेण पुप्फवर्दणं मिट्ठो तत्तिहण-वड्यरो । सहरिसं च भाणियं तीए ' अज्जउत्त, मोहणं वयं, जं सो दुरणा
- 25 निहओ ' । तओ सा तेण गन्तव्य विवाहेण विगाहिया । टिओ य कंवि कालं तीए समं । अज्जया निमुओ तेण दिव-विलयाण आछावो । पुच्छिया सा नेण ' कम्म एत्तसदो ! ' तीए बुत्तं ' अज्ज-

उत्त, एयाओ तस्स तुहवडरिणो नट्टमत्तस्स भगिणीओ खण्ड विसाह  
 नामाओ विज्जाहर-कुमारीओ तन्निमित्त विवाहोवगरण घेत्तूण आग  
 याओ । ता तुव्वे ताव अवक्कमह लहु, जाव एयासिं भाव उवक्क-  
 मामि त्ति । जइ तुम्होवरि राओ भविस्सइ एयासिं, तोऽह पासा  
 5 ओवरिं रत्त पडाग चालिस्सामि त्ति, अन्नहा सिय त्ति ।'

तओ थेव वेलाए धवल पडाग दट्ठु सणियमवक्कन्तो तप्पएसाओ  
 पत्तो गिरि निउञ्ज मज्झमि । ण्डि च महा सर-वर । मज्झिओ जहा  
 विहिं तमि, उत्तिण्णो य उत्तर पच्छिम-तीरे । दिट्ठा य तत्थ एका  
 वर कट्ठा । चिन्तिय च तेण ' अहो ! मे पुण्ण परिणई, जेणेसा  
 10 दिट्ठि गोयर पत्ता ' तओ सो वि सिणेह निब्भर पलोइओ तीए ।  
 तओ पलोयन्तिया पत्थिया सा तप्पएसाओ, जाव थेव वेलाए तीए चेव  
 पेसियाए चेडीए समप्पिय वत्थ-जुयल पुष्प तम्बोलाइय च । भणिय  
 च तीए ' जा सा तुमे दिट्ठा महा सर तीरे तीए पेसियमिम । वुत्ता  
 य अह तीए—हले वणलइए, एय महाणुभाव अम्ह ताय-मन्तिणो  
 15 मन्दिरे सरारिं डिइ कोरेह । ता एह तुम्हे ' ' तओ कुमारो पसा  
 हियालन्निओ गओ नागदेवामच्च-मन्दिर । वुत्तो य तीए मन्ती ' एस  
 तुम्ह सामिणो सिरिक्कन्ताए धूयाए पेसिओ, ता सायर दट्ठव्वो !'  
 मन्तिणा तहेव कय । बीय दिणे नीओ राय समीव । तेणवि अम्भु  
 ढिउण धुरे ण्णिमासण । पुच्छिओ सो वुत्तन्त । भुत्तुत्तर-काले य  
 20 ' अम्हारिसेहिं तुम्ह न अन्न विसिद्ध सागय किच्च काऊ तीरइ '  
 त्ति भणिय सायर दिट्ठा सिरिक्कन्ता कन्या । पहाण दिणे वित्तो  
 विवाहो । अज्ज्या कुमारेण पुच्छिया पिया ' त्तिमत्थ मच्च एगा  
 गिणो दिता तुम ' ' तीए वुत्त ' अज्जउत्त, एस अम्ह ताओ  
 बलिय-दाइय-मेळिओ इम विमम पद्धिं समम्मिओ । सो य नयर-  
 25 गामाइ हन्तूण तुम्हो पविमइ त्ति । सिरिमईए तायम्स पत्तीए चउण्ह  
 पुत्ताण उवरि अह जाया वहहा अईव पिण्णो । जीवणत्था य  
 अह वुत्ता रत्ता ' पुत्ति, सन्ने विरुद्धा मम राइणो, ता इहट्ठियाए

चेव जो तुह मगोमो वगे, मो कहियवो' ति । तओ जह पही-  
ओ निगन्तूग महा-मग्-वर गन्तूग पुरिमे पडोएमि जाव, तुम  
दिट्ठो पुण्हि ति । एम परमत्थो'ति । तओ मिरिकन्तए मन  
विमय-मुह माणन्म गच्छन्ति दिणा ।

- 5 अतया सो पहि-नाहो निय-वड-ममिओ गओ विमय हन्तु । मो  
वि तेग मम गओ । ताव य दिट्ठो नेग नन्नाम-बाहिरामत्ते कमल-  
मर-नीरे महमच्चिय ' वग्गणु । मो वि न पच्चभिजाणिउण अम  
मात्ताय-दमण रोविडं पयत्तो । मेटविओ तेण । मुह-निमणेण  
पुच्छिओ वरघणुणा रुमागे 'मम पगेक्खे किं तए अगुमूय' तेग  
10 वि सन्व मिट्ठ ति । तेग वि पुच्छिएण वुत्त ' कुमार ! सुन्वड,  
तया ह नगोह-हेट्ठा तुम शविय जलट्ठा गओ । तओ दिट्ठ मए  
महामर । तओ पुडए धेत्तूण जल जाव तुहनिए पयट्ठो ताव य  
महमच्चिय मतद्ध-वद्ध-क्खण्हि ताडिओ टीह भडेहि ' रे रे  
वरगणु, र्हि वम्भट्तो ति' भणन्तेहि । मए भणिय 'न यणामि ।'  
15 तओ नेहि दट्ठयर ताडिज्जमाणेण भणिय मए जहा ' वग्गेण  
भाक्खिओ ' । तेहि वुत्त ' दमेहि त एम ' । तओ ह डओ तओ  
भमन्नो खट्टेण गओ तुहदमण पह । पणायमु ति कया तुह मत्ता ।  
मया वि परिव्वायग दिट्ठा मुहे कया गुलिया । तप्पभावेण य  
जाओ निच्चेयगो । तओ मओ ति नाउण गया ते । विरेण य  
20 कट्ठिया मुहाओ मया गुलिया । तओ तुम गवेसिड पयट्ठो, न य  
मए दिट्ठो । गओ एग गाम । तन्थ दिट्ठो एगो परिव्वायगो । तेण  
वुत्त ' तुह तायम्म अह मित्तो धमुभागो नाम' कहिय च तेण  
जहा—धग्ग पडाओ, माया य ते मायद्ग पाडए पक्खित्ता टीहेण ।'  
तओ एय सोउण महा-त्तुग्गेण अह गओ कप्पिट्ठुर । कावालिय-  
25 वेम काउण वध्दिउण मायद्ग-मयहर अन्हरिया माया । तओ  
एगमि गोमे पिड मित्तम्म देवम्मम्मम्म माहणम्म धरे मोत्तूग ५  
तुममाणेमन्नो इहागओ ।

- एव सुह दुक्ख भनन्ता जाव अच्छन्ति, ताव एक्को पुरिसो समा-  
गओ । तेण वुत्त, जहा—‘महा भाग, न कहिं चि हिण्डियव्व, तुम्ह  
ण्णेसणत्थ दीह निउत्ता चरा इहागय’त्ति । तओ दोवि लहु वण  
गहाणाओ निम्मान्तु भनन्ता गता कोसम्भि । तत्थ नयरी बाहिरुज्जाणमि  
5 दिट्ठ दोण्ह सेट्ठि सुयाण सागरदत्त-बुद्धिल नामाण पणी-काऊण  
सय सहस्स सपल्लग कुक्कुड जुज्झ । हओ सागरदत्त-कुक्कुडेण बुद्धिल  
कुक्कुडो, पुणो वि बुद्धिल कुक्कुडेण हओ सागरदत्त कुक्कुडो ।  
तओ भगो सागरदत्त कुक्कुडो बुद्धिल कुक्कुडस्स समुह कीरमानो  
वि णाहिलसइ जुज्झिउ ति हारिय सागरदत्तेण लक्ख । एत्थन्तरमि  
10 य वरधणुणा भणिया सागरदत्त बुद्धिला, ‘किमेसो सुजाई वि  
भगो कुक्कुडो बीय कुक्कुडाओ’ ता पेच्छामि, जइ न कुप्पह  
तुब्बे’ । सागरदत्तो भणइ ‘भो महाभाय, पेच्छ पेच्छ, जओ नत्थेत्थ  
कोइ मम दव्व लोभो, किं तु अभिमाण सिद्धीए पओयण ।’  
तओ पलोइओ वरधणुणा बुद्धिल-कुक्कुडो । दिट्ठाओ य तच्चल  
15 ण निबद्धाओ सुद्धल्लण्हाओ लोहमय सूर्इओ । लक्खिओ य सो  
समीवमागन्तु ‘जइ न जपासि सूर्इ-वइयर, तो दाह तुह लक्खद्ध’  
ति निहुय साहिय वरधणुणो । तेणा वि ‘भो निरुक्खिय मए,  
पर न किं चि दीसइ’त्ति जपन्तेण वि, जहा बुद्धिलो न लक्खइ, तहा  
कह चि लोयणङ्गुलि सचार प्पआंगओ जाणाविओ सागरदत्तो । तेणा  
20 वि कडिदउणालक्ख पिव सूर्इ ओभेडिओ निय कुक्कुडो । तेण य  
पराजिओ बीय-कुक्कुडो ति हारिय बुद्धिलेण वि लक्ख । तओ  
जाया दोण्ह वि सरिसरी । परितुट्ठो य सागरदत्तो पप्फुह वयणो  
‘अज्जउत्ता, गिह गम्मउ’त्ति वोत्तुमारोविउ रहवरे दोवि गओ निय  
गेह । वय-उचिय णिच्चो निच्च पेच्छइ पीईए ।  
25 ततेह नियन्तियाणमनयर दिणे आगओ एगो दामचेडो । सदिओ  
चाणेण वरधणू, नीओ एगन्ते । तओ ‘सूइ-वइयरानपणे, ज ते  
सुक्खियमामि बुद्धिलेण अद्धलक्ख, तन्निमित्तमेमो पेसिओ चालीस

साहसो हारो' ति वोत्तुं समप्पिउं च हार-करण्डियं गओ दाम-  
चेडो । वरघणू वि तं घेत्तूणागओ वम्भदत्तन्तियं, साहिय-सरूवो य  
दरिसेड से करण्डियाओ कडिदत्तु हारं । पलोडन्तेण य कुमारेण तदेग-  
देसावलम्बिओ दिट्ठो वम्भदत्त-नामङ्किओ लेहो, पुच्छियं च ' वयंम,

5 कस्मैसो लेहो?' वरघणू भणइ ' को जाणइ ? बहवे वम्भदत्त-नामगा  
पुरिसा सन्ति; किमेत्थ चोज्जं ?' तओ अवहेरी-परे कुमारे वरघणुणा  
एगन्ते नेउं विहाडिओ लेहो, दिट्ठा य तस्स मज्झमि इमा गाहा—  
३ पत्थिज्जसि जइ वि जए जणेण संजोय-जणिय-जत्तेण ।

तहवि तुमं चिय घणियं रयणवई मुणइ माणेउं ॥

10 चिन्तन्तस्स य 'कहमवगाच्छिस्समिमीए भावत्थं'ति वरघणुणो  
बीय-दिणे आगया एगा पत्वाइया । सा य पक्खिविउणऽक्खय-कुमु-  
माणि कुमार-उत्तमङ्गे 'पुत्तय, वास सहम्साऊं भवमु'त्ति भणन्ती वर-  
घणुमेगन्ते नेद; मन्तिउण य तेण समं किं पि पटिगया । तओ  
पुच्छिओ कुमारेण वरघणू ' किमेत्ता जंपई ?' सो भणई ' एयाए

15 इमं संलत्तं, जो सो तुम्हाणं बुद्धिलेण करण्डमि हारो पेसिओ, तेणं  
समं लेहो समागओ; तस्स पडिलेहं समप्पेह ।' मया भणियं ' एसो  
वम्भदत्त-रायनामङ्किओ दीसड, ता साहह, को एसो वम्भदत्तो ।'  
तीए भणियं ' सुम्मड, किं तु न तए कस्स वि साहियच्चं । अत्थि  
इहेव नयरीए सेट्ठि-धूया रयणवई नाम कल्लया । सा य बाल-मा-

20 वाओ चेव अईव मम नेहाणुरत्ता । जोव्वणमणुपत्ता दिट्ठा य मया  
अन्न-दिणंमि सा किं चि ज्ञायमाणी । तओ हं गया तीए समीवं ।  
भणिया य मया ' पुत्ति रयणवई, किं चिन्तेसि' परियणेण भणि-  
यं ' बहुणि दिणाणि एवमेईए दुम्मणाए' । तओ पुणो पुणो  
पुच्छिया वि मए जाव न किंचि जंपइ ताव भणियं तम्म महीए

25 पियद्गुलइयाए ' मयवई, एसा लज्जन्ती न किं पि तुज्ज साहिउं  
सकइ, ता अहं वहेमि । इओ गयंमि कंमि वि दिणे वीडित्तमु-  
ज्जाणयाए भाउगस्स बुद्धिल-सेट्ठिणो एक्ख-प्पणेणं जुज्जावेन्नम्म  
कह वि तप्पएसागओ दिट्ठो अपुज्जो को वि वर-कुमारो ।

- तं च ददुणेसा एरिसी जाया ' । तं च मए सोऊण  
 लक्खिओ तीए मयण-वियारो । भणिया य ससिणेहं ' पुत्ति,  
 साहसु सव्भावं !' तओ कहकहवि सव्भावमुवगया भणइ ' भयवइ,  
 तुमं मम जणणी; ता नत्थि किं पि तुम्हं अकहणीयं । एयाए  
 5 पियङ्गुलइयाए जो कहिओ, सो बम्भदत्त-कुमारो जइ मे पई न  
 होइ, तो नूणं मरामि । तओ एयमायण्णिउण भणिया सा मए  
 ' वच्छे, धीरा होहि ! तहा करिस्सं, जहा तुह समीहियं संपज्जि-  
 स्सइ ' । तओ सा किंचि सत्था जाया कल्ल-दिणंमि य हिययासा-  
 सणत्थं भणिया मए ' वच्छे, दिट्ठो सो मए बम्भदत्त-कुमारो ' ।  
 10 तीए सोउमेवं समूससिय हिययाए भणियं ' भयवइ, तुम्ह पसाएण  
 सव्वं सुन्दरं भविस्सइ; किं तु तस्स विम्सास-निमित्तं बुद्धिल-ववए-  
 सेणेमं हार-रयणं करण्डए पक्खिविउण पेसेहि बम्भदत्त-नामाङ्कियं  
 चेयं लेहं । निरुवियं च तं तहा कल्लं मए । ता महाभाग, कहिओ  
 तुहेसो लेह-वइयरो । संपयं पडिलेहं देहि ।' मए वि समप्पिओ तीए  
 15 इमो पडिलोहो—

गुरु-गुण-वरधणु-कल्लिउं त्ति माणिउं मुणइ बम्भदत्तो वि ।  
 रयणवई रयणवई चन्दो वि य चन्दणी-जोगो ॥

- सोउं चेमं वरधणु-साहियमदिट्ठाए वि रयणवईए जाओ कुमारो  
 तम्मणो । तदंसण-समागमोवायमण्णेसमाणस्स य गयाणि कइ-  
 20 वय-दिणाणि ।

- अन्नंमि य दिणे समागओ बाहिराओ वरधणू संभन्तो भणिउं पयत्तो,  
 जहा ' कुमार, इह नयर-सामिणो कोसलाहिवेण अम्हाण गवेसण-  
 निमित्तं पेसिया पच्चइय-पुरिसा, पारद्धो य नयर-सामिणा उवक्क-  
 मो त्ति सुम्मइ बहुसो घुणाहुणी । तओ नाउमेयं वदयरं सागरदत्तेण-  
 25 गोविया दो वि भूमिहरए । समागया रयणी । भणिओ कुमारेण  
 सागरदत्तो 'तहा कुणमु, जहा अम्हे अवक्कामो !' एवं नायण्णिउण  
 निम्मओ नयरीओ सागरदत्तो गया थेवं भूमि-मागं, तओ अणिच्छ-



- माणं पि कहकहवि नियत्तिऊण सागरदत्तं पयट्ठा कुमार-वरघणू ।  
 गच्छन्तेहि य नयरीए बाहिं जक्खाययणुज्जाण-पायवन्तराल-परिसं-  
 टिया पहरण-समन्निय-रहवर-समीवत्था दिट्ठा एका पवर-महिला ।  
 तओ तीए सायरमब्भुडिऊण भणियं ' किमेत्तियाओ वेलओ  
 5 तुम्हे ममागया ? ' तं च सोउं कुमारो भणइ ' भदे. के अम्हे ' ।  
 तीए भणियं ' सामि, तुब्भे वम्भदत्त-वरघणुणो ' । कुमारो भणइ  
 ' कहमेवमवगयं ? ' तीए भणियं ' सुम्मउ ! इहेव नयरीए धण-  
 पवरो नाम सेट्ठी । तस्स धणसंचया नाम भज्जा । तीएऽहमट्ठण्हं  
 पुत्ताणमुवरि धूया जाया । अइकन्त-बाल-भावाए मज्जं न रुच्चइ  
 10 को वि पुरिसो । तओ जक्खमिममाराहिउमादत्ता । जक्खेण वि  
 मह भत्ति-तुट्ठेण पच्चक्खेण होउं भणिया ' वच्छे, तुह भविस्स-चक्क-  
 वट्ठी वम्भदत्त-कुमारो पर्द भविस्सइ ' । मए भणियं ' व्हं मए सो  
 नायव्वो ! ' जक्खेण भणियं ' पयट्ठे बुद्धिल-सागरदत्ताणं कुक्कुट-  
 जुज्जे जो दिट्ठो तुहाणन्दं जणेही, सो नायव्वो वम्भदत्तो ' ति  
 15 साहियं च मे तेण, जं किं चि कुक्कुट-जुज्ज-कालओ वरघणु-सहा-  
 यस्स, सामि, तुहेह वित्तं, जं च जहा मए हार-पेसणाइ-किच्चमेव-  
 मायरियं ति' । सोउमेवं साणुरागो कुमारो समारूढो तीए सह तं रह-  
 वरं । पुच्छिया य सा ' कओ हुत्तं गन्तव्वं ? ' रयणवईए भणियं  
 ' अत्थि मग्गहा-पुरंमि मम पिउणो कणिड्ड-भाया धणसत्थवाहो नाम  
 20 सेट्ठी; सो य मुणिय-वडयरो तुम्हमहं च समागमणं मुदरं मत्तिम्सइ ।  
 ता ताव तत्थ गमणं कीरउ; तदुत्तर-कालं, जहिच्छा तुम्हाणं । '  
 तओ रयणवइ-वयणेण पयट्ठो तयभिमुहो कुमारो । कओ वरघणू  
 सारही । गामाणुगामं च गच्छमाणा निग्गया कोसम्बिजणवयाओ  
 संपत्ता गिरि-गहणमेगं । तत्थ य कण्ठय-मुकण्ठयाहिहाणा दुवे चोर-  
 25 सेणावट्ठो । ते य दड्डण पहण-रहं विभूसियमित्थी-रयणं च अप्प-  
 परिवारत्तणओ सज्जज्जिऊण पयत्ता पहरिउं । कुमारेणापि विविहि-  
 भद्देहिं पहरन्तेणं जित्ता ते पत्ताणा दिसो दिसिं । तओ णो वि

- रहवाराखुदो चलिओ कुमारो, भणिओ वरधणुणा ' कुमार, दद-  
परिसन्ता तुम्हे, ता मुहुत्त-मेत्त निदा-सुहमेत्येव रहे सेवेह ! '
- तओ रयणवईए सह सुत्तो कुमारो जावच्छइ, ताव  
गिरि-नइमेगं पाविऊण थका वुरङ्गमा ' । तओ
- 5 कहवि पाडिबुद्धो कुमारो, उट्टिओ वियम्भमाणो । पलोइयाइं पासाइं  
न दिट्ठो वरधणू । पाणिय-निमित्तमौइण्णो भविस्सइ त्ति कलिऊण  
सदिओ ससंभमं । पडिवयणमलभमाणेण परामुसियं  
रहधुरमां, दिट्ठं च तं बहल-लोहियालिद्धं । तओ वावा-  
इओ वरधणु त्ति कलिऊण ' हा हओ सि त्ति; भणमाणो निव-
- 10 डिओ रहुच्छङ्गे । पुणो वि लद्ध-चेयणो, ' हा भाइ वरधणु त्ति  
भणमाणो पलावे काउमादत्तो । कहकहवि संठाविओ रयणवईए; तं  
भणइ, जहा ' सुन्दरि, न नज्जइ फुडं; किं वरधणू मओ, किं वा जी-  
वइ । ता अहं तस्सण्णेसणत्थं पच्छओ वच्चामी ' । तीए वुत्तं  
' अज्जउत्त, न एस अवसरो पच्छा-चलियव्वस्स; कुओ ! जेणहमे-
- 15 गागिणी चोर-सावयाईहिं भीममिममरणं । अन्नं च इह नियड-  
वात्तिणा वसमेण भवियव्वं, जेण परिमलिया कुस-कण्ट्या दीसन्ति । '
- तओ तहेव पाडिवाज्जिऊण तीए सह पयडो मगहविसयाभिमुहं कुमारो ।  
पत्ता य तन्विसयसान्धि-संठियं एकं गामं । तत्थ य पविसमाणो  
गाम-सहा-मज्झ-ठिएण दिट्ठो गाम-ठक्कुरेणं । दंसणाणन्तरमेव न एस
- 20 सामन्नो त्ति कलिऊण सोवयार-कय-पाडिवत्तिणा पूइओ, नीओ  
निय-धराभिमुहं ति । दिण्णो आवासो । सुह-निसण्णो  
य भणिओ तेण कुमारो ' महा-भाग, गादमुच्चिगो विय  
लक्खीयसि' कुमारेण भाणिणं ' मज्झ भाया चोरोहिं सह भण्डणं  
कुणन्तो न नज्जइ, किमवत्थन्नरं पत्तो । ता मए तयण्णेसण-निमित्तं
- 25 कत्थ गन्तव्वं ' तेण भाणियं ' अहं खेएण; जइ इहाडवाए भवि-  
स्सइ तो लहिस्सामो त्ति भाणिऊण पेसिया नियय-पुरिसा, गय-  
गएहिं सिट्ठं तेहिं जहा अम्हेहिं कोइ कहिंछि

- पहे निवडिआ एस बाणो पाविओ । तन्वयणायण्णमि य 'नूण  
विणिवाइओ'त्ति परितप्पिऊण गुरुमोथाउलिज्जन्त-माणसस्स जाया  
रयणी, पमुत्तो य रयणवर्देण सह कुमारो । एक नामावसेसाए  
रयणीए सहसा तमि गामे निवडिया चारे वाडी । सा य कुमार  
5 पहार ऋडुयाविया भग्गा परम्मुहा कया । अहिणन्दिओ कुमारो सयल  
गामाहिट्ठिण गाम पहुणा । गोसम्मि य आउच्छिऊण गाम ठक्कुर  
तत्तणय सहाओ पत्थिओ रायगिह, पत्तो जहाणुक्कमेण तत्थ ।  
नयर-बाहिरियाए एकमि परिव्वाइयाममे ठविऊण रयणवड  
पयट्ठो नयरब्भन्तर । त पविसमाणेण य ट्ठि एकमि पएसे विविह  
10 कम्म निम्मिय धवल-हर । तत्थ दिट्ठाओ दो पवर-वत्ताओ ।  
ताओ य कुमार दड्डण पयटिय-गरयाणुरागाओ भाणिउ पयत्ताओ  
' त्ति जुत्त तुम्हारिसाण वि महा पुरिसाण भत्ताणुरत्त जणमुज्झिय  
परिभमिउ ' तेण वुत्त ' को सो जणो, जेणेव भणह ' '  
ताहिं वुत्त ' पसाओ कीरउ आसण-गहणेण । ' तओ  
15 निसन्नो कओ मज्जण भोयणाइओ उवयारो । तयवसाणे य भाणिउ  
पयत्ताओ, जहा महासत्त, अत्थि इहेव भरहे वेयन्द गिरि दाहिण सेदीए  
मिवपुर नयर, जलणासिहो राया, तम्स य विज्जुसिहा नाम देवी ।  
तीए अम्ह दुवे धूयाओ । जेट्ठो य अम्ह नट्टमत्तो भाया । अत्रया  
अम्ह पिया आगिसिहाभिहाणेण मित्तेण सम गोटीए चिट्ठइ जाव,  
20 ताव पेच्छइ गगणे अट्ठावय पन्वयाभिमुह निणवर-वन्दण निमित्त  
गच्छन्त सुरासुर समूह । त दड्डण राया वि मित्तेण धूयाहि य  
सहिओ पयट्ठो, कमेण य पत्तो अट्ठावय । वन्दियाओ निणिन्द-  
पाडिमाओ । कप्पूरागरु-धूवय-बुद्धारमिन्द-सुराहि-गन्धेहिं कओ  
उवयारो । तिप्पयाहिण काउ निगच्छन्तेण एगम्स  
25 असोग पायवम्म हेट्ठा दिट्ठ चारण-मुणि जुयल, पणमिऊण  
य त निमग्गा तयाप्पने । तओ तेहिं पणुया धम्मरहा, जहा-  
' असारो समारो, भद्दुर मरीर, मरयब्भ विब्भम नीविय, तडी

- विलसियाणुगारि जोन्वण, त्रिपाग फलोवमा भोगा, सत्रा राय सम  
 विसय सोक्ख, कुसग्ग जल बिन्दु चञ्चला लच्छी, सुलह दुक्ख, दुलह  
 मुह, अणिवारिय प्पसरो मच्चू । ता एव ठिएछड्डिज्जउ मोह प्पसरो,  
 कीरउ जिणिन्द णीए धम्मे मण ति' । एव सुणिय लद्ध सम्मत्ता  
 5 इणो जहागय पडिगया मुराइणो । तओ लद्धावसरेण भाणिय अग्गि  
 सिहिणा मित्तेण जहा 'भयव, एयाण वालियाण को भत्ता भविस्सइ  
 त्ति ।' तेहिं भाणिय ' एयाओ भाइ वहगम्स भज्जाओ भविस्सन्ति ।'  
 तओ एय सुणिय माम-मुहो जाओ राया । एत्थावसरे वुत्तो  
 अम्हेहिं ' ताय, सपय चेव साहिय मुणीहिं ससार सरूव । अळ  
 10 अम्हाणमेवविहावसाणेण विसय मुहेण ति, पडिवन्न च त ताएण ।  
 एव च वल्लहयाए भाउणो चत्त निय-देह मुह-कारणाओ तम्स चेव  
 ण्हाण-भोयणाइय चिन्तन्तीओ चिट्ठम्ह जावत दिणे अम्ह भाउणा  
 दुहविं भमन्तेण दिट्ठा तुम्ह माउल्लगम्स धूया पुप्फवई कनया । त  
 च रूवाइवित्त चित्तो हरियागओ । तदिट्ठिमसहन्तो विज्ज साहिउ  
 15 गओ । अओ उवरि तुब्भे नाय-वुत्तन्ता । ताहे महाभाग, तमि  
 काले तुब्भन्तियाओ आगन्तूण पुप्फवईए सामेण वुत्ताओ अम्हे,  
 माहिओ भाउ-वुत्तन्तो । त सुणिय सोय निम्भराओ रोविउ पयत्ताओ ।  
 मठवियाओ महुर-वयणेहिं पुप्फवईए । अज च मरुरि त्रिज्जा सया  
 माओ विदय तुम्ह वुत्तन्ताए भाणिय तीए ' सुमरिज्जउ मुणि-वयण,  
 20 मन्निज्जउ वम्भट्ठो भत्त त्ति ' । तमाग्गणिउण जायाणुरागाहिं  
 मनियमम्हेहिं । तओ रहम पर वमत्तणओ पुप्फवईए चालियाए  
 सिय सत्तेय पडागाए, अजत्त कत्थइ पउत्थे तुममि नाणाविह-ग्गाम  
 नगराइसु भमन्तीहिं तुम न जाहे कहिंचि दिट्ठो ताहे विसण्णाओ  
 इहागयाओ । तओ अप्पताक्खिय हिरण्ण वुट्ठि विवममेमत्थ तुह  
 25 दसण जाय ति । ता भो महाभाग, सुमरिज्जण पुप्फवइ-वइयर, कीरउ  
 अम्हाण समीहिय ' एय सुणिय सहरिस मन्निय कुमारेण । निज  
 त्तिउण गन्धव्व विद्याह डिओ रत्तीए ताहिं मम । गोस-कोठेय  
 वुत्ताओ ' गच्छह तुब्भे पुप्फवइ-समीव, जाव मह रज्ज-खम्भो होइ' ।

‘ एवं काहामो ’ ति भाणिय गयाओ ताओ । गयासु तामु जाव पलोएइ पासाइं ताव न तं घवल-हरं नय मो परियणो । चिन्तियं च तेण, ‘ एसा विज्जाहरी माया; अन्नहा कहमेयं इन्दियाल-विज्जमं ताण विलसियं ? ’

- 5 तओ कुमारो सुमारिय रयणवईए तयण्णेसणनिमित्तं गओ आम-  
माभिमुहं । जाव ‘ न तत्थ रयणवई न य अन्नो कोई, तओ कं  
पुच्छामि ’ ति कलिउण पलोइयाइं पासाइं, न य कोई सच्चविओ ।  
तओ तीए चेव वइयरं चिन्तयन्तम्म खणन्तरेणागओ एक्को कट्ठाणा-  
गिई परिणओ पुरिसो । पुच्छिओ मो कुमारेण ‘ भो महाभाय, एवं  
10 विह-रुव-नेवच्छ-विसेसा कल्ल दिणे अज्ज वा न दिट्ठा वा वि एत्थ  
नाला ! तेण य भाणियं ‘ पुत्तय, किं सो तुमं रयणवईए मत्ता ? ’  
कुमारो भणइ ‘ एवं ! ’ तेण भाणियं ‘ कल्लं सा मए रूयन्ती दिट्ठा  
अवरण्ह-वेलाए; गओ य तीए समीवं पुच्छिया य सा मए—पुत्ति,  
कासि तुमं, कओ वा समागया, किं वा सोय-वारणं, कहिं वा  
15 गन्तव्वं ? ’ तओ तीए किंचि कहियंमि पचामिन्नाया भाणिया य ‘ मम  
च्चिय दोहिती तुमं होसि । ’ सुणिय-वुत्तन्तेण य मया तीए चुट्ट-  
पिटणो गन्तूण सिद्धं । तेण य जाणिय विसेसा सायरं पवेसिया  
निय-मन्दिरं । अण्णोसिया सव्वओ तुब्भे, न कहिन्नि दिट्ठा ता  
संपयं सुन्दरमणुट्टियं जमागया । एवं चालपिउण नीओ तेण कुमारो  
20 सत्थवाह-मन्दिरं । वय-सत्त्वोवयारम्स य रयणवईए वित्तं पाणि-  
माहणं । तओ तीए सह विमय-सुहमणुहवन्तो चिट्ठइ ।

- अन्नया वेरघणुगो दिवमओ ति पवप्पियं भोजनं भुज्जन्ति बम्भ-  
णाइणो जाव, सयं चेव वरघणू जणिय-बम्भण-वेसो भोयण निमि-  
त्तमागओ भणिउं पयसो, जहा ‘ भो सारिज्जउ तम्म भोज-वारिणो  
25 जहा, जइ मज्झ भोयणं पयच्छइ, तो तम्म परल्लोय-वत्तिणो वयगो-  
यरंमि उवगमइ ’ । सिद्धं च तेहिं तमागन्तूण कुमारम्म । विणिग्गओ  
कुमारो । सहसिं च पलोइओ सो कुमारेण, पच्चभिजाओ य ।  
आलेक्खिउं पविट्ठो मन्दिरं । निवत्त-मज्ज-भोयगावसरम्मि य

पुच्छिओ तेण वरधणू निय-पउत्ति । साहिउं पयत्तो, जहा ' तीए  
 रयणीए निदा-वसमुवगयाण तुम्हाण पिठ्ठओ धाविऊण निविड-कुड-  
 झन्तराट्ठिय-तणुणा एकेण चोर-पुरिसेण पहओ बाणेण । तप्पहार-  
 वेयणाए परायत्तत्तणओ निविडिओ माहि-यलंमि । अवाय-भीरुत्त-  
 5 णओ न साहियं तुम्हं । वोलीणो रहवरो तमन्तरालं । अहमवि परि-  
 निविड-तरु-अन्तराल-मज्जेण सणियं अवक्कममाणो कहकहवि पत्तो तं  
 गामं, जत्थ तुम्हे निवासिया । साहिया य तग्गामाहिवेण तुम्ह  
 पउत्ती । समुप्पन्न-हियय-तोसो य पउण-पहारो भोयण-पत्थण-वव-  
 एसेण समागओ इहइं जाव, दिट्ठा तुम्हे । एवं च सहरिसमविरत्त-  
 10 चित्ताणं जन्ति दियहा ।

अन्नया य मन्तियं परोप्परं बम्भदत्त-वरधणूहिं ' केत्तियं कालं  
 मुक्क-पुरिसयारेहिं अच्छियत्वं ?' एवं च चिन्तयन्ताणं निग्गमोवाय-  
 मुस्सुयाणं समागओ महु-मासो । तंमि य पयत्ते मयण-महूसवे निग्गए  
 नयरि-जणवए उज्जाणेषु कोउहल्लेणं गया दो वि कुमार-वरधणू । तओ  
 51 पयत्ते निब्भरे कीला-रसे कीलन्तेसु विविह-कीलाहिं तरुण-नर-नारी-  
 सत्थेसु अतक्कियं चेव मय परव्वसो गालिय-मिण्ठो निरङ्कुसो विय-  
 रिओ राय-हत्थी । समुच्छलिओ कलयलो; मग्गाओ कीला-गोटीओ ।  
 एवं च पयत्ते हल्लोहलए एक्का बालिया समुन्नय-पओहरा वियड-  
 नियम्ब-बिम्बा मत्त-करि-करोरु-मय-वेविरङ्गी सरणं विमग्गामाणा  
 20 पडिया करिणो दिट्ठि-पहं । तओ उच्छलिओ हाहा-रवो, कूइयं  
 से परियणेण । तत्थन्तरे दर-गहियाए तीए पुरओ होउण हाकिओ  
 कुमारेण करी, मुयाविया एसा । सो वि करी तं बालियं मोत्तुण  
 रोस-वत्त-वित्थारिय-लोयणो पसारिय-घोर-करो तड्ढविय-क्कणो म्हात्ति  
 तदभिमुहं पधाविओ । कुमारेण वि संपिण्डिय उवरिकं पक्खित्तं  
 25 तदभिमुहं । तेणावि निब्भरामरिस-पराहीणेण घेत्तुं तं पक्खित्तं  
 गयणे, निविडियं घरणीए । जाव करी तत्थ परिणवइ, ताव  
 दस्सत्तणओ समारुहिय कन्धराए निवद्धमासणं कुमारेण, ताडिओ

- तिक्खङ्कुसेण, अप्फालियो कुम्भ-भाए, महुर-वयणेहिं मेछाविओ  
मच्छरं करी । तओ समुच्छलिओ साहुक्कारो; जयइ कुमारो-त्ति  
पडियं बन्दिणा । नीओ खम्भुट्ठाणं, आगओ तमुदेसं नरवई । दट्ठण  
तं अणण-सरिस-चेट्ठियं विम्हयं गओ माणिउं पयत्तो ' को उण  
5 एसो ! ' तओ कुमार-वइयराभिन्नेण साहिओ वुत्तन्तो मन्तिणा ।  
तओ तुड्डेण राइणा नीओ निय-भवणं कुमारो, काराविओ मज्जण-  
भोयणाइ-उचिय-करणिज्जं । तओ भोयणावसाणे दिन्नाओ अट्ठ  
- धूयाओ कुमारस्स । सोहण-दिण-मुहुत्तेण वित्तं पाणिमाहणं । जहा-  
- सुहं ठिया तत्थ कइवय-दिणे ।
- 10 अन्नया एगा महिला आगन्तूण कुमार-समीवं माणिउं पयत्ता,  
महा 'कुमार, अत्थि तए सहस्रत्तत्त्वं किं पि' । तेण वुत्तं 'भण !' तीए  
वुत्तं ' अत्थि इहेव नयरीए वेसमणो नाम सत्थवाहो, तस्स धूया  
सिरिमई नाम । सा मए बाल-भावाओ आरब्भ पाळिया, जा  
वुमए हत्थि-संभमाओ रक्खिया । तीए हत्थि-संभमुच्चरियाए उज्झि-
- 15 उण भयं, नीविय-दायगो त्ति मुणिउण तुमं साहिलासं पलोइओ ।  
तओ अच्चन्त-मुन्दर-रूव-जोव्वण-लायण-कला-कोसट्ठाण पग-  
रिसो त्ति काउं समुप्पन्नो ताए तुज्झोवरि ददमणुराओ । तओ  
तप्पभिइं तं चेव पलोएमाणी यम्मिय व्व लिहिय व्व कीलिय व्व टुङ्ग-  
छरिय व्व निच्चल-निहित्त-लोयणा खणमेहं ठिया । बोलीणे हत्थि-
- 20 संभमे कहकहवि परिजणेण नीया निय-मन्दिरं । तव्व वि न मज्जण-  
भोयणाइयं देह-ट्ठिइ करेइ, केवलं मोणेण अच्छइ । ताहे मए वुत्ता  
' पुत्ति, कांस अयाण्डिच्चिय असब्भाविणी जाया, जेण मज्झ वि  
अवहीरोस्सि वयणं ! ' ताव सविलक्खं हसिउण माणियं तीए ' किम-  
म्भ ! तुम्हाण वि अवहणिज्जमत्थि ! किं तुलज्जाएत्थावरज्जहइ; ता
- 25 सुज्जउ, जेणाहं हत्थि-संभमाओ रक्खिया, तेण सह पाणिमाहणं जइ  
न होइ, तो मे अवस्सं मरणं सरणं ति ' । तओ एयमायण्णिउण  
य कहिओ तीए पिउणो वुत्तन्तो । तेणावि तुह समीवे अहं पेसिया

ता पडिच्छसु इमं बालियं । ' मन्नियं च तेण । पसत्थ-दियहे वित्तो  
विवाहो । वरधणुणो वि सुबुद्धिनामेणामच्चेण नन्दाभिहाणं कत्तं  
दाउं कयं विवाह-मङ्गलं । एवं च दोण्ह वि विसय-सुहमणुहवन्ताणं  
अइक्कन्ता कइवि वासरा । उच्छलिया सव्वओ तेसिं पउत्ती ।

- 5 तओ गया वाणारसिं । तओ बम्मदत्तं बाहिं ठविय गओ वर-  
धणू कडय-समीवं । हरिसिओ एसो सबल-वाहणो निग्गओ सम्मुहो ।  
तओ समाइच्छिउणारोविउं हत्थि-खन्वे पवेसिओ निय-भवणे ।  
कमेण य दिन्ना निय-धूया कडयावई नाम अणेग-गय-हय-रह-  
मण्डार-समेया । पसत्थ-दिणे वित्तो विवाहो । तीए समं विसय-
- 10 सुहमणुहवन्तस्स वच्चइ कालो । तओ धूय-संपेसणेण समागओ सबल-  
वाहणो पुप्फचूलो राया, धणू मन्ती, कणेरदत्तो, अन्ने य चन्दसीह-  
मवदत्तादओ बहवे रायाणो । तेहिं वरधणू सेणावइ-पए अहिसि-  
न्निउण पेसिओ दीह-राइणो उवरिं, पयत्तो अणवरयं गन्तुं ।  
एत्यन्तरे पेसिओ दीहेण कट्टगार्हण दूओ । निव्वमच्छिओ सो तेहिं ।
- 15 अप्पणो वि अणवरय-पयाणएहिं गच्छन्ता पत्ता कप्पिहपुरं ।  
तओ समन्तओ निरुद्ध-निग्गम पवेसं कयं तं । तओ सो  
दीह-राया ' केत्तियं कालं बिले पविट्ठेहिं अच्छियव्वं' ति साहसम-  
वलम्बिउण निग्गओ सम्मुहो । समावडियं महा-समरं दोण्ह वि  
सेन्नाणं । तओ भगं निय-सेत्तं दट्ठण दीहो, काउण पोरसं अन्नहा वि
- 20 नत्थि मोक्खो ति कलिउण सम्मुहमुवट्ठिओ । तओ तं पेच्छिउण  
बम्मदत्तो संधुक्किय-कोवाणलो चालिओ तदभिमुहं । लग्गमाओहणं तओ  
गण्डीव-स्त्रमा-कुन्त-गया-भिण्ढिमाल-पमुहेहिं पहरिउण मुक्कं बम्मद-  
त्तेण चक्कं । तेण दीह-राइणो कबन्धी-कयं सरिं । तओ ' जयइ  
चक्कवट्ठी' ति उच्छलिओ वलयलो । सिद्ध-गन्धव्वेहिं मुक्का कुसुम-
- 25 बुट्ठी । धुत्तं च, महा—'एस नारसमो चक्कवट्ठी उप्पत्तो ।' तओ  
पुर-जणवण नागारिय-ओएण य अभिनान्दिज्जमाणो पविट्ठो निय-  
मन्दिरं । कओ सयल-सामन्तेहिं महा-चक्कवट्ठि-रज्जामिसेओ । पसा-



- परिपञ्चनेन एतद्वचनेन राजेदृशी दशा गत इति चपेदाभिर्हन्तुमा-  
 रब्धोऽसौ । हन्यमानो ' न मयाऽयं पूरित ' इति विलपन्नसौ  
 विमोचित कदर्यकेभिः पृष्टश्च ' कोऽस्य पूरक ' इति । स प्राह  
 अरघट्ट समीपवर्ती मुनिरिति । ततो राजापि चन्दनरससेवादिभिर्  
 5 ऋचेतनोऽवगतमुनिवरागमवृत्तान्तस्तद्भाक्तीस्नेहाकृष्टचित्त सपरि-  
 करो निर्ययौ । ददृशे च तेन मुनिरुद्याने । तुष्टचेतसा वन्दित ।  
 सविनय उपविष्टस्तदन्तिरे मुनिनारब्धा धर्मदेशना, दर्शिता भव  
 निर्गुणता, वर्णिता कर्मबन्धहतेव , श्लाघितो मोक्षमार्गः, ख्यापित  
 शिवसौख्यातिशय । सविन्ना परिषद्, न भावितो ब्रह्मदत्तः, प्राह  
 10 च ' भगवन्, यथा स्वसगमसुखेनाल्हादिता वय, तथाऽऽल्हादयत्तु  
 भगवान् राज्यस्वीकारेण, पश्चात् तप सममेव करिष्यावः ।  
 एतदेव वा तपसः फलम् ' । मुनिराह 'युक्तमेतद्भवदुपकारोद्यता  
 नाम्, केवल दुर्लभेय मनुष्यावस्था, सततपातुमपायुः, चञ्चला श्रीः  
 अनपस्थिता धर्मबुद्धिः, विपाकमृद्वो विषयाः, तदासक्ताना ध्रुवो  
 15 नरकपातः, दुर्लभ पुनर्मोक्षबीज विशेषतो विरतिरत्न, न तत्त्यागाद्  
 दुस्तरनरकपातहेतुमृतिपयदिनभाविराज्याश्रयणमाआल्हादयति चित्त  
 विदुषाम् । तत् परित्यज कदाशय, स्मर प्राग्भवानुभूतदुःखानि,  
 पिव जिनवचनामृतरस, सचरस्व तदुक्तमार्गेण, सफलीकुरु मनुष्य  
 जन्म ' इति । स प्राह 'भगवन्, उपनतमुखत्यागेनादृष्टमुखवाञ्छा  
 20 अज्ञानलक्षणम् । तन्मैवमादिश, कुरु मत्समीहित ' । तत पुनुरुक्त  
 मुक्तोऽपि यथा न प्रतिबुध्यते, तदा चिन्तित मुनिना ' आ ज्ञात,  
 पूर्वमेव सनत्कुमारचन्द्रिणीरत्नालङ्कसस्पर्शवेदनानाताभिलाषातिरेकेण  
 मया निवार्यमाणेनापि कृत तत्प्राप्त्यर्थं समूतेन सता निदान, तदिदं  
 विनृम्भनेऽतः कालदृष्टवदसाध्योऽयं निनचनमन्त्रतन्त्राणाम्' इति ।  
 25 गतो मुनि, कालान्तरेण मोक्षं प्रापः । राज्ञोऽपि चन्द्रिमुखमनुभ  
 वतोऽतीतः कश्चित् काल ।

अन्यद्वेन द्विजेनोक्तोऽसौ 'अहो नृपेश, ममेदृशी वाञ्छोत्पन्ना  
 यद्यकिमोनन भुञ्जे ' । राज्ञोच ' भो द्विज, न मामकमत्र त्व

- भोक्तु क्षमः । यतो मा हित्वा एतदन्नमन्यम्य न सम्यक् परिणमति ।  
 द्विजेनोक्त ' धिगस्तु ते रात्र्यलक्ष्मीमाहात्म्ये यदन्नमात्रदनेऽप्यालो  
 चयसि ' । ततो राज्ञा असूययानुज्ञात, भोजितश्चासावाहारदानेन  
 स्वमार्यापुत्रस्तुपाटुहितृषौत्रादिवान्धववृन्दान्वितः । गतः स्वगृहमा  
 5 गताया निशिथिन्या परिणमत्यन्नेऽत्यन्तजातोन्मादप्रसरोऽनपेक्षित  
 मातृस्तुपामग्निनीत्यतिक्रो गुरुमदनवेदनानप्यचित्तः प्रवृत्तोऽन्योन्यम  
 कार्यमाचरित द्विजपरिजनः । प्रत्यूपसि लज्जितो द्विजः  
 परिजनश्चान्योन्यमाम्य दर्शयितुमपारयन्निर्गतो नगराच्चिन्तित च  
 द्विजेन 'कथमनिमित्तंवरिणा राज्ञेत्यविटम्बिनोऽहम्' । ततोऽमर्षितेन  
 10 तेन वनेऽस्ता दृष्ट एकोऽजापालकः, कर्करिकाभिरश्वत्यपत्राणि  
 काणीर्बुधश्चिन्तित च तेन ' मद्विवक्षितकार्यकरणयोन्योऽय' इति  
 कृत्वोपचरितस्तेन दानसन्मानादिभि । कथितस्तेन स्वाभिप्रायस्तम्य  
 रहसि । तेनापि प्रतिपत्तम् । अन्यदा गृहातिर्गच्छतो ब्रह्मदत्तस्य  
 मुड्यान्तरिततनुनाऽमोखेयत्वेन गोलिङ्गैरकालमुत्पाणिते लोचने ।  
 15 ततो राज्ञा वृत्तान्तमवेत्योत्पन्नमोपेन सपुत्रवान्धवोऽसौ धातित  
 पुरोहितो, अन्यानपि द्विजान् धातयित्वोक्तो मन्त्री यथा ' एषाम  
 क्षीणि म्यात्रे निक्षिप्य मम पुरतो निवेहि, येनाह स्वहम्ममर्दनेन  
 सुखमुत्पादयामि ' इति । मन्त्रिणापि क्लिष्टकर्मोदयवशता तस्याव  
 गम्य शाखोटस्तरस्त्रलानि म्यात्रे निक्षिप्य दानिनानि तम्य । सोऽ  
 20 पि राट्ठा यवमायोपगतस्तान्यक्षिबुद्ध्या मर्दयन् स्व मुखांर्बुक्नु  
 दिनान्यतिवाहयति । एव च विदधतोऽतीतानि कतिचिद्दिनानि ।  
 ततः सप्तर्षशतानि पोटपोत्तराणि आयुरनुपाल्य तत्क्षये प्रवर्ध  
 मानरौद्राव्यवमायो मृत्वोत्पन्न सप्तमनरकपृथिन्या त्रयस्त्रिंशत्साग-  
 रायुर्नारकः ।

# मूलदेव



अत्थि उज्जेणी नयरी । तीए य असेस-कला-कुसलो अणैगं-  
 विन्नाण-निउणो, उदार-चित्तो कयन्नू पडिवन्न-सुरो गुणाणुराई  
 पियंवओ दक्खो रूव-लावण-तारुण-कलिओ मूलदेवो नाम राय-  
 उत्तो पाडलि-पुत्ताओ जूय-वसणासत्तो जणगावमाणेण पुह्वि परि-  
 5 भमन्तो समागओ । तत्थ गुलिया-पओगेण परावात्तिय-वेसो वामण-  
 याकारो विम्हावेइ विचित्त-कहाहिं गन्धव्वाइ-कलाहिं नाणा-कोउं-  
 मेहिं य नायर-जणं । पसिद्धो जाओ । अत्थि तत्थ रूव-लावण  
 विन्नाण-गळ्विया देवदत्ता नाम पहाणा गणिया । सुयं च तेण ' न  
 रज्जिज्जइ एसा केणइ सामण-पुरिसेण अत्त-गळ्विया' तओ कोउएण  
 10 तीए खोमणत्थं पच्चूस-समए आसन्नत्थेण आढत्तं सुमहुर-रवं बहु-  
 भङ्गि-घोलिर-कण्ठं अन्नन्न-वण-संवेह-रमणिज्जं गन्धव्वं । सुयं च तं  
 देवदत्ताए चिन्तियं च ' अहो अउन्वा वाणीः ता दिव्वो एस कोइ  
 न मणुस्स-मत्तो ' । गवेसाविओ चेडीहिं । गविट्ठो दिठो मूलदेवो  
 वामण-रूवो, साहियं जह-ट्ठियमेइए । पेसिया तीए तस्स वाहरणत्थं  
 15 मादवामिहाणा खुज्ज-वेडी । गन्तूण विणय-पुव्वयं भणिओ तीए  
 ' भो महायस, अम्ह सामिणी देवदत्ता विन्नवेइ, कुणह पत्तायं  
 एह अम्ह घरं । ' तेण य वियड्डयाए भणियं ' न पओयणं मे  
 गणिया-जण-सङ्गेण निवारिओ विसिद्धाण वेसा-जण-संसम्मो ।  
 भणियं च

20

या विचित्रविट्कोटीनिघृष्टा  
 मद्यमांसनिरतातिनिकृष्टा ।  
 क्रोमला वचसि चेतासि दुष्टा  
 तां भजन्ति गणिकां न विशिष्टाः ॥ १ ॥

योपतापनपराऽग्निशिखेव चित्तमोहनकरी मदिरिव ।

देहदारणकरी क्षुरिकेव गर्हिता हि गणिका शालिकेव ॥२॥

- अओ नत्थि मे गमणाभिलासो । तीए वि अणेगाहिं भणिइ-  
भङ्गीहिं आराहिऊण चित्तं महा-निवन्वेण करे घेत्तूण नीओ  
5 घरं । वच्चन्तेण य सा खुज्जा कला-कोसहेण विज्जा-पओगेण  
य अप्फालिऊण कया पउणा । दिम्हय-सित्त-मणाए पवेसिओ  
सो भवणे । दिट्ठो देवदत्ताए वामण-रूवो अउव्व-खावण-धारी,  
विम्हियाए य दवावियमासणं । निसन्नो य सो । दिन्नो तम्बोलो,  
दंसियं च माहवीए अत्तणो रूवं, कहिओ य बइयरो, सुट्ठुयरं वि-  
10 म्हिया, पारद्धो आलावो महुराहिं वियड्ड-भणिईहिं, आगारिस्सियं  
तेण तीए हियं । भणियं च—

अणुणय-कुसलं परिहास-पेसलं लडह-वाणि-दुल्लालियं ।

आलवणं पि हु छेयाण कम्मणं किं च मूलीहिं ॥

- एत्यन्तरे आगओ तत्थेगो वीणा-वायगो । बाइया तेण वीणा ।  
15 रज्जिया देवदत्ता, भणियं च ताए, 'साहु ! भो वीणा-वायग, साहु !  
सोहणा ते कला ।' मूलदेवणे भणियं 'अहो ! अइनिउणो उज्जेणी-  
जणो, जाणइ सुन्दरामुन्दर-विसेसं ।' देवदत्ताए भणियं ' भो किं  
एत्य खूणं ? ' तेण भणियं ' वंसो चेव अमुद्धो, सगज्जा य तन्ती' ।  
तीए भणियं ' कंहं जाणिज्जइ' ! 'दंसेमि अहं ।' समप्पिया वीणा,  
20 कट्ठिओ वंसाओ पाहणगो तन्तीए वालो । समारिऊण बाइउं  
पयत्तो । कया पराहीण-माणसा स-परियणा देवदत्ता । पच्चासत्ते  
य करेणुया सया खण-सीला आसि सा विटिया घुमन्ती ओलम्बिय-  
कण्णा । अइव विम्हिया देवदत्ता वीणा-वायगो य ।' चिन्तियं च 'अहो  
पच्छन्न-वेसो विस्सकम्मा एस ।' पूइऊण पेसिओ तीए वीणा-वायगो ।  
25 आगया भोयण-वेला । भणियं देवदत्ताए ' वाहरह अन्नमदयं  
जेण दो वि अन्हे मज्जामो ' । मूलदेवेण भणियं ' अणुमन्नह अहं  
चेव करेमि तुम्ह अन्नमहण-कम्मं' । 'किमेयं पि जाणासि !' 'न याणामि  
प्रा. क. सं. ८

- सम्म पर ठिओ जाणगाण सयासे । आणिय चम्पगतेछ, आढतो  
अभाङ्गिउ । कया पराहीण-मणा । चिन्तिय च णाए 'अहो विन्नाणा-  
इसओ, अहो अउव्व करय फासो । ता भवियव्व केणइ इमिणा  
सिद्ध पुरिसेण पच्छन्न रूवेण, न पयईए एव रूवस्स इमो पगरिसो'त्ति,  
5 ता पयडी-करावेमि रूव । ' निवडिया चलणेसु, भणिओ य ' भो  
महाणुभाव, असारिस-गुणेहिं चेव नाओ उत्तम पुरिसो पडिवन्न  
वच्छलो दनिखण्ण पहाणो य तुम । ता दसेहि मे अत्ताणय ! बाद  
उक्कण्ठिय तुह दसणस्स मे हियय ' । मूलदेवेण य पुणो पुणो  
निव्वन्वे कए इसि हसिऊण अवणीया वसे परावत्तणी गुलिया ।  
10 जाओ सहावत्थो, दिट्ठो टिण नाहो व्व दिप्पन्नतेओ, अणङ्गो व्व  
मोहयन्तो रूवेण सयल जण नव जोव्वण-लायण्ण संपुण्ण देहो । हरिस  
वमुब्भिन्न रोमच्चा पुणो निवडिया चलणेसु । भणिय च 'महा पसा  
ओ' त्ति । अब्भङ्गिओ सहत्थेहिं, मज्जियाइ दो वि, जिमियाइ महा  
विभूईए, पहिराविओ देव-दूसे, ठियाइ विसिद्ध-गोठीए, भणिय च  
15 तीए ' महाभाग, तुम मोत्तूण न केणइ अणुरज्जिय मे अवर पुरि  
सेण माणस । ता सच्च मय

नयणेहि को न दीसइ केण समाण न होन्ति उह्वावा ।

हिययाणन्द ज पुण जणेइ त माणुस विरल ॥

- ता ममाणुरोहेण एत्थ घरे निचमेवागन्तव' । मूलदेवेण भणिय 'गुण  
20 राइणि, अन्न-देसीएसु निद्धणेसु अम्हारिसेसु न रहए पडिबन्धो, न  
य ठिरी हवइ । पाएण सव्वम्स वि कज्ज-वसेण चेव नेहो । भणिय च—  
वृक्ष क्षीणफलं त्यजन्ति विहगा शुष्कं सर सारसा ,  
पुष्प पर्युपित त्यजन्ति मधुपा दग्ध वनान्तं मृगा ।  
निर्द्रव्यं परुषं त्यजन्ति गणिता भ्रष्टं नृपं सेवका ,  
25 सर्वं कार्यवशाज्जनोऽभिरमते क रस्य को वट्ठभ ॥  
तीए भणिय 'स-देसो पर-देमो वा असारण सम्पुरिसाण' । भणिय च  
जलहि विसंघडिएण वि निवसिज्जइ हर-सिरंमि चन्देणं ।  
जत्थगया तत्थगया गुणिगो सीसेण वुब्भन्ति ॥

तहा—अत्यो वि असारो, न तमि वियक्खणाण बहुमाणो, अवि य गुणेषु चेवाणुराओ हवइ त्ति । किं च—

वाया सहस्स मइया सिणेह-निज्जाइयं सय सहस्सं ।  
सब्भावो सज्जण-माणसस्स कोटिं विसेसेइ ॥

5 ता सच्चहा पडिवज्जसु इम पत्थण ति ।' पडिवन्न तेण । जाओ तेसिं नेह निव्वरो सजोगो ।

अन्नया राय पुरओ पणाच्चिया देवदत्ता, वाइओ मूलदेवेण पडहो । तुट्ठो तीए राया । दिन्नो वरो । नासिक्खिओ तीए । सो य अईव जूय पसङ्गी, निवसण-मेत्त पि न रहए ।  
10 भाणिओ य साणुणय तीए पिय-वाणीए 'पिययम, कोमुइ मयङ्कस्सेव हरिण पडिविम्भ तुम्ह सयल-गुणालयाण कलङ्क चेव जूय-वसण । बहु-दोस निहाण च एय । तहा हि

कुल-कलङ्कणु सच्च पडिवत्तु  
गुरु-लज्जा सोय-क्ख  
15 धम्म विगु अत्थह पणासणु ।  
ज दाण भोगेहि रहिउ  
पत्त-दार पिइ-माइ-सोसणु ।  
जहिं न मुणिज्जद देउ गुरु  
जहिं न वि रज्जु अरज्जु ।  
20 तणु मतावणु कुगइ पहु  
पिय तहिं जूड म रज्जु ॥

ता सच्चहा परिचयसु इम ।' अरमेण यनसक्खण मूलदेवो परिहरिउ ।

अत्थि य देवत्ताण गाढाणुरत्तो मूलदेवो मित्तमेणो अयं नाया सत्यवाह पुत्तो । देद सो ज मम्मिय, मपादेइ वत्तामणाइय ।  
25 वहइ य सो मूलदेवोवरि पओस, ममाइ य निहाणि । नम्म माइय न गच्छइ मूलदेवो तीए घर अवसरमन्तरेण । भाणिआ य 'पुत्ति, परिचय मूलदेव ! न किं वि निज्जाइय' ॥

यणमेण्ण । सो महानुभावो दाया अयलो पेसेइ पुणो पुणो बहुयं  
 दव्व-जायं । ता तं चेव अङ्गी-करेसु सव्वप्पणयाए । न एक्कंमि  
 पडियारे दोन्नि करवालाइं भायन्ति, न य अलोणियं सिलं कोइ  
 चट्टेइ । ता मुञ्च जूयारियं इमं'ति । तीए भाणियं ' नाहं अम्ब,  
 5 एगन्तेण धणाणुरागिणी, गुणेषु चे । मे पडिवन्धो । ' जणणीए  
 भाणियं ' केरिसा तस्स जूयकारिस्स गुणा ? ' तीए भाणियं ' अम्ब,  
 केवल-गुणमओ खु सो; जओ—

धीरो उदार-चित्तो दाविखण्ण-महोयही कला निउणो ।

पिय-भासी य कयणू गुणाणुराई विसेसन्नू ॥

10 अओ न परिच्चयामि एयं । तओ साऽणेगेहिं दिट्ठन्तेहिं आदत्ता  
 पडिवोहिउं ' अलत्तए मगिर तारिसं पणामेइ, उच्छुखण्डे पत्थिए  
 छोइयं पणामेइ, कुसुमेहिं जाएहि वेण्ट-मेत्ताइं पणामेइ । चोइया य  
 पडिभणइ ' जारिसमेयं, तारिसो एसो ते पिययमो, तहा वि  
 तुमं न परिच्चयासि । ' देवदत्ताए चिन्तियं ' भूदा एसा, तेणेवंविहे दिट्ठन्ते  
 15 देइ । '

तओ अन्नया भाणिया जणणी ' अम्मो मग्गेहि अयलं उच्छुं ! '  
 कहिय च तीए तस्स । तेण वि सगडं भरेऊण पेसियं । तीए भाणियं  
 ' किमहं करिणिया, जेणेवंविहं स-पत्त-ढालं उच्छुं पभूयं पेसिज्जइ ।  
 तीए भाणियं ' पुत्ति, उदारो खु सो, तेण एवं पेसियं' ति । चिन्तियं  
 20 च णेण ' अन्नाणं पि सा दाहि ति । ' अवर-दियहे देवदत्ताए भाणिया  
 माहवी ' हला भणाहि मूलदेवं, जहा उच्छूण उवरि सद्धा देवद-  
 त्ताए; ता पेसेहि मे ' । तीए वि गन्तूण कहियं । तेण वि गहि-  
 याओ दोन्नि उच्छु-लट्ठीओ निच्छो-लिउण कयाओ दुयद्दुल-  
 पमाणाओ गण्डियाओ, नाउज्जाएण य अवचुण्णियाओ, कप्पु-  
 25 रेण य मणागं वासियाओ, मूलाहि य मणागं भित्ताओ;  
 गहियाइं अभिणव-मल्लगाइं, भरिउण ताइं दाक्खिउण य  
 पेसियाणि । दोइयाइं च गन्तूण महावीए, दंसियाणि तीए वि

- जणणीए । भणियाय ' पेच्छ अम्मो, पुरिसाण अन्तर ' ति ।  
 ता अह एएसिं गुणाणमणुरत्ता । जणणीए चिन्तिय 'अच्चन्त-  
 मोहिया एसा, न परिच्चयइ अत्तणा इम, ता करेमि किंपि उवाय,  
 जेण एसो वि कामुओ गच्छइ विएस, तओ सुत्थ हवइ'ति चिन्ति
- 5 ऊण भणिओ अयलो ' कहसु एईए पुरओ अलिय-गामन्तर-गमण,  
 पच्छा मूलदेवे पविट्ठे मणुस्स सामग्गीए आगच्छेज्जह, विमाणेज्जह यत,  
 जेण विमाणिओ सन्तो देस च्चाय करेइ । ता सनुत्ता चेट्ठेज्जह ! अह  
 ते वत्त दाहामि ।' पडिवन्न च तेण । अन्नमि दिणे कय तहेव तेण ।  
 निमाओ अलिय-गामन्तर-गमण मिसेण । पविट्ठो य मूलदेवो । जाणा
- 10 विओ जणणीए अयलो, आगओ महा सामग्गीए, दिट्ठो य पविस-  
 माणो देवदत्ताए । भणिओ य मूलदेवो ' ईइसो चेव अवसरो, पडि-  
 च्छिय च जणणीए एयपेसिय दब्ब, ता तुम पट्ठक्क-हेट्ठओ महत्तग  
 चेट्ठह ताव ।' ठिओ सो पट्ठक्क-हेट्ठओ, लक्खिओ अयलेण । निसण्णो  
 पट्ठक्के अयलो । भणिया य सा तेण 'ररेह ण्हाण-सामग्गि' ! देव
- 15 दत्ताए भणिय ' एव ' ति, ता उट्ठिह नियसह पोष्टिं जेण अब्भ  
 झिज्जह ।' अयलेण भणियं ' मए दिट्ठो अज्ज सुमिणओ, जहा  
 नियत्थिओ चेव अब्भझियगतो एत्थ पट्ठक्के आरुद्धो ण्हाओ त्ति ।  
 ता सच्च सुमिणय करेसु ' । देवदत्ताए भणिय ' णणु विणासिज्जइ  
 महग्गिय तूलिय गण्डुयमाइय ।' तेण भणिय ' अन्न ते विसिट्ठतर
- 20 दाहामि' । जणणीए भणिय ' एव ' ति । तओ तत्थाट्ठिओ चेव अब्भझिओ  
 उव्वाट्ठिओ उण्ह-ग्वलि-उड्ढगेहिं पमज्जिओ । भरिओ तेण हेट्ठ ट्ठिओ  
 मूलदेवो । गहियाउहा पविट्ठा पुरिसा । सन्निओ जणणीए अयलो ।  
 गहिओ तेण मूलदेवो वालेहिं, भणिओ य ' रे ! सपय निरुवेहि,  
 जइ कोइ अत्थि ते सरण ।' मूलदेवेण य निरुवियाइ पासाइ जाव,
- 25 दिट्ठ निसियासि-हत्थेहिं वेदियमत्ताणय मणूसेहिं । चिन्तिय च ' नाह  
 मेएसिं उच्चरामि, कायच्च च मए वइर निज्जायण, निराउहो सपय,  
 ता न पोरिसस्सावसरो ' त्ति चिन्तिय भणिय ' ज ते रोयइ, त  
 करेहि !' अयलेण चिन्तिय ' उत्ताम पुरिसो कोई एस आगईए चेव



नज्जइ, सुलभाणि य ससारे महापुरिसाण वसणाइ । भाणिय च—

को एत्थ सया सुहिओ कस्स व लच्छी थिराइ पिम्माइ ।

कस्स व न होइ खलियं, भण को व न खण्डिओ विहिणा ॥

भाणिओ मूलदेवो ' भो एवविहावत्थ गओ मुक्को सपय तुम मम पि

5 विहि-वसेण क्यावि वसणपत्तस्स एव चेव करेज्जह । '

तओ विमणो-दुम्भणओ निमओ नयरओ मूलदेवो । ' पेच्छ  
कह एएण छलिओ ' ति चिन्तयन्तो ण्हाओ सरोवरे, क्या  
पडिवात्ति । चिन्तिय ' गच्छामो विएस, तत्थ गन्तूण करेमि किंपि  
इमस्स पडिविप्पिउवाय ' पड्डिओ बेण्णायड समुह । गाम नगराइ

10 मज्जेण वच्चन्तो पत्तो दुवालस जोयण पमाणए अडवीए मुह ।

चिन्तिय च तत्थ ' जइ कोइ वच्चन्तो वाया मेत्त सहेज्जो वि  
दुइओ लब्भइ, तो सुह चेव छिज्जइ अडवी । ' जाव येव-वेलाए  
आगओ विसिद्धाकार-दसणीओ सम्बल-थइया सणाहो दक्क-बम्भणो  
पुच्छिओ य ' भो भट्ट ! किं दूर गन्तव्व ' तेण भाणिय ' अत्थि अडवीए

15 परओ वीरनिहाण नाम ठाम, त गमिस्सामि । तुम पुण कत्थ

पत्थिओ ' ' इयरेण भाणिय ' बेण्णायड । ' भट्टेण भाणिय ' ता एहि  
गच्छम्ह । ' तओ पयट्ठा दो वि । मज्झण्ह समए य वच्चन्तेहिं  
दिट्ठ सरोवर । दक्केण भाणिय ' भो वीसमामो खणमेग ' ति ।  
गया उदग समीव, घोया हत्थ पाया । गओ मूलदेवो पालि-सठिय

20 रुक्ख-छाय । दक्केण छोडिया सम्बल थइया, गहिया वट्ठयमि सत्तुया ।

ते जलेण उल्लेत्ता लग्गो भक्खिउ । मूलदेवेण चिन्तिय ' एरिसा  
चेव बम्भण जाई भुक्ता पहाणा हवइ, ता पच्छा मे दाही । ' भट्टो  
वि भुज्जित्ता, वन्धिउण थइय पयट्टो । मूलदेवो वि, ' नूण अवरण्हे  
दाही ' चिन्तेन्तो अणुपयट्टो । तत्थ वि तहेव भुत्त, न टिन्न तम्स ।

25 ' कट्ठ दाहि ' ति आसाए गच्छइ एसो । वच्चन्ताण य आगया

रयणी । तओ वट्ठाओ ओसरिउण वड पायव-हेट्ठओ पमुत्ता । पच्चूसे  
पूणो वि पत्थिया, मज्झण्हे तहेव थक्का, तहेव भुत्त दक्केण, न टिन्न  
एयस्स । जाव तइय दियहे चिन्तिय मूलदेवेण नित्थिणा पाया अडवी ।

ता अज्ज अवस्स मम दाही एस । जाव तत्थ वि न दित्ति । नित्थिणा  
य तेहिं अडवी । जायाओ दोण्ह वि अत्तद-वट्ठाओ । तओ  
भट्टेण भाणिय ' भो । तुज्ज एसा वट्ठा, मम पुण एसा, ता वच्च  
तुम एयाए । ' मूलदेवेण भाणिय ' भो भट्ट, आगओ अह तुज्ज  
5 पहावेण, ता मज्ज मूलदेवो नाम, जइ कयाद् किंपि पओयण मे  
सिज्जइ, तो आगच्छेज्ज बेण्णायडे । किंच तुज्ज नाम ?' दक्खेण  
भाणिय ' सद्धडो, जण-कया वड्डेण निग्गिणसम्मो नाम । ' तओ  
पत्थिओ भट्टो स-गाम, मूलदेवो वि बेण्णायड-सम्मूह ति ।

अन्तराले य दिट्ठ वमिम, तत्थ पविट्ठो भिक्खा निमित्त, हिण्डिय  
10 असेस गाम । लद्धा कुम्मासा, न किं पि अन्न । गओ जलासया  
भिमुह । एत्थन्तराम्मि य तव सुसिय-देहो महाणुभावो महातवम्सी  
मासोववास पारणय निमित्त दिट्ठो पविसमाणो । त च पेच्छिय हरिस  
वसुविभन्न पुल्लण चिन्तिय मूलदेवेण 'अहो ! घटो कयत्थो अह, जम्स  
इममि काले एस महातवम्मी दसण पहमागओ ! ता अवस्स भवियव्व  
15 मम कट्ठाणण । अवि य—

मरुत्थलीए जह कप्प रुक्खो दरिद-गेहे जह हेम घुट्ठी ।  
मायङ्ग-गेहे जह हात्थि राया मुणी महप्पा तह एत्थ एसो ॥

किं च—

दसण-नाण विसुद्ध पञ्च महव्वय समाहियं धीरं ।  
20 खन्ती-मद्व अज्जव जुत्त मुत्ती पहाण च ॥ १ ॥  
सज्झाय-ज्झाण-तवोवहाण निरयं विसुद्ध-लेसागं ।  
पञ्च समिय ति गुत्त अकिंचणं चत्त गिहि सङ्गं ॥ २ ॥

सु पत्त एस साहू, ता—

एरिस पत्त सुखेत्ते विसुद्ध-लेसा जल्लेण सत्ति ।  
25 निहिय तु दव्व सस्स इह पर लोए अणन्त फल ॥  
ता एत्थ कालोचिया देमि एयम्स एए कुम्मासे । जओ अणायगो  
एस गामो, एसो य महप्पा कइवय घरेसु दहिसाव दाउण पणिनि  
यत्तइ, अह पुण दो तिणि वारे हिण्डामि, तो पुणो लभिम्म,

आसन्नो अवरो विईओ गामो; ता पयच्छामि सत्वे इमे ' ति ।  
पणमिऊण तओ समप्पिया भगवओ; कुमास्सा । साहुणा वि तस्स  
परिणाम-पयरिसं मुणन्तेण दत्वाइ-सुद्धिं च वियाणिऊण ' धम्म-  
सील, थोवे देज्जह ति' भाणिऊण धरियं पत्तयं । दिन्ना य तेण पव-

5. डुमाणाइसएण । भाणियं च तेण—

धन्नाणं खु नराणं कुम्मासा हुन्ति साहु-पारणए ।

एत्यन्तरम्मि गयणन्तर-गयाए रिसि-भत्ताए मूलदेव-भात्ति-रज्जियाए  
भाणियं देवयाए ' पुत्त मूलदेव, सुन्दरमणुचिट्ठियं तुमे ! ता एयाए  
गाहाए पच्छद्धेण मग्गह जं रोयए, जेण संपाडेमि सत्वं ।' मूलदे-  
10 वेण भाणियं—

गाणियं च देवदत्तं दन्ति-सहस्सं च रज्जं च ।

देवयाए भाणियं ' पुत्त, निच्चिन्तो विहरसु । अवस्सं रिसि-चल-  
णाणुभावेण अइरेण चेव संपाजिस्सइ एयं ।' मूलदेवेण भाणियं 'मय-  
वइ, एवमेयं' ति । तओ वन्दिय रिसिं पडिनि यत्तो, रिसि वि  
15 गओ उज्जाणं । लद्धा अवरा भिक्खा मूलदेवेण । जेमिओ पत्थिओ  
य बेण्णायड-सम्मुहं । पत्तो य कमेण तत्थ ।

पसुत्तो रयणीए बाहिं पहिय-सालाए । दिट्ठो य चरिम-नामे  
सुमिणओ 'पडिपुण्ण-मण्डलो निम्मल-प्पमो मयद्धो उयरं मे पविट्ठो ।'  
अत्तेण वि कप्पडिण्ण एसो चेव दिट्ठो, कहिओ तेण कप्पडियाणं ।  
20 तत्थेगेण भाणियं ' लभिहिसि तुमं अज्ज घय-गुल-संपुण्णं महत्तरं  
रोट्ठगं ' । ' न याणन्ति एए सुमिणस्स परमत्थं' ति न कहियं  
मूलदेवेण । लद्धो कप्पडिण्ण भिक्खा-गएण घर-चायणियाए जहो-  
वइट्ठो रोट्ठगो । तुट्ठो य एसो निवेइओ य कप्पडियाणं । मूलदेवो  
वि गओ एगमारामं । आवज्जिओ तत्थ कुमुमोच्चय-साहिज्जेण माला-  
25 गारो । दिन्नाइं तेण पुप्फ-फलाइं ! ताइं घेतुं मुइ-भूओ गओ सुविण-  
सत्थ-पादयस्स मेहं, कओ तस्स पणामो । पुच्छिया सेमारोग-यत्ता ।  
तेण वि संमासिओ स-बहुमाणं पुच्छिओ य पओयणं । मूलदे-

येण य जोडिउण कर-जुयलं कहिओ सुविण-गुवडयरो । उवज्जाएण  
वि भाणियं स हरिसेण ' कहिम्सामि मुह-मुहुत्ते सुविणय-फलं; अज्ज  
ताव अतिही होसु अम्हाणं । ' पटिवत्तं च मूलदेवेण । ष्ठाओ  
निमिओ य विभूईए । भुत्तुत्तरे य भाणिओ उवज्जाएण ' पुत्त,  
5 पत्ता पवरा मे एमा कज्जगा, ता परिणेषु ममोवरोहेण एयं तुमं'  
ति । मूलदेवेण भाणियं ' ताव, वहं अन्नाय-कुल-सीलं जामाउयं  
करेसि । ! ' उवज्जाएण भाणियं ' पुत्त, आयारेण चैव नज्जइ अरुहिय  
पि कुलं ' भाणियं च—

आचारः कुलमाख्याति देशमाख्याति जल्पितम् ।  
10 संभ्रमस्स्नेहमाख्याति वपुराख्याति भोजनम् ॥

तद्वा—

को कुवल्याण गन्धं करेड महुरत्तणं च उन्द्धूणं ।  
वर-हत्थीण य लीलं विणयं च कुल-प्पसूयाणं ॥

अह वा—

15 जइ द्वाण्ति गुणा तो किं कुलेण गुणिणो कुलेण नहु कज्जं ।  
कुलमकुलं गुण-वज्जियाण गुरुयं चिय कलंकं ॥  
एवमाद-भणिईहि पटिवज्जाविओ, मुह-मुहुत्तेण परिणाविओ । कहि-  
यं सुविणय-फलं ' सत्त-दिणवमन्तरेण राया होहिसि ' । तं च  
सोउण नाओ हिट्ठ-मणो । अच्छइ य तत्थ मुहेणं । पद्यमे य  
20 दिवसे गओ नयर-बाहिं, निमण्णो य चप्पग-छायाए ।

इओ य तीए नयरीए अपुत्तो राया कालगओ । तत्थ  
अहियासियाणि पद्य-दिग्गणि । ताणि आहिण्डिय नयरि-मज्जे  
निगयाणि बाहिं, पत्ताणि मूदेव-मयासं । दिट्ठो सो अन-  
रियत्तमाण-छायाए हेट्ठओ । तं पेच्छिय गुग्गुलियं हत्थिगा, हेसियं  
25 सुरद्धेण, अहिमित्तो भिक्खारेण, वीइओ चमरेहिं, टियमुगरि पुण्डरीयं ।  
तओ कओ छोएहिं, नय-नयारवो । चटाविओ गएण रान्धे,  
पद्मारिओ य नयरि, अहिमित्तो मन्नि-मान्नेहिं । भाणियं च  
मयग-नज गयाए देवयाए ' भो भो ! एम महानुभावो अमेम-

कला पारगओ देवयाहिठिय सरीरो विक्रमराओ नाम राया, ता  
 एयस्स सासणे जो न वट्टइ, तस्स नाह स्वमामि' त्ति । तओ सब्बो  
 सामन्त-मन्ति पुरोहियाइओ परियणो आणा विहेओ जाओ । तओ  
 य उदार विसय सुहमणुहवन्तो चिट्ठइ । आढत्तो उज्जेणि  
 5 सामिणा वियारधवलेण सववहारो जाव, जाया परोप्पर निरन्तरा  
 पीई ।

इओ य देवदत्ता तारिस विडम्बण मूलदेवस्स पेच्छिय विरत्ता  
 अईव अयलोवरिं । तओ य निव्वच्चिओ अयलो ' भो अह वेसा,  
 न उण अह तुज्झ कुल धरिणी ! तहा वि मज्झ गेहत्थो एव विह  
 10 ववहरसि । ता ममत्थाए पुणो न खिज्जियव्व'ति भाणिय गया राइणो  
 सयास । भाणिओ य निवडिय चलणेसु राया ' तेण वरेण कीरउ  
 पसाओ । ' राइणा भाणिय ' भण, कओ चेव तुज्झ पसाओ,  
 किमवर भणीयइ ? ' देवदत्ताए भाणिय ' ता सामि, मूलदेव वज्जिय  
 न अन्नो पुरिसो मम आणवेयव्वो, एसो अयलो मम  
 15 धरागमणे निवारेयव्वो । ' राइणा भाणिय ' एव, जहा तुज्झ  
 रोयए, पर कहेह, को पुण एस वुत्तन्तो ? ' तओ कहिओ माहवीए ।  
 रुद्धो राया अयलोवरिं । भाणिय च ' भो मम ईए नयरीए एयाइ  
 दोन्नि रयणाइ, ताइ पि खली-करेह एसो ' । तओ  
 हकारिय अम्भाडिओ भाणिओ य ' रे तुम एत्थ राया, जेण एव  
 20 विह ववहरसि ? ता निरूगेहि सपयसरण, करेमि तुह पाण विणास' ।  
 देवदत्ताए भाणिय ' सामि, किमेइणा सुणह पाएण पडिखद्धेण  
 ति ? ता मुच्चह एय ! ' राइणा भाणिओ, ' रे ईए महाणुभावाए  
 वयणेण छुट्ठो सपय, सुद्धी उण तेणेवेह आणिएण भविस्सइ । ' तओ  
 चलणेसु निवडिउण निग्गओ राय-उलाओ । आढत्तो गवेसिउ  
 25 दिसो दिसिं, तहा वि न लद्धो । तओ तीए चेव उणिमाए भरि-  
 उण मण्डस्स बहणाइ पत्थिओ पारस-उल ।

इओ य मूलदेवणेण पेसिओ लेहो कासेहियाइ च देवदत्ताए तस्स  
 य राइणो । भाणिओ य राया ' मम ईए देवदत्ताए उवरि महन्तो

- पढिबन्वो, ता जइ एइए अभिरुचिय, तुम्ह वा रोयए, तो कुणह  
पसाय, पेसेह एय । ' तओ राइणा भागिया राय दोवारिगा ' भो  
किमेय एवविह लिहाविय विक्रमराएण ? किं अम्हाण तम्स य  
अतिय कोइ विसेसो ? रज्ज पि सञ्च तम्सेय किं पुण देवदत्ता ! पर  
5 इच्छउ सा ! ' तओ हकारिया देवदत्ता । कहिओ वुत्तन्तो । ' ता  
जइ तुम्ह रोयए, ताहे गम्मउ तस्स सगाम । ' तीए भाणिय  
' महापमाओ तुम्हाणुन्नायाण मणोरहाए अम्ह । ' तओ महा  
विभावेणं पूइऊण पेसिया गया य । तेण वि महाविभूईए चेव  
पवेसिया । जाय च परोप्परमेग रज्ज । अच्छए मूल देवो तीए सह  
10 विसय सुहमणुभवन्तो जिण भवण विम्बवरण पूयण-तप्परो त्ति ।

- इओ यसोअयलो पारस-उले विदविय बहुयदन्व पवर च भण्ड  
भरेण आगओ वेणायड, आवासिओ य बाहिं । पुच्छिओ  
लोगो ' किं नामाभिहाणो एत्थ राया ? ' कहिय च ' विक्रमराओ '  
त्ति । तओ हिरण्ण-मुवण्ण-मोत्तियाण था० भरेण गओ राइणो  
15 पेक्खगो । दवाविय राइणा आसण । निसण्णो पच्चभिन्नाओ य,  
अयलेण य न नाओ एसो ? । रन्ना पुच्छिय ' कुओ सेट्ठी आगओ ? '  
तेण भाणिय ' पारसउलाओ ' । रन्ना पूइएण अयलेण भाणिय ' सामि,  
पेसेह कोवि उवरिमो जो भण्ट निरुवेइ । ' तओ राइणा भाणिय—  
' अह सयमेवागच्छामि ' । तओ पद्यउल महिओ गओ राया,  
20 दसिय वहणेसु सङ्ग पोक्कल-चन्द्रणागुरु-मज्झिहाइय भण्ड । पुच्छिय  
पद्यउल-समक्ख राइणा ' भो सेट्ठि, एत्तिय चेवइम ' तेण भाणिय  
' देव, एत्तिय चेव । ' राइणा भाणिय ' करेह सेट्ठिम्म अद्ध-दाण  
पर मम समक्ख तोलेह चोहए ' । तोलियाइ पद्यउलेण । भारेण  
पाय प्पहारेण य घस-वेहेण य लक्खिय मज्झिमाइ-मन्त्र-नाय  
25 सार भण्ड राइणा, उवेह्ठावियाइ चोहयाइ, निरुवियाइ समन्तओ  
जाय दिठ्ठ कत्थइ सुवण्ण, कत्थइ रुपपय, कत्थइ मणि-मोत्तिय पवा  
लाइ-महय भण्ड । त च दहण रठेण निय पुरिसाण दित्तो आणमो

- ‘अरे बन्धह पच्चक्ख-चोरं इमं’ ति । बद्धो य थगथगिन्त-हियओ तेहिं दाऊण रक्खवाल-जणेसु गओ राया भवणं । सो वि आणियो आर-क्खिणेण राय-समीवं । गाढ-बद्धं च दट्ठण भाणियं राइणा ‘रे छोडेह छोडेह । ’ छोडिओ अत्तेहिं । पुच्छिओ राइणा ‘परियाणासि ममं?’
- ५ तेण भाणियं ‘ सयल-पुहवि विक्खाए महानरिन्दे को न याणइ ?’ राइणा भाणियं ‘ अलं उवयार-भासणेहिं, फुडं साहसु, जइ जाणसि’ अयलेण भाणियं ‘ देव न याणामि सम्मं । ’ तओ राइणा वाहरा-विया देवदत्ता, आगया वरच्छर ज्व सव्वङ्ग-भूसण-धरा; विन्नाया अयलेण । लज्जिओ मणमि बाढं । भाणियं च तीए ‘ भो, एस्स सो
- १० मूलदेवो, जो तुमे भाणियो तमि काले ममावि कयाइ विहि-जोगेण वत्तणं पत्तस्स उवयारं करेज्जह । ता एस्स सो अवसरो । मुक्को य तुमं अत्थ-सरीर-संसयमावत्तो वि पणय-दीण-जण-वच्छलेण राइणा संपयं । ’ इमं च सोऊण विलक्ख-माणसो ‘ महा-पसाओ ’ ति भाणिऊण निवडिओ राइणो देवदत्ताए य चलणेसु । भाणियं च ‘कयं
- १५ मए जं तया सयल-जण-निव्वुइ-करस्स नीसेस-कला-सोहियस्स देवस्स निम्मल-सहावस्स पुण्णिमा-चन्दस्सेव राहुणा कयत्थणं, ता तं खमउ मम सामी ! तुम्ह कयत्थणामरिसेण महाराओ वि न देइ मे उज्जेणीए पवेसं । ’ मूलदेवेण भाणियं ‘ स्वमियं चेव मए, जस्स तुह देवी-कओ पसाओ । ’ तओ सो पुणो वि निवडिओ
- २० दोण्ह वि चलणेसु, परमायरेण ण्हाविओ य देवदत्ताए, पविराहिओ महग्ग वत्थे, राइणा मुक्कं दाणं । पेसिओ उज्जेणिं । मूलदेव-राइणो अवमत्थणाए स्वमियं वियारधवलेण । निग्घिण-सम्मो वि रज्जे निविट्ठं सोऊण मूलदेवं आगओ वेण्णायडं, दिट्ठो राया । दिट्ठो से चेव अदिट्ठ-सेवाए गामो तस्स रन्ना । पणमिऊण ‘ महा-
- २५ पसाओ ’ ति भाणिऊण य सो गओ गामं ।

इओ य तेण कप्पडिएण सुयं जहा मूलदेवेण वि एरिसो सुमिणी  
 दिट्ठो जारिसो मए । परं सो आएस-फलेण राया जाओ । सो  
 चिन्तेइ 'वच्चांमि जत्थ गोरसो, तं पिबित्ता सुवामि । जाव तं सुमिणं  
 पुणो वि पेच्छामि । अवि सो पेच्छज्ज, न स माणुसाओ विभासा ।





# मण्डिय



- बेण्णायडे णयरे मण्डिओ नाम तुण्णाओ पर-दब्ब-हरण-पसत्तो  
आसी । सो य ' दुट्ठ-गण्डो मि'त्ति जणे पगासेन्तो जाणु-देसेण  
निच्चमेव अद्दावलेव-लित्तेण बद्ध-वण-पट्टो राय-मग्गे तुण्णाग-सिप्पमुव-  
जीवति । चक्कमन्तो वि य दंड-धरिणं पाएणं किलिम्मन्तो  
5 कंहं चि चक्कमति । रत्तिं च खत्तं खणिऊण दब्ब-जायं  
घेत्तूण, नगर-साणिहिण्ण उज्जाणेग-देसे भूमि-घरं, तत्थ निक्खि-  
वति । तत्थ य से भगिणी कण्णगा चिट्ठति । तस्स भूमि-  
घरस्स मज्झे कूवो । जं च सो चोरो दब्बेण पलोभेउं सहायं  
दब्ब-बोद्धारं आणेति; तं सा से भगिणी अगड-समीवे पुब्ब-गत्थासणे  
10 निवेसिउं पाय-सोय-लक्खेण पाए गेण्हिऊण तंमि कूवए पक्खिवड् ।  
तओ सो विवज्जति । एवं कालो वच्चति णयरं मुसन्तस्स ।  
चोर-ग्गाहा तं न सक्केन्ति गेण्हिउं, तओ नयरे बहु-रवो जाओ । तत्थ य  
मूल देवो राया [पुब्ब-भणिय-विहाणेण जाओ । कहिओ य तस्स पउरेहिं  
तक्कर-वड्ढ्यरो, जहा 'एत्थ नयरे पभूय-कालो मुसन्तस्स वट्ठइ  
15 कस्सइ तक्करस्स, न य तीरइ केणइ गेण्हिउं । ता करेउ किं पि  
उवायं ] ताहे सो अन्नं णगरारक्खियं ठवेति । सो वि ण  
सक्कति चोरं गेण्हिउं । ताहे मूलदेवो सयं नील-पडं पाउणिऊण  
रत्तिं णिम्मतो । मूलदेवो अणज्जन्तो एगाए सभाए णिसण्णो  
अच्छति जाव, सो मण्डिय-चोरो आगन्तुं भणति ' को एत्थ  
20 अच्छति ? ' मूलदेवेण भणियं ' अहं कप्पडिओ । ' तेण भणति  
' ए हि मणुन्नं करेमि । ' मूलदेवो उट्ठिओ । एगंमि ईसर-घरे खत्तं  
खयं । सुबहुं दब्ब-जायं णीणेऊण मूलदेवस्स उव्वरिं चडावियं ।  
पयट्ठा णयर-वाहिरियं । मूलदेवो पुरओ, चोरो असिणा कहिदएण  
पिट्ठओ एति । संपत्ता भूमि-घरं । चोरो तं दब्बं णिहणिउ-  
25 मारद्धो । भणिया य णेण भगिणी ' एयस्स पाहुणयस्स पाय सोयं

- देहि' ताए कूव-तढ-सन्नविट्ठे आसणे निवेसिओ ताएपाय-सोय-लवखेण  
पाओ गहिओ ' कूवे छुहामि' ति जाव अतीव सुकुमारा पाया,  
ताए णायं जहा ' एस कोइ अणुभूय-पुब्ब-रज्जो विहलियद्दो ।  
तीए अणुकम्पा नाया । तओ ताए पाय-तले सण्णिओ ' णस्स ति,  
5 मा मारिज्जिहिसि ' ति । पच्छा सो पलाओ । ताए वोळो कओ  
' णट्ठो णट्ठो' ति । सोय असिं कड्ढिउण ममो ओलमो । मूलदेवो  
रायपेहे अतिसन्निकिद्धं नाउण चच्चर-सिवन्तरिओ ठिओ । चोरो  
तं सिव-लिद्धं ' एस पुरिसो ' ति काउं कद्धमएण असिणा  
दुहा-काउं पडिनियत्तो, गओ भूमि-धरं । तत्थ वसिऊण पहायाए  
10 रयणीए तओ निमान्तूण गओ बाहिं । अन्तरावणे तुण्णागतं  
करेति । राइणा पुरिसेहिं सदाविओ । तेण चिन्तियं जहा ' सो  
पुरिसो णूणं ण मारिओ, अवस्सं च एस राया भविस्सइ ' ति ।  
तेहिं पुरिसेहिं आणिओ । राइणा अब्भुट्ठाणेण पड्ढो, आसणे  
णिवेसाविओ, सुवहुं च पियं आभासिओ, संलत्तो ' मम भगिणि  
15 देहि' ति । तेण दिण्णा, विवाहिया राइणा । भोगाय से संपदत्ता ।  
कइसु वि दिणेसु गएसु राइणा मण्डिओ भणिओ ' दब्बेण कज्जं ' ति ।  
तेण सुवहुं दब्ब-जायं दिन्नं । राइणा संपूजितो । अन्नया पुणो  
मग्गिओ; पुणो वि दिण्णं । तस्स य चोरस्स अतीव सक्कार-संमाणं  
पउञ्जति । एएण पगारेण सव्वं दव्वं दवाविओ । भगिणि से पुच्छति,  
20 तीए भन्नति ' एत्तियं चेव वित्तं ' । तओ पुत्रावेइय-लेखा-  
णुसारेण सव्वं दव्वं दवावेउण मण्डिओ सूलाए आरोविओ ।

## अगडदंत



अति मए सु-पसिद्धं संहउरं पुर-वरं गुण-समिद्धं ।  
 तस्मिं य राया जण-जणिय-तोसओ सुन्दरो नामे ॥ १ ॥  
 तस्सं कुल-रुव-सरिसी समंग-जण-जणिय-लोयणोण्णन्दां ।  
 अन्तेउरस्सं पढमां सुलसां नामेण वर-भञ्जा ॥ २ ॥  
 तीए कुच्छि-पसूओ पुत्तो नामेण अगडदंतो त्ति ।  
 अणुदियहं सो पवरं वडुन्तो जोव्वणं पत्तो ॥ ३ ॥

सो य केरिसो—

धम्मत्थं-दयां-रहिओ गुरु-वयणं-विक्खिओ अलियं-वाई ।  
 परं-रंमणि-रमणं-कामो निस्सङ्गे माण-सोण्डारो ॥ ४ ॥  
 मज्जं पिण्डं जूयं रमेइ पिसियं महं च मक्खेइ ।  
 नड-वेडय-वेसा-विन्द-परिगओ भमइ पुर-मज्जे ॥ ५ ॥  
 अलंमि दिणे रत्तो पुरवरं-लोएणं वड्यरो सिद्धो ।  
 जहे कुमरेण नराहिव नयरे असमञ्जसं विहियं ॥ ६ ॥  
 सुण्णिऊणं पउर-वयणं राया गुरु कोव-जाय-रत्तच्छो ।  
 फुड-भिउडि-भासुर-सिरो एयं भाण्डं समादत्तो ॥ ७ ॥  
 रे रे भण्ह कुमारं सिग्गं चियं वज्जिऊणं मह विसयं ।  
 अज्जत्थं कुण्णसु गेमणं मा भणंसु ये जं न कहिये त्ति ॥ ८ ॥  
 नाऊण वड्यरं सो कुमरो चडऊण निय-पुरं रम्मं ।  
 खग-सहाओ चालिओ गुरु-माण-पवड्डियामरिसो ॥ ९ ॥  
 छड्डित्ता गिरि-सरि-काणणाइ-पुर-गोठ-गाम-वन्दाइ ।  
 निय-नयराओ दूरे पत्तो वाणारसिं नयरि ॥ १० ॥  
 तिय-चचरमाईसु असहाओ भमइ नयर-मज्झमि ।  
 चित्ते अमरिस-जुत्तो करि व जूहाओ परिभट्ठो ॥ ११ ॥

हिण्डन्तेण च तथा पुरीए मग्गेसु राय तणएण ।  
बहु-तरुण नर समेओ एक्को निल जाणओ दिट्ठो ॥ १२ ॥  
सो य केरिसो—

सत्यत्य कला-कुसलो विउसो भावन्नुओ सुगम्मारो ।  
निरओ परोवयारे रिवालुओ रूव गुण कलिओ ॥ १३ ॥  
नामेण पवणचण्डो वार्डण न उण सीसाण ।  
सन्दण हय गय सिक्ख साहिनो निव-सुयाण तहिं ॥ १४ ॥  
तस्स समीवमि गओ चरण-जुय पणमिउ समासीणो ।  
कत्तो सि तुम सुन्दर, अह भणिओ पवणचण्डेण ॥ १५ ॥  
एगन्ते गन्तूण सङ्खउराओ जहा विणिक्खन्तो ।  
कहिओ तह वुत्तन्तो कुमरेण पवणचण्डस्स ॥ १६ ॥  
चण्डेण तओ भणिओ अच्छसु एत्थ कलाओ सिक्खन्तो ।  
परमत्तणो य गुज्ज कम्स वि मा सुयण पयडेसु ॥ १७ ॥  
उट्ठेउ उज्जाओ पत्तो गेहमि राय सुय साहिओ ।  
साहेइ माहिलियाए एसो मह भाउय-सुओ त्ति ॥ १८ ॥  
ण्हविउण कुमर वर दाउण पवर-वत्थमाभरण ।  
तो भोयणावसाणे भणियमिण पवणचण्डेण ॥ १९ ॥  
भवण धण परिवारो सन्दण तुरयाइ सन्तिय मज्झ ।  
सब्ब तुड्जायत्त बिलससु हियइच्छिय कुमर ॥ २० ॥  
एव सो किर सतुड्ढ-माणसो मुक्क-कूर ववसाओ ।  
चिट्ठइ तस्सेव घरे सब्बाओ कलाओ सिक्खन्तो ॥ २१ ॥  
गुरुयण-गुरु-विणय पवन्न-माणसो सयल जण मणाणन्दो ।  
बावत्तरिं कलाओ गेण्हइ थेवेण कालेण ॥ २२ ॥  
एव सो कुमर वरो नाय कलो परिसम कुणेमाणो ।  
भवणुज्जाणे चिट्ठइ अणुदियह तप्परो धाणिय ॥ २३ ॥  
उज्जाणस्स समीवे पहाण सेट्ठिस्स सन्तिय भवण ।  
वायायण-रमणीय उच्चुहमई व वित्थिण्ण ॥ २४ ॥

तत्पत्ति सेट्ठि धूया मणोहरा मयणमञ्जरी नाम ।  
 सा घर सिरमारुद्धा अणुदियह पेच्छए कुमर ॥ २५ ॥  
 अह तम्मि साणुराया अणवरय पलोयण कुणेमाणी ।  
 विक्खिवइ कुसुम फल पत्त-लेट्ठए किपि चिन्तन्ती ॥ २६ ॥  
 हिययत्थ पि हु बाल कुमरो न निरिक्खए कला रासिओ ।  
 आसङ्काए गुरूण विज्जाए गहण-लोभेण ॥ २७ ॥  
 अन्न दिनमि तीए वम्मह सर पसर विहुरिय-मणाए ।  
 गहणे कलाण सत्तो पहओ उ असोग गुच्छेण ॥ २८ ॥  
 कुमरेण तम्मि दियहे सा बाला पलोइया य स विसेस ।  
 कक्केलि-पल्लवन्तरिय तणु-लया सभमुब्भन्ता ॥ २९ ॥

चिन्तिय च—

किं एसा अमर विलासिणी उअ ह होज्ज नाग कन्न व्व ।  
 कमल व्व किं नु एसा सरस्सई किं व पच्चक्खा ॥ ३० ॥  
 अहवा पुच्छामि इम कज्जेण केण चिट्ठई एत्थ ।  
 इय चिन्तिऊण हियए कुमरो पयड इम भणइ ॥ ३१ ॥  
 का सि तुम वर-बाले ईसिं पयडोसि कीस अप्पाण ।  
 विज्जा-गहणासत्त कीस मम सुयणु खोभेसि ॥ ३२ ॥  
 सुणिउ कुमार वयण वियसिय दिट्ठीए विहासिय-मुहीए ।  
 पयडन्त-दन्त-किरणावलीए तीए इम भणिय ॥ ३३ ॥  
 नयर-पहाणस्स अह धूया सेट्ठिस्स बन्धुदत्तस्स ।  
 नामेण मयणमञ्जरी इह चेव विवाहिया नयरे ॥ ३४ ॥  
 जद्विवासाओ दिट्ठो सुन्दर त कुसुमचाव सारिच्छो ।  
 तदियहाओ मज्झ अमुह तरू वडिदओ हियए ॥ ३५ ॥

जेण—

निदा वि हु नद्धा लोक्काण्ण देहामि कदिदओ जहो ।  
 असण पि नो य रच्चइ गुर वियणा उत्तमङ्गमि ॥ ३६ ॥

ताव चिय होइ सुह जाव न कीरइ पिओ जणो कोवि ।  
 पिय सङ्गो जेण कओ दुक्खाण समप्पिओ अप्पा ॥३७॥  
 पेरिज्जन्तो उ पुरा-कएहि कम्मोहि केहिवि वराओ ।  
 सुहमिच्छन्तो दुल्लह जणाणुराए जणो पडइ ॥३८॥  
 ता जइ मए समाण सङ्ग न य कुणसि तरणि-मण-हरण ।  
 होह तुह निय-वज्झा फुड जओ नत्थि मे जयि ॥३९॥  
 सो निसुणिऊण वयण तीए बालाए चिन्तए हियए ।  
 मरइ फुड चिय एसा मयण महा जलण-दड्ढङ्गी ॥४०॥  
 निसुणिज्जइ पयडमिण भारह-रामायणेषु सत्थेषु ।  
 जह ठस कामावत्था होन्ति फुड कामुय जणाण ॥४१॥  
 पदमा जणेइ चिन्त बीयाए महइ सगम सुह ति ।  
 ठीहुण्हा नीसासा हवन्ति तइयाए वत्थाए ॥४२॥  
 जरय जणइ चउत्थी पञ्चम वत्थाए टज्जइ अङ्ग ।  
 न य भोयण च रुच्चइ छट्ठावत्थाए कामिस्स ॥४३॥  
 सत्तमियाए मुच्छा अट्ठम-वत्थाए होइ उम्माओ ।  
 पाणाण य सदेहो नवमावत्थाए पत्तस्स ॥४४॥  
 ठसमावत्थाए गओ कामी जीवेण मुच्चए नूण ।  
 ता एसा मह विरहे पाणाण वि ससय काही ॥४५॥  
 परिभाविऊण हियए राय-कुमारेण भाव कुसलेण ।  
 मणिया सिणेह सार सा बाला महुर-वयणेण ॥४६॥  
 सुन्दरि, सुन्दर रत्तो सुन्दर चरियस्स विउल कित्तिस्स ।  
 नामेण अगडदत्त पढम सुय म वियाणेहि ॥४७॥  
 कल यायरिय समीव कल-गहणत्थ समागओ एत्थ ।  
 पविसिस्स जमि दिणे तए वि घेतु गमिस्सामि ॥४८॥  
 कहक्कवि सा मयच्छी वम्मह सर पसर सल्लिय सरीरा ।  
 एमाइ बहु पयार भणिऊण क्या समासत्था ॥४९॥  
 सो राय सुओ तत्तो तीए गुण रूव रञ्जिय-मणो हु ।  
 निय निलए सपत्तो चिन्तन्तो सगमोवाय ॥५०॥

अन्नमि दिणे सो राय नन्दणो वाहियाए मग्गेण ।  
तुरयारूढो वच्चइ ता नयरे कल्यलो जाओ ॥५१॥

अवि य—

किं चलिउ व्व समुद्धो किं वा जलिओ हुयासणो घोरो ।  
किं पत्त रिउ सेन्न तडि दण्डो निवडिओ किं वा ॥५२॥  
एत्थन्तरमि सहसा दिट्ठो कुमरेण विम्हियमणेण ।  
मय वारणो उ मत्तो निवाडियालाण वर खम्भो ॥५३॥  
मिण्ठेण वि परिचत्तो मारेन्तो सोण्ड-गोयर पत्ते ।  
सवडमुह चलन्तो कालो-व्व अकारणे कुद्धो ॥५४॥  
तुट्ठ पय-बन्ध रज्जू सच्चुणिय भवण हट्ठ देवउलो ।  
खण मेत्तेण पयण्डो सो पत्तो कुमर पुरओ त्ति ॥५५॥  
त तारिस रूव धर कुमर दट्ठण नायर जणेहिं ।  
गहिर सरेण भणिओ ओसर ओसर करि पहाओ ॥५६॥  
कुमरेण वि निय तुरय परिचइऊण सुदक्ख-गइ-गमण ।  
हक्कारिओ गइन्दो इन्द-गइन्दस्स सारिच्छो ॥५७॥  
सुणिउ कुमार सद्द दन्ती पज्जरिय-मय जल पवाहो ।  
तुरिओ पहाविओ सो कुद्धो कालो व्व कुमरस्स ॥५८॥  
कुमरेण य पाउरण सवेहेऊण हिट्ठ चित्तेण ।  
धावन्त वारणस्सा सोण्डा पुरओ उ पक्खित्त ॥५९॥  
कोवेण धमधमेन्तो दन्तच्छोभे य देइ सो तम्मि ।  
कुमरो वि पिठ्ठ भाए पहणइ दद मुट्ठि पहरेण ॥ ६० ॥  
ता ओधावइ धावइ चलइ खलइ परिणओ तहा होइ ।  
परिभमइ चक्क भमण रोसेण धमधमेन्तो सो ॥ ६१ ॥  
अइव महन्त वेल खेहावऊण त गय पवर ।  
नियय-वमे काऊण आरूढो ताव खन्धमि ॥ ६२ ॥  
अह त गइन्द-सेज्जु मणोहर सयल-नयर-ल्लोयस्स ।  
अन्तेउर-सरिसेण पलोइय नरवरिन्देण ॥ ६३ ॥

दड्डु कुमर गय-वन्ध-सठिय सुरवइ व सो राया ।

पुच्छइ निय भिच्च-यण को एसो गुण निही चालो ॥ ६४ ॥

तेण अहिमयरो सोमत्तणएण तह य निसिनाहो ।

सन्ध-क्लागम-कुसलो वाई सूरु सुखो य ॥ ६५ ॥

एक्केण तओ भणिय कल यायरियम्स मन्दिरे एसो ।

कल-परिसम कुणन्तो दिट्ठो मे तत्प नर नाह ॥ ६६ ॥

तो सो कल-यायरिओ नरवइणा पुच्छिओ हरिसिण ।

को एसो वर पुरिसो गय-वर सिक्खाए अइकुसलो ॥ ६७ ॥

अभय परिमग्गेउ कल-गायरिण कुमर-वुत्तन्तो ।

स विसेस परिकहिओ नरवइणो बहु-जण-जुयम्म ॥ ६८ ॥

त निसुणिऊण राया निय हियए गरुय-तोसमावन्नो ।

सपेसइ पडिहार कुमर आणेहि मम पास ॥ ६९ ॥

गय-सन्ध परिड्डियओ अह सो भणिओ य दारवालेण ।

हकारइ नर-नाहो आगच्छसु कुमर रायउल ॥ ७० ॥

रायाएसेण तओ हत्थि सम्भमि आगळेऊण ।

कुमरो ससङ्क हियओ पत्तो नर-नाह पासमि ॥ ७१ ॥

जाणू-करुत्तमङ्गे महीए विणिहित्तु गरुय विणएण ।

जाव न कुणइ पणाम अवगूदो ताव सो रत्ता ॥ ७२ ॥

तम्बोलासण सम्माण दाण पूयाइ पूइओ अहिय ।

कुमरो पसन्न हियओ उवविट्ठो राय पासमि ॥ ७३ ॥

तओ चिन्तिय राट्ठणा 'उत्तम पुरिसो एसो' । जओ—

विणओ मूल पुरिसत्तणम्स मूल सिरीए ववत्ताओ ।

घम्मो सुहाण मूल दप्पो मूल विणासस्स ॥ ७४ ॥

अन्न च—

को चित्तेइ मऊर गइ च को कुणइ रायहसाण ।

को कुवल्याण गन्ध विणय च कुल प्पसूयाण ॥ ७५ ॥

अवि य—



साली भरेण तोएण जलहरा फल भरेण तरु सिहरा ।  
 विणएण य सप्पुरिसा नमन्ति न हु कस्सवि भएण ॥ ७६ ॥  
 तो विणय रञ्जिएण कुसल पउत्तीओ पुच्छिओ कुमरो ।  
 रत्ता कलाण गहण स विसेस तह य पुठ्ठ ति ॥ ७७ ॥  
 निय गुण गहण पयडेइ नो य लज्जाए जाव सो ताव ।  
 उज्झाएण भाणिय पहु निउणो एस सन्वत्थ ॥ ७८ ॥

पर महाराय—

निय-गरुय पयाव पससणेण लज्जन्ति जे महा सत्ता ।  
 इयरा पुण अलिय पससणे वि अङ्गे न मायन्ति ॥ ७९ ॥  
 एव च तस्स रत्तो कुमार चरियमि खित्त चित्तस्स ।  
 ता सयलो पुर-लोओ समागओ राय पासमि ॥ ८० ॥  
 वर रयण अम्बराइ सुयन्ध कुसुमाइ फल सणाहाइ ।  
 मुक्काइ राय पुरओ पउरेण परिहव-गएण ॥ ८१ ॥  
 त पुर जण-ओसल्ल नरवड्ढा अप्पिय कुमारस्स ।  
 अह ते कय पणिवाया विव्रति काउमारद्धा ॥ ८२ ॥

त जहा—

देव इम तुह नयर कुवेर पुर विहव अहिय धण निवह ।  
 कइवय दिणाण मज्जे चोरस्स वि मन्दिर जाय ॥ ८३ ॥  
 केणावि तक्केण दुड्ढेण खत्त चार निउणेण ।  
 मुठ्ठ नरवर नयर एण्ह रक्खेसु किं बहुणा ॥ ८४ ॥  
 कडुय वयणेहि भणिओ रत्ता आरविखओ पुर वरस्स ।  
 रे रे पेच्छन्तस्स वि मुठ्ठ सज्ज पि तुह नयर ॥ ८५ ॥  
 अह विव्रत्त तेण देव अणेगाणि अम्ह दियहाणि ।  
 जौयन्ताण चोर तह वि हु वत्थइ न सो दिट्ठो ॥ ८६ ॥  
 एत्थन्तरामि राया वित्तो अगड्ढत्त-कुमरेण ।  
 पहु देहि ममाएस लहेमि पुर तवर सिंग ॥ ८७ ॥

मज्जे सत्त-दिणाणं पुर-चोरं नो लहामि जइ नाह ।  
तो जलिय-जलण-जालावलीसु जालेमि निय-देहं ॥ ८८ ॥  
एयं कुमार-वयणं नरवड्ढा निसुणिऊण स-पइन्नं ।  
अणुमन्निऊण भणिओ सिज्जेउ समीहियं तुज्ज ॥ ८९ ॥  
अह सो गहिय-पइन्नो रायाणं पणमिउं अणुच्चिगो ।  
परिभमइ नयर-मज्जे जोयन्तो तक्कर-निवासे ॥ ९० ॥

अवि य—

वेसाण मन्दिरेसुं पाणागारेसु जूय-ठाणेसु ।  
कुलुरियावणेसु य उज्जाण-निवाण-सालासु ॥ ९१ ॥  
मद-सुन्न-देउलेसुं चच्चर-चउहट्ट-हट्ट-सालासु ।  
तक्कर-गमं नियन्तो हिण्डइ एक्कल्लओ कुमरो ॥ ९२ ॥  
ता जा छट्ठो दियहो बोलीणो नो य तक्करो दिट्ठो ।  
सत्तम-दिणंमि कुमरो गहिओ चिन्ताए स-विसेसं ॥ ९३ ॥  
किं वच्चामि विदेसं किं वा तायस्स अन्तियं जामि ।  
हरिऊण तं मयाच्छिं किं वा रण्णंमि गच्छामि ॥ ९४ ॥  
किं तु न जुत्तं एयं निम्भल-कुल-संभवाण पुरिसाण ।  
जं किर निय-जीहाए पडिवन्नं अन्नहा होइ ॥ ९५ ॥

जेण—

छिज्जउ सीसं अह होउ वन्धणं वयउ सन्वहा लच्छी ।  
पडिवन्न-पालणे सु-पुरिसाण जं होए तं होउ ॥ ९६ ॥  
नेयं महव्वयं खलु नरट्ठि-मुद्दाए जं समुव्वहणं ।  
पण्डवन्न-पालणं चिय महव्वयं धीर-पुरिसाणं ॥ ९७ ॥  
एवं च बहु-वियप्पे नियय-मणे भाविऊण सो कुमरो ।  
अवरण्हय-वेलाए पुरस्स बाहिमि संपत्तो ॥ ९८ ॥  
एगस्स पवर-किसलय-समूह-गुविलस्स सीय-छायस्स ।  
उत्तुङ्ग-वियड-साहाउलस्स सहयार-रुक्खम्स ॥ ९९ ॥  
उवाविट्ठो चिड्डइ हेट्ठयंमि चिन्ताभरेण सुदियट्ठो ।  
जोयन्तो दिसि-चक्कं विज्जा-भट्ठो व्व खयरिन्दो ॥ १०० ॥

एत्थन्तरमि एगो सहसा परिवायगो समणुप्पत्तो ।  
 कय धाउ-वत्थ वेसो मुण्डिय सिर कुच्च सच्चूलो ॥ १०१ ॥  
 दण्ड तिय कुण्डी चमर सगओ तह गणोत्तिया-हत्थो ।  
 किं किंपि मुणमुणिन्तो सपत्तो कुमर पुरओ त्ति ॥ १०२ ॥  
 करि सोण्डा भुय दण्डो विसाल वच्छत्थलो फरुस-केसो ।  
 नव-जोव्वणो रउदो रत्तच्छो दीह जद्धो य ॥ १०३ ॥  
 निज्जाइऊण अह सो सासङ्को चिन्तए मणे कुमरो ।  
 एवविह रूवेण हविज्ज एसो फुड चोरो ॥ १०४ ॥  
 एत्थन्तरमि तेण भणियो कुमरो पिएहि वयणेहिं ।  
 कत्तो सि तुम सु पुरिस केण व कज्जेण चिट्ठेसि ॥ १०५ ॥  
 नाऊण तस्स भाव भणिय कुमरेण बुद्धि निउणेण ।  
 दालिदेणक्कन्तो भमामि नयरीए सुन्नमणो ॥ १०६ ॥  
 मा सोयसु पुत्त तुम अज्ज छिन्दामि तुज्ज दालिद ।  
 देमि समीहिय दव्व भणिय परिवायगेण ति ॥ १०७ ॥  
 कुमरेण सलत्त तुम्हाण चेव पय पसाएण ।  
 नासइ मह दालिद सपज्जइ ईहिय कज्ज ॥ १०८ ॥  
 एव जपन्ताण नयण पह वज्जिऊण दिवसयरो ।  
 भइसणमावन्नो दोस भएण व सप्पुरिसो ॥ १०९ ॥  
 सझुज्जोयमि गए पयडी हूयमि रयणि तम नियरे ।  
 कट्ठेउ कोसाओ करवाल दारणायार ॥ ११० ॥  
 तुरिय-गई सचलिओ सो कुमर भणइ एहि मह पिठ ।  
 जेण समीहिय-क्कज्ज सव्व कारेमि किं बाहुणा ॥ १११ ॥  
 ताव य दोन्नि वि सिग्व सपत्ता नयरि मज्झयारम्मि ।  
 परिममिऊण थोव उवविट्ठा एग-देसमि ॥ ११२ ॥  
 परिवायगेण ताव य ईसर-वणियसस मन्दिरे वुट्ठे ।  
 मुह भेय भित्ति भाए खत्त आलेहिय तेण ॥ ११३ ॥

जाए वि भित्ति-सन्वे खणिय खत्त सुतिक्खं-सत्थेण ।  
 सिरिवच्छ-सच्छह सुप्पवेस निगमण-मग्ग ॥ ११४ ॥  
 निज्जाइउण मुइर निहुय पय पविमिउण सो वुत्तो ।  
 कट्ठइ महग्ग भण्ड पमूय पेडाओ तत्थेव ॥ ११५ ॥  
 ठविउ कुमर आणिय देवउलाओ ठरिदिए पुरिसे ।  
 ते गेण्हाविय ताओ नयराओ निगया अत्ति ॥ ११६ ॥

तओ कुमरेण चिन्तिय—

आयड्डिउण खम्म छलेण पहणामि किं इह दुइ ।  
 अहव न जुत्त अम्ह छल-घाओ कुल पमूयाण ॥ ११७ ॥  
 एय निवास गन्तु ठन्व पेच्छामि केत्तिय हरिय ।  
 कम्म कए अणवरय मुमइ इम नयरि-जण निवह ॥ ११८ ॥  
 एव ते दोत्ति वि गहिय-मोसया पुर-वराओ निक्खन्ता ।  
 गुरु-भारेण किलन्ता नयरुज्जाणामि सपत्ता ॥ ११९ ॥  
 परिवायगेण भणिओ कुमरो छल पाय-मारण निमित्त ।  
 सु पुरिम गरया रयणी अच्छामो एत्थ उज्जाणे ॥ १२० ॥  
 पडिवत्ते कुमरेण तत्थुज्जाणामि ते समामीणा ।  
 किल निद् मेवेमो चिन्तेण दो वि सामङ्का ॥ १२१ ॥  
 खण-मेत्तेण दोत्ति वि टाहिण-वामेमु वच्छ-मूट्ठम् ।  
 अन्नोन्न घाय निरया अलीय निद्दा पमुत्ता त्ति ॥ १२२ ॥  
 ते बाहित्तिय पुरिसा मुत्ता वीसत्थ-माणमा सन्वे ।  
 वुमरो वि सत्थराओ उट्टेत्ता सणियमवन्तो ॥ १२३ ॥  
 काउ करमि खन्ना अत्तम्म महा-तरुम्म मूलमि ।  
 पेच्छन्तो सान्निट्ठइ अपमत्तो तम्म चरियाइ ॥ १२४ ॥  
 मुत्त त्ति मुणेउण तेण विणिवाइया उ ते पुरिमा ।  
 मयणे तमपेच्छन्तो जा जोवट्ठ तत्थ मो कुमर ॥ १२५ ॥  
 ता हकिउण टुट्ठ कुमरो आयड्डिउण करवाल ।  
 पहणइ जइसाण्ण मय रहिओ भीम-वत्त-जुत्तो ॥ १२६ ॥  
 प्रा. ५ पृ ११

एगेण पहोरेण पठियं जङ्घाण जुयलयं तस्स ।  
 चक्काहओ ज्व रुक्खो निवाडिओ ज्ञात्ति धरणीए ॥ १२७ ॥  
 गन्तुं जसमत्येणं जीविय-सेसेण तेण सो भणिओ ।  
 आसि अहं सु-पासिद्धो नामेण भुयंगमो चोरो ॥ १२८ ॥  
 तह अत्थि इह मसाणे गेहं भूमीए मज्झयारंमि ।  
 तत्थत्थि मज्झ भइणी वीरमई नाम जुवइ त्ति ॥ १२९ ॥  
 वड-पायवस्स मूले गन्तूणं कुणसु तीए वाहरणं ।  
 जेणं भूमि-धरस्सा दारं उग्याडए तुरियं ॥ १३० ॥  
 तं परिणिऊण सुन्दर गेण्हसु सज्जं पि दविण-जायं ति ।  
 चिट्ठसु तत्थ सुहेणं अहवा वसिमंमि गच्छेसु ॥ १३१ ॥  
 एवं जंपन्तो सो कुमरेणासासिओ सणं एकं ।  
 गाहिऊण तस्स खणं पत्तो ता पेय-भूमीए ॥ १३२ ॥  
 गन्तूण कओ सद्धो वडस्स मूलंमि तीए जुवईए ।  
 आगन्तूण य तीए धरस्स उग्याडियं दारं ॥ १३३ ॥  
 निज्झाइऊण सुइरं खवं बालाए विन्धिओ सहसा ।  
 चिन्तेइ निय-हियएणं एसा मयणस्स सज्जस्सं ॥ १३४ ॥  
 पुट्ठो य तीए सुन्दर कत्तो कज्जेण केण वापाओ ।  
 कहिया तेण पउत्ती तं सोउं दूमिया हियए ॥ १३५ ॥  
 भाणिऊण महुर-वयणं नीओ पायाल-मन्दिरे कुमरो ।  
 गुरु-गउरवेण तीए दिज्जं पवरासणं तत्थ ॥ १३६ ॥  
 स-प्पणयं चिय भणिओ अहयं एयं च विउल धण निवहं ।  
 तुम्हायत्तं सज्जं ! सुन्दर विलसेसु सच्छन्दं ॥ १३७ ॥  
 पयडेउं वास-हरं भाणिओ वीसमसु एत्थ सयणिज्जे ।  
 अहयं पुण गन्तूणं आणेमि विलेक्कणं तुज्झ ॥ १३८ ॥  
 एवं भाणिऊणं सा वास-हराओ विणिमाया सहमा ।  
 कुमरो वि नीइ-सत्थं चिन्तेइ अहप्पणो हियए ॥ १३९ ॥  
 माया अलियं छोहो मूढत्तं साहसं अमोयत्तं ।  
 मिम्मंसया तह चिय महिलाण सहावया दोमा ॥ १४० ॥

अन्नं च

न घेप्पइं सुसिणेहिं न विज्जइं न य गुणेहिं ।

न य लज्जइं न य माणिण न य चाडुय-सय-सहसेहिं ॥ १४१ ॥

न य खर-कोमल-वयणिहिं न विहवि न जोव्वणेण ।

दुग्गेज्जं मणु महिलहिं चिन्तहिं आयेण ॥ १४२ ॥

अओ—

एवं सो लद्ध-जसो जण-मण-नयणाण पुण्णिमा-चन्दो ।  
अलियं मुणेइ सव्वं रहिओ चिर-दिट्ठ-बालाए ॥ १९४ ॥

जओ—

ता लज्जा ता माणो ताव य परलोय-चिन्तणे बुद्धी ।  
जा न विवेय-जिय-हरा मयणस्स सरा पडुप्पन्ति ॥ १९५ ॥  
एवं मयणायत्तो सो चिट्ठइ जाव नियय-भवणम्मि ।  
ता एगा वर-विलया समागया कुमर-पासंमि ॥ १९६ ॥  
दिन्नासणोवविट्ठा भणिया कुमरेण केण कज्जेण ।  
तं आगया सि सुन्दरि, साहसु निययं अभिप्पायं ॥ १९७ ॥  
भणियं तीए निसुणसु अवहिय-हियओ कुमार होऊणं ।  
अहयं तुम्ह समीवे पट्ठाविया मयणमज्जरिए ॥ १९८ ॥  
एयं तुह संदिट्ठं सुन्दर ! गुरु-विरह-जलण-तवियाए ।  
जा गच्छइ न य जीयं ता सिच्चसु संगम-जलेणं ॥ १९९ ॥  
अन्नं च निसुणिऊणं गय-खेडुं तक्करस्स वहणं च ।  
दुट्ठित्थी-परिहरणं नरवइ-पमुहेण य जणेणं ॥ २०० ॥  
साहुकारं तुज्झं कारन्तं अहिय-विम्हिय-मणा सा ।  
जीयं पि हु तुह दंसण-समुस्सुया धरइ किच्छेणं ॥ २०१ ॥  
सुणिऊण तीए वयणं दाउं हत्थ-ट्ठियं च तम्बोलं ।  
भणिया सा हू इत्थी सिणेह-सारेहि वयणेहिं ॥ २०२ ॥  
कुसले ! पभणसु गन्तुं मा होहि समुस्सुया दिणे कइवि ।  
पत्थावं लहिऊणं सव्वं सत्थं करिस्सामि ॥ २०३ ॥  
अन्नंमि दिणे सहसा करहारूढा समागया पुरिसा ।  
भवणंमि पविसमाणा दिट्ठा कुमरेण हिट्ठ-मणा ॥ २०४ ॥  
आलिङ्गितं स-हरिसं अम्मा-पियरस्स कुसल-पडिउत्ती ।  
स-सिणेहं परिपुट्ठा पमुक्क-घण-अंमु-निवहेण ॥ २०५ ॥  
वो, तेहि दंमं, भणियं, अम्मा-पियरस्स, कुमार ! कुसलं ति, ।  
तह वि हु तुह विरह-महा-गहेण गहियाइ चिट्ठन्ति ॥ २०६ ॥

कइवय-दिगाण मज्जे जइ गन्तूणं न दंसणं कुणासि ।  
 तो कुमर ! निच्छएणं विमुक्क-जीयाण वचिहिसि ॥ १६७ ॥  
 एवं निसामिऊणं सज्जावेऊण नियय-खन्वारं ।  
 पत्तो राय-समीवे जंपइ सो एरिसं वयणं ॥ १६८ ॥  
 तायस्स समीवाओ उस्सुय-करहीरुहा दुवे पुरिसा ।  
 पहु मज्ज आणणत्थं समागया कहसु जं जोगं ॥ १६९ ॥  
 नरवइणा तो भणियं वच्चमु तं कुमर ! ताय-पासंभि ।  
 निय-परिवार-समेओ गन्तूण पुणेो नियत्तेसु ॥ १७० ॥  
 दाऊण अलंकारं सम्माणेऊण महुर-वयणेहि ।  
 निय-धूयाए समेओ नरवइणा पेसिओ कुमरो ॥ १७१ ॥  
 काऊणं संजत्ति दावावेउं पयाणणं सिविरं ।  
 एग-रहेणं कुमरो सयं ठिओ नयर-मज्जंमि ॥ १७२ ॥  
 जामिणि-पट्ठमे पड्ढे दूईए संगमीए पासंमि ।  
 कुमरेण निधय-पुरिसो पड्ढविओ जाणणट्ठाए ॥ १७३ ॥  
 गन्तूण तेण भणियं सिविरं अम्हाण पविसियं मग्गे ।  
 एगागी राय-सुओ चिड्डइ तुम्हाण कजेण ॥ १७४ ॥  
 ता सुन्दरि ! गन्तूणं आणमु लहु मयणमज्जरि एत्थ ।  
 जेण समीहिय-कज्जं संपज्जद अज्ज तुम्हाणं ॥ १७५ ॥  
 सुणिऊण तस्स वयणं गन्तूणं संगमी तुरिय-तुरियं ।  
 निय-सामिणीए साहइ जं भणियं कुमर-पुरिसेण ॥ १७६ ॥  
 आयाणिऊण सहसा रहस-समुच्छलिय-वहल-रोमञ्छा ।  
 संचल्लिया खणेणं सु-सहि-सहाया निय-घराओ ॥ १७७ ॥  
 पत्ता कुमर-समीवं आरुद्धा मयणमज्जरी जाणे ।  
 आरुहसु सुयणु ! सिगं इय भणिया राय-तणएणं ॥ १७८ ॥  
 अह चौइऊण तुरए रज्जुं गहिऊण वाम-हत्थेणं ।  
 नीहरिउं नयरीए संपत्तो नियय कडयंमि ॥ १७९ ॥  
 तुरियं पयाण-दक्का दवाविया तेण पत्त-मेत्तेणं ।  
 काऊण सु-संजत्ति चलियं सेजं समत्थं पि ॥ १८० ॥



अणवरय पयाणेहिं विसय लहेवि भुवण पालस्स ।  
 पत्तो महा अरण्णे सावय तरु सकुले भीमे ॥ १८१ ॥  
 अइविसम-महा दुम सकुलमि मग्गमि वच्चमाणस्स ।  
 सब्ब जणाणंदयरो पाउस-कालो समणुपत्तो ॥ १८२ ॥  
 तम्मि य मणहर काले वच्चइ कुमरो वणस्स जा मज्जे ।  
 सहस त्ति भिल्ल सामी ता पडिओ तस्स सिबिरमि ॥ १८३ ॥  
 तस्स बलेण बल-दप्पिएण सहसा कुमार-खन्धार ।  
 पवणेण व घण वन्द पक्खित्त चउसु वि दिसासु ॥ १८४ ॥  
 एगेण सन्दणेण सहिओ निय पणइणीए राय सुओ ।  
 रण-मज्जे सो थक्को हरि व्व मायइ जूयस्स ॥ १८५ ॥  
 ता बाणावलि पहय भग्ग भिल्लाण त बल सयल ।  
 अन्नन्न दिसि पलाण गन्धगयस्सेव करि जूह ॥ १८६ ॥  
 त पुण पलायमाण भिल्लवई पेच्छिऊण निय सेन्न ।  
 निट्ठुरमकोसन्तो सहसा सवडमुहो चालिओ ॥ १८७ ॥  
 अणवरय ते दोल्ले वि अन्नोन्न पक्खिवन्ति सर निवहे ।  
 एको वि न वि छलिज्जइ निउणत्तणओ धणुव्वेए ॥ १८८ ॥

ओ चिन्तिय कुमारेण—

बुद्धीए पवघ्णेण य छलेण तह मन्त-तन्त जोएण ।  
 पहणिज्जइ पडिवक्खो जस्स न नीईए सक्केज्ज ॥ १८९ ॥  
 ता एसो भिल्ल वई धणु-गुण-सत्थेसु लद्ध-माहप्पो ।  
 न य सक्को पहणेउ तेण उवाय विचिन्तेमि ॥ १९० ॥  
 एव च चिन्तिऊण भणिया कुमारेण सा निया भज्जा ।  
 कुणसु पिए सिद्धार उवविससु रहस्स तुण्डमि ॥ १९१ ॥  
 उवविट्ठाए तीए दट्ठण रूव-सपय पवर ।  
 टिट्ठि तस्स निवेसइ पहओ मयणम्स बाणेहिं ॥ १९२ ॥  
 नीलुप्पल पत्त सरिच्छएण आरा-मुहेण बाणेण ।  
 वच्चउत्पलम्मि सहसा ता पहओ राय-तणएण ॥ १९३ ॥

मम्म-पणसम्मि हओ पडिओ ममीए भिह-नरनाहो ।  
ईसिं वियमिय-नयणो जपई सो एरिमं वयणं ॥ १९४ ॥

अवि य—

नाहं तुह सर-पहओ पहओ कुमुमाउहस्म बाणेण ।  
अहवा स्मिमेत्य चोउजं मयणेणं को वि नहु छलिओ ॥ १९५ ॥  
एवं पयंपिउणं काल्हाओ भिह-सामिओ प्राप्ति ।  
एत्यन्तरंमि कुमरो निय-परिवारं पलोएइ ॥ १९६ ॥  
जाव न रहे न तुरए सेवय-पुरिमे य नो य वर-मुहडे ।  
एग-रहेणं कुमरो संचलिओ निय-पुराहुत्तं ॥ १९७ ॥  
बह्वहवि तं अरण्णं सो कुमरो लक्ष्मिउण भय-रहिओ ।  
गोउलमेगं पत्तो गावी निवहेण रमणीयं ॥ १९८ ॥  
एत्यन्तरंमि कुमरं दृष्टुं गोउलाओ दो पुरिसा ।  
पत्ता कुमर-मर्मायं भणन्नि महुरेहि वयणेहि ॥ १९९ ॥  
वत्तो सि तुमं नर-वर ! कत्थ वि वधिहिमि बहमु अम्हाणं ।  
सहउरे वधामो भणिया ते राय-तगएणं ॥ २०० ॥  
तो तेहि पुणो भणियं मुपुरिस ! अम्हे वि तुज्ज सत्थेणं ।  
सहउरे वधामो जइ मुपमाओ तुमं होमि ॥ २०१ ॥  
एवं ति होउ पडिवज्जिउण जोएइ ना रहे तुरए ।  
ता सत्थिहय पुरिसा भणन्नि एयागिसं वयणं ॥ २०२ ॥  
एण्णं मन्नेगं अत्थि महन्नं अई कन्नारं ।  
तम्म य मज्जो चिद्ध चोगे दूज्जोएगो चट्ठो ॥ २०३ ॥  
मय मत्तो गल-भाजिं कुणमागो करि-यरो य अइम्मिओ ।  
दिही विमो य सण्णो वग्गो तर टारुणो अन्थि ॥ २०४ ॥  
अत्ते पि मावय-नागा यूग मंमासिगो य दुप्पेच्छा ।  
एवं नाउण मगे वधमु एण्ण मन्नेग ॥ २०५ ॥  
कुमरेण तओ भणिआ मा युगह भयं पयत्तह पइंमि ।  
कुमलेणं महउरे मरत्ता देमि हि बहुण्ण ॥ २०६ ॥

एवं निसामिउणं अन्ने सत्थिल्लया नरा बह्वे ।  
 राय-तणएण समयं संचलिया मुक्क-भय-पसरा ॥ २०७ ॥  
 एत्थन्तरंमि एगो दीह-जडा-मउड-भूसिय-सरीरो ।  
 भसमुद्धूलिय-गतो तिसूल-चोक्केण य सणाहो ॥ २०८ ॥  
 पडिवारय-परियरिओ पत्थिय-लिङ्गेण वावड-करमो ।  
 तेयंसी सुपसत्थो महवडओ तत्थ संपत्तो ॥ २०९ ॥  
 तेण य भणिओ कुमरो तुम्ह सुसत्थेण पुत्तय अहं पि ।  
 सद्धउरे वच्चामि तित्थाणं दंसण-निमित्तं ॥ २१० ॥  
 अन्नं च मह-समीवे कइ वि हु चिट्ठन्ति पुत्त दीणारा ।  
 बलि पूयणत्थ-दिन्ना देवाणं धम्मिय-नरेहिं ॥ २११ ॥  
 ते गेण्हेसु महायस ! वच्चामो जेण निब्भया अम्हे ।  
 एवं बहु भाणिउणं समप्पिओ दक्खिण-निउलो ति ॥ २१२ ॥  
 ताहे सो परितुट्ठो आसीसं देइ नरवड-सुयस्स ।  
 सत्थिल्लएहि सद्धिं संचलिओ कवड-कय-वेसो ॥ २१३ ॥  
 मुणिउं तस्स स-रूवं कुमरो चिन्तेइ हियय-मज्झंमि ।  
 एएण समं गमणं न सुन्दरं होइ परिणामे ॥ २१४ ॥  
 एवं हियए परिभाविउण कुमरेण चोइया तुरया ।  
 मगो रहो पयट्ठो संपत्तो गहण-देसंमि ॥ २१५ ॥  
 तेण महव्वइएणं भाणिया सत्थिल्लया इमं वयणं ।  
 अज्ज अहं तुम्हाणं पाहुणयं सज्जहा काहं ॥ २१६ ॥  
 अत्थि इहरण्ण-मज्झे गोउलमेगं पभूय-धण-निवहं ।  
 तत्थि मए वरिसालो आवन्तेणं कओ आसि ॥ २१७ ॥  
 तम्मि मए गोउलिया सज्जे आवाज्जिया निय-गुणेहिं ।  
 दाहिं ति अज्ज भोज्जं ता तुम्हे पाहुणा मज्झ ॥ २१८ ॥  
 एवं निमन्तिउण गन्तूण समागओ महावडओ ।  
 पायस-थय-दहियाणं भरिउणं भण्डए गरए ॥ २१९ ॥  
 आगन्तूण य तेणं भाणिओ कुमरो विमहुर वयणेहि ।  
 पत्तय अज्जन्हाणं हिय-इच्छिय-निज्जुं कुणसु ॥ २२० ॥

कुमरेण तओ भणिय गुरु-विअगा मञ्ज उत्तमङ्गमि ।  
 बट्टइ अत च जईण भोयण कप्पण नेय ॥ २२१ ॥  
 मात्थिहया य मन्वे भणिया कुमरेण दिट्ठि-मत्ताए ।  
 नहु भोत्तञ्च एय एण ममाणिय भत्त ॥ २२२ ॥  
 अवगाणिउण कुमर भुत्त त भोयण विम विमिम्म ।  
 भुज्जिय-मेत्ते सत्त्वे सहमा निच्चेयणा जाया ॥ २२३ ॥  
 जम-मन्दिर पवत्ते सत्त्वे ते जाणिउ महावत्तओ ।  
 मेहन्तो सर निवह पहाविओ कुमर-वहणत्थ ॥ २२४ ॥  
 कुमरेण म-कोवेण सग निवह वच्चिउण वेणण ।  
 मम्म-पएमे पहओ एगेण अद्ध चन्देण ॥ २२५ ॥  
 अह सो महीए पाडिओ जीविय-मेमो पयए एय ।  
 पुत्त अह सो दुज्जओ चोरो दुग्गोहणो नाम ॥ २२६ ॥  
 निम्मय चित्तेण तए मह चित्त गज्जिय महामाग ।  
 जीविय-सेमो अहय सवुत्तो बाण गणण ॥ २२७ ॥  
 आयण्णामु मह वयण एयम्म गिरिम्म वामपासमि ।  
 मारियाण दोण्ह मज्जे देवउ अत्थि रमणीय ॥ २२८ ॥  
 तम्म य पच्छिम भाए तज्जि मिट्ठा चज्जिया मुनत्तेण ।  
 त पेह्णिउण वामे भूमि-श्वर तथ पविमेषु ॥ २२९ ॥  
 तम्मसत्थि मज्ज भाए मम महिला पवर-रुव-गुण-वत्थिया ।  
 नव जोत्तणा विगीया नामेण जयमिरी मण्ण ॥ २३० ॥  
 रित्थ अद्व महन्न चिट्ठ मञ्जम्मि तम्म मञ्जम्म ।  
 ता न मन्व मु पुरिम अप्पायत्त गेज्जामु ॥ २३१ ॥  
 मह पुण बट्टइ अन्नो गयमि जीवमि तेमृ कट्ठाणि ।  
 एव मो भगमाणो पत्तत्त पाविश्रो म्हात्ता ॥ २३२ ॥  
 दाम-समूहे मेलिय दिता कुमरेण द्दयन्ते दम्म ।  
 आरुहिय पवर-रह ताव गओ कम्म-दम्ममि ॥ २३३ ॥  
 ते मारियाण मन्ने वेवउत्ते जेण्ण सिग्गि तेण ।  
 उग्गान्णिउण दांर वओ य म्हात्ता वणिओ ॥ २३४ ॥

भणइ तओ सा रमणी सहसा गन्तूण दार-देसंमि ।  
 कोइल-महुर-सरेण मज्झे आगच्छ भवणस्स ॥ २३९ ॥  
 पेच्छवि तीए रूवं साणन्दं जा पलोअए कुमरो ।  
 मयणमञ्जरीए ताव य अवहत्थेणं हओ सहसा ॥ २४० ॥

भाणियं च—

बन्धु-पिया-सहियाओ नयरं गेहं च तुज्ज कज्जेणं ।  
 चत्तं मए अलज्जिर तुमं पि अन्नं पसत्तो सि ॥ २४१ ॥  
 निसुणे वि तीए वणं कुमरो वज्जेवि तं वणं सहसा ।  
 सन्दण-वरमारुहिउं संचलिओ अगओ ताहे ॥ २४२ ॥  
 लङ्घइ जाव सुहेणं वण-गहणं केत्तियं पि भीसणयं ।  
 सहस त्ति ताव पेच्छइ नासन्तं सवर-संघायं ॥ २४३ ॥  
 अह पेच्छिऊण कुमरो भय-तसिए वणयराण संघाए ।  
 चिन्तइ निय-चित्तेणं होयव्वं एत्थ मय-करिणा ॥ २४४ ॥  
 सासङ्को हियएणं जाव पलोएइ तदिसा-हुत्तं ।  
 सासि-सङ्ख-कुन्द-धवलं ता पेच्छइ करि-वरं एक्कं ॥ २४५ ॥  
 पज्झारिय-मय-पवाहं मोडिन्तं तरु-वरे महा-काए ।  
 मयमञ्जरी खणेणं उव्विग्गा हियय-मज्झंमि ॥ २४६ ॥  
 कुमरेण तओ भाणियं मा बीहसु मुद्धि रण-कलहाओ ।  
 गरुयाण संपया आवया य न हु इयर-पुरिसाणं ॥ २४७ ॥  
 एवं भाणिऊण पियं अवयरिओ रह-वराओ सो तुरियं ।  
 गन्तूण उत्तरीयं पक्खित्तं ज्ञात्ति पुरओ त्ति ॥ २४८ ॥  
 ताव य सो मायङ्को छोहं जा देइ उत्तारिज्जंमि ।  
 ता कुमरो वि मु-दत्तवो अइ त्ति आरुहइ खन्धम्मि ॥ २४९ ॥  
 खण-मेत्तेणं सो मत्त-करिवरो, णेग-वणगर-कयन्तो ।  
 स-वसो कुमरेण कओ अहि व्व मणिमन्त-जोएण ॥ २५० ॥  
 निध-दइष्णाए पुरओ अवइण्णो गय-वरस्स खन्धाओ ।  
 पुणरवि रहंमि रूढो संचलिओ निय-पुरा-हुत्तं ॥ २५१ ॥

ना केत्तियं पएसं कुमरो लहेइ निय-पिया-सहिओ ।  
 ता पेच्छइ सो वग्यं अद्दाण-तडंमि उवविहं ॥ २४८ ॥  
 उद्धसिय-केसर-सदं अप्फालिय-वमुह-दीह-लङ्गलं ।  
 तं पेच्छिऊण कुमरो हसिऊणं धाविओ समुहो ॥ २४९ ॥  
 सज्जेउं रोइ-वमं वग्यो ना देइ निय-कर-पहारं ।  
 वेण्डिय-वत्थो हत्थो लूढो कुमरेण वयणंमि ॥ २५० ॥  
 दाहिण-हत्थेण पुणो पहओ असि-घेणुयाए तन्वंमि ।  
 गाढ-पहारेण हओ वस त्ति महिमण्डले पडिओ ॥ २५१ ॥  
 निज्जिणिऊण य वग्यं नाव य लहेइ थोवयं गहणं ।  
 पेच्छइ ताव भुयङ्गं अद्दाणे संटियं कुमरो ॥ २५२ ॥

केरिसं—

अलि-उल-कज्जल-वणं फणि-माणि-किरणोह-भामुर-सरीरं ।  
 दो-जीहं रतच्छं धमणी-वय-मुक्क-पुक्कारं ॥ २५३ ॥  
 तवडंमुहं उवेन्तं दट्टणं मयणमन्जरी सप्यं ।  
 गुरु-मय-कम्पिय-देहो लंगा कुमरस्स कण्ठंमि ॥ २५४ ॥  
 मा बीहेसु भणन्तो उत्तिण्णो सन्दणाओ सो सुहदो ।  
 आवन्तस्स य फणिणो सहसा विहिओ गई-यम्मो ॥ २५५ ॥  
 तो काऊं मुह-यम्भं खेहावेऊण छाडिडओ भुयगो ।  
 आरुहिऊण रह-वरं वुरियं संजोइया तुरया ॥ २५६ ॥  
 किच्छेण लहिऊणं गहणं तं वहवि नरय-सारिच्छं ।  
 संपत्तो सहउरे संतोसिय-नयरि-जण-निवहो ॥ २५७ ॥  
 वरविहिय-वत्थ-सोहाउलंमि नयरंमि सुन्दर-निवस्स ।  
 जण-मण-नयणाणन्दो दाणं दिन्तो पविट्ठो सो ॥ २५८ ॥  
 निय-मन्दिंरं पि पत्तो जणणी-जणण्ण गस्स-नेहेणं ।  
 आलिङ्गिओ स-हरिसं लोएणं णमिओ ताहे ॥ २५९ ॥  
 तो भोयणावसाणे पुट्ठो देसन्तराण वुत्तन्तं ।  
 तेण समन्नां काहियं ना पत्तो नियय-भुण्णंमि ॥ २६० ॥

एव ताण सुह सगमेण सजाय परम तोसाण ।  
 वच्चइ सुहेण कालो रज्ज सुह भुज्जमाणाण ॥ २६१ ॥  
 अह अन्नया वसन्ते कामुय लोयाण हियय-आणन्दे ।  
 बहु पउर परियण जुओ उज्जाण उवगओ राया ॥ २६२ ॥  
 अह सो वि तओ कुमरो सुहि जण परिवारिओ पिया सहिओ ।  
 पुर-नारि पलोइय रूव सपओ तत्थ सपत्तो ॥ २६३ ॥  
 बहु-हास तोस वीणा विणोय वर नट्ट-गेय कन्वेहिं ।  
 कीलइ पमुइय चित्तो मयणमञ्जरियाए सह कुमरो ॥ २६४ ॥  
 अवरण्हे सव्व जणो रमिऊण पुर वरे गओ सिग्व ।  
 राया वि सयल परिवार सजुओ भवणमणुपत्तो ॥ २६५ ॥  
 कुमरो वि विसज्जिय सयल परियणो जाव रह-वर पत्तो ।  
 ता सा मयणमञ्जरिया डक्का भुयङ्गेण उग्गेण ॥ २६६ ॥  
 हाहा रव कुणन्ती डक्का डक्क त्ति तह य विलवन्ती ।  
 कम्पन्त-सयल-गत्ता पडिया कुमरस्स उच्छङ्गे ॥ २६७ ॥  
 कुमरेण तओ भाणिया मा मा बीहेहि कुवलय-टलच्छि ।  
 विसहर विसम प्पभव निमेस-मेत्तेण काहामि ॥ २६८ ॥  
 एव भणमाणस्स य मुहुत्त-मेत्तेण सा पिया तस्स ।  
 विसम विस पीडियङ्गा खणेण निच्चेयणा जाया ॥ २६९ ॥  
 जीविय-मुक्क त्ति वियाणिऊण कुमरो वि मोहमावत्तो ।  
 विलवइ करुण सरेण हाहा-कोरे विमुच्चन्तो ॥ २७० ॥  
 कहक्कहवि हु विच्छेण अत्ताण सवेरेवि कुमरेण ।  
 रइऊण चिय ताहे ठविया उवरिमि सा भज्जा ॥ २७१ ॥  
 पज्जालिऊण जलण अत्ताण जा खिवेइ सो कुमरो ।  
 सहस त्ति ताव पत्त गयणाओ खयर-जुयल ति ॥ २७२ ॥  
 सपत्त-मेत्तण य भाणिओ कुमरो सु-वोमल वयण ।  
 रिमशरणेण सु पुरिस अत्ताण खिवसि जलणम्मि ॥ २७३ ॥  
 अहय खण-मेत्तेण वि सत्थ सरीर करेमि तुह भज्ज ।  
 एव पि जपिऊण पहया अहिमन्तिय-जलेण ॥ २७४ ॥

निदा-खए ज्व बुद्धा अत्ताण सवरेवि पसयच्छी ।  
 कयरो इमो पएसो पुच्छन्ती उट्टिया ज्ञत्ति ॥ २७५ ॥  
 त खयरान जुयल उट्टावेउण पणदणिं तम्स ।  
 जपिय कुमरेण सम उप्पदय गयण-मगामि ॥ २७६ ॥  
 कुमरो वि पिया सहिओ रयणीए अइतमन्व पउराए ।  
 पच्चासत्ते देवय-उलमि सहस चिय गओ ति ॥ २७७ ॥  
 कुमरेण एत्थ समए भणिया दइया पसन्न वयणेण ।  
 आणेमि जाव जलण ताव तुम चिट्ठ खणमेग ॥ २७८ ॥  
 एव भणिउण गओ जलण गहिउण पुनरवि नियत्तो ।  
 ता पेच्छइ देवउले उज्जोय मण चमकार ॥ २७९ ॥  
 सपत्तेण तेण भणिया सासङ्क-माणमेगेव ।  
 अज्जे डीवुज्जोओ डिट्ठो मे आसि देवउले ॥ २८० ॥  
 तीए वि य पडिभणिय पिय तुह हत्थ डियस्स जलणस्स ।  
 जलियस्स समुज्जोओ सकन्तो सो तुमे डिट्ठो ॥ २८१ ॥  
 एत्थन्तरमि खग्ग भज्जाए समप्पिउण सो कुमरो ।  
 महि निहिय नाणु जुयले अहोमुहो धमइ जा जलण ॥ २८२ ॥  
 ता सहम चिय तीए खग्ग हत्थाओ कोस परिहीण ।  
 अइगरुय निहाएण पडिय देवउल सिल पट्टे ॥ २८३ ॥  
 समन्तो ता पुच्छइ निय-दइय सो हु सरल सव्भाषो ।  
 किं कोस विप्पमुक्क खग्ग पडिय महियलमि ॥ २८४ ॥  
 तीए वि तओ भणिओ मह मण-मोहो अईव उच्छलिओ ।  
 तेण परव्वसाए करवाल नवरि पडिय ति ॥ २८५ ॥  
 जाले वि तओ जलण देवउले कोलिउण सा रयणी ।  
 गोसमि नियय भवणे गयाइ साणन्द हिययाइ ॥ २८६ ॥  
 बन्धन-सहि-सयणाण रयाणि पउत्ती य निव्विसेसा सा ।  
 पिय सहिएण कहिया रहस-वसुहसिय हियएण ॥ २८७ ॥  
 एव च ताण दोण्ह वि हियय-समीहिय विलाम सत्ताण ।  
 बुचइ सुहेण कालो विमय मुह सेवमाणाण ॥ २८८ ॥



अह अन्नया कयाई सप्पुरिसो राय नन्दणो कुमरो ।  
 विवरीय सिकव तुरय परिवाहइ वाहियालीए ॥२८९॥  
 तो तेण दुट्ट हरिणा उच्च।हरिऊण लोय पच्चक्ख ।  
 उवणीओ स रण्णे अइविसमे तावस निवासे ॥२९०॥  
 परिभममाणेण तओ पत्त कुमेरेण जिणहर एक ।  
 चारण समणो एगो दिट्ठो बहु-मुणि-गणाइण्णो ॥२९१॥

सो य केरिसो—

गह-नक्खत्ताण ससहरो व्व रयणाण कोत्थुह-मणि व्व ।  
 कप्पदुमो व्व तरूण देवाण सहस्सनयणो व्व ॥२९२॥  
 चन्दो व्व सोमयाए महि व्व खन्तीए दित्तिए मित्तो ।  
 रूवेण वम्महो इव निम्मल चउणाण सपत्तो ॥२९३॥  
 नामेण साहसगई विज्जा-वस दिट्ठ विस्स ववहारो ।  
 बोहेन्तो भविय-जणे निम्मल धम्मोवएसेण ॥२९४॥  
 गन्तूण कुमेरेण सहसा तो पणमिय चरण-कमल ।  
 लद्धासीसो य तहा उवविट्ठो तस्स पासमि ॥२९५॥  
 लहिऊण अवसर तो भणिय कुमेरेण विणय पत्तेण ।  
 सुहगुरु साहसु मज्झ स-वोउओ विंषि पुच्छामि ॥२९६॥  
 के पहु इमे सु पुरिसा जेन्वण-लायण्ण-रूव पडिहत्था ।  
 वेरमा-ममा पडिया पच्चवि इच्छन्ति वय-गहण ॥२९७॥

तओ भणिय नाणिणा—

अत्थि इह विमय मज्जे चमरी नामेण विमम पछि त्ति ।  
 त भुज्जइ चव्वन्तो धरणिवरो नाम भिल्लो त्ति ॥२९८॥  
 अह अन्नया कयाई ह्य गय रह-जोह सुहड परियरिओ ।  
 एगो नरवइ-कुमरो समागओ तम्म भूर्मीए ॥२९९॥  
 तो तेण तम्म मिच्चिर ह्य विहय तक्खणेण काउण ।  
 आट्ठो मगामो बल वट्ठणा तेण सरिसो त्ति ॥ ३०० ॥  
 भिट्ठिया महइ वेठ जाव न एगो वि तीरण छलिट ।  
 तो तेण नियय नाया कय भिक्कारा कया पुरओ ॥ ३०१ ॥

सुहय अहं निय-दइयं वावाइस्सामि तुज्ज पच्चवत्थं ।  
 एवं पयंपिऊणं पईवओ आमिओ आत्ति ॥ ३१५ ॥  
 एत्थन्तरंमि कुमरो वण्हि धेत्तूण आत्ति संपत्तो ।  
 संपत्तेण भणियं उज्जोओ इह मए दिट्ठो ॥ ३१६ ॥  
 तीए तओ भणियमिणं तुह-कर-गहियम्स जलिय-जलणम्स ।  
 देवउले सकन्तो पिय उज्जोओ तए दिट्ठो ॥ ३१७ ॥  
 खगं समाप्पिऊणं जा सो दीवेइ हुयवहं कमरो ।  
 ता कट्ठिय-करवालं गीवाए मुच्चए पहरं ॥ ३१८ ॥  
 एएण करुण-मइणा अवहत्थेऊण पाडियं खगं ।  
 सिट्ठं सहोयराणं चरियं इत्थीए सु-विचित्तं ॥ .  
 नाऊण तयं तीए विलसियमइदारुणं निरुं ,  
 वेरग-समावन्ता समागया मह-समावामि ॥ २  
 आयाणिय निय-चरियं संभन्तो माणसंमि ,  
 परिभावइ पेच्छ अहो महिलाणं दारुणं च ।

ता सचमेयं—

गद्दाए वालुयं सायरे जलं हिमवओ य  
 जानन्ति बुद्धिमन्ता महिला-हिययं न

तहा—

रोवन्ति रुवायन्ति य आलियं जंपन्ति ५।  
 कवडेण य खन्ति विसं भरन्ति न य जा।  
 महिला हु रत्त-मेत्ता उच्छू-खण्डं व ५।  
 सच्चिय विरत्त-मेत्ता निम्बं कूरं विसेसेइ  
 अणुरज्जन्ति खणेणं जुवइओ खणेण ७  
 अन्नन्न-राय-निरया हलिइ-रागो व्व चळ  
 हिययंमि निट्ठुराओ तणु-नम्पिय १२.

जुवईओ सरिच्छाओ सुवण-विच्छुरिय-छुरियाए ॥ ३१६ ॥  
ता अहो मे अहमत्तणं जमेय-कारणे मइलियं कुलं अङ्गीकओ  
अयसो । अह वा—

ताव फुरइ वेरम्मु वित्ति कुल लज्ज वि तावहिं ।

ताव अकज्जह तणिय सङ्क गुरु यण-भउ तावहिं ।

ताविन्दियह वसाइ जसह सिरिहायइ तावहिं ।

रमाणिहि मणु-मोहणिहि पुरिमु वसि होइ न जावहिं ॥ ३२१ ॥

ता धिरत्यु ससारस्स नत्थि एत्थ किंपि सुहकारणं । भाणियं च—

खण-दिट्ठ-नट्ठ-विहवे खण-परियट्ठन्त-विविह-मुह-दुक्खे ।

खण-संजोय-विओए संसारे रे सुहं कत्तो ॥ ३२८ ॥

एवमाइ भावेन्तो सर्वंगेमुवगओ, निवडिऊण य भयवओ चलणेमु

भाणियं ‘ भयवं, मम सन्तियं चरिममेयं । अहं एएसिं भाइ-पायगो

उब्बिगो य अहं-संसार-यासाओ । ता करेह वय-पयाणेणाणुमाहं ।

दिक्खिओ भयवया । जाओ दुरणुचर-सामण-परिपालणुज्जओ त्ति ।



सुहय अह निय दइय वावाइस्सामि तुज्ज पच्चवख ।  
 एव पयपिऊण पईवओ आम्पिओ ज्ञात्ति ॥ ३१५ ॥  
 एत्थन्तरमि कुमरो वण्हिं घेत्तूण आत्ति सपत्तो ।  
 सपत्तेण भाणिय उज्जोओ इह मए दिट्ठो ॥ ३१६ ॥  
 तीए तओ भाणियमिण तुह कर-गहियस्स जलिय जलणस्स ।  
 देवउले सक्कन्तो पिय उज्जोओ तए दिट्ठो ॥ ३१७ ॥  
 खग्ग समाप्पिऊण जा सो दीवेइ हुयवह कमरो ।  
 ता कट्ठिय करवाल गीवाए मुच्चए पहर ॥ ३१८ ॥  
 एएण करुण मइणा अवहत्थेऊण पाडिय खग्ग ।  
 सिट्ठ सहोयराण चरिय इत्थीए सु विचित्त ॥ ३१९ ॥  
 नाऊण तय तीए विलसियमइदारुण निरावेक्ख ।  
 वेरग्ग समावन्ना समागया मह समीवमि ॥ ३२० ॥  
 आयाण्णिय निय चरिय सभन्तो माणसमि सो कुमरो ।  
 परिभावइ पेच्छ अहो महिलाण ठारुण चरिय ॥ ३२१ ॥

ता सच्चमेय—

गह्वाए वालुय सायरे जल हिमवओ य परिमाण ।  
 जाणन्ति बुद्धिमन्ता महिला हियय न याणन्ति ॥ ३२२ ॥

तहा—

रोवन्ति रुवायन्ति य अलिय जपन्ति पत्तियावेन्ति ।  
 क्ववडेण य खन्ति विस मरन्ति न य जन्ति सवभाव ॥ ३२३ ॥  
 महिला हु रत्त मेत्ता उच्छू-खण्ड व सक्करा चेव ।  
 सच्चिय विरत्त-मेत्ता निम्ब कूर विसेसेइ ॥ ३२४ ॥  
 अणुरज्जन्ति खणेण जुवइओ खणेण पुण विरज्जन्ति ।  
 अन्नन्न राय निरया हलिइ रागो त्व चळ पेम्मा ॥ ३२५ ॥  
 हिययमि निट्ठुराओ तणु जम्पिय पेहिणहि रम्माओ ।

जुवईओ सरिच्छाओ सुवण्ण-विच्छुरिय-द्धुरियाए ॥ ३१६ ॥  
ता अहो मे अहमत्तणं जमेय-वारणे मरुलियं कुल अङ्गीकओ  
अयसो । अह वा—

ताव फुरइ वेरम्मु वित्ति कुल छज्ज वि तावहिं ।

ताव अज्जह तणिय सङ्क गुरु यण-भउ तावहिं ।

ताविन्दियह वसाइ जसह सिरिहायइ तावहिं ।

रमाणिहि मणु-मोहणिहि पुरिमु वसि होइ न जावहिं ॥ ३२१ ॥

ता धिरत्यु ससारम्म नत्थि एत्थ किंपि मुहकारणं । भाणियं च—

खण-दिट्ठ-नट्ठ-विह्वे खण परियट्ठन्त विविह-मुह-दुक्खे ।

खण-संजोय-विओए संसारे रे मुह कत्तो ॥ ३२८ ॥

एवमाइ भावेन्तो सर्वगेमुवगओ, निवटिउण य मयवओ चलणेमु

भाणियं ‘ भयवं, मम सन्तियं चरिममेयं । अहं एएमि भाइ-घायगो

उन्विगो य अह् संसार-वासओ । ता करेह वय-पयाणेणाणुमाहं ।

दिन्निवओ भयवया । जाओ दुरणुचर-मामण-परिपालणुज्जओ त्ति ।



## સૂ ચ ના

સંક્ષિપ્ત પ્રાકૃત વ્યાકરણ અને શબ્દ કોષ  
જુદા પુસ્તક રૂપે છપાય છે.